


17
nat.
la.



N^o 658



949.1

Jón

DISQUISITIONES DVAE
HISTORICO - ANTIQVARIAE
PRIOR
DE
VETERVM SEPTENTRIONALIVM
INPRIMIS ISLANDORVM
PEREGRINATIONIBVS

IN QVA

Ex antiquorum Islandorum peregrinandi studio, eorumque de peregrinationum usu et necessitate sententiis, politi populi mores adstruuntur, et Historicorum Islandicorum auctoritas, vetustorum Manuscriptorum fide vindicatur.

POSTERIOR

DE PHILIPPIA

SIVE, AMORIS EQVINI APVD
PRISCOS BOREALES CAVSIS,

PER

IOHANNEM ERICI,

ISL. IN COMMVNIT. REG. DECAN.

LIPSIAE,

APVD FRANC. CHR. MVMME.

BIBLIOP. HAFNIENS.

CIO 133CLV.





DISSERTATIO
DE VETERVM BOREALIVM
INPRIMIS ISLANDORVM
PEREGRINATIONIBVS.

CONSPECTVS.

Argumenti, ad politos gentis Islandicae mores, et Historicorum Islandicorum fidem demonstrandam, a peregrinationibus ducti, robur et vsus examinatur. §. I.

CAP. I. *De peregrinationibus in genere, veterum de eis placita recensens.*

Praecipuae apud veteres peregre eundi rationes, strictim enumerantur. §. II.

In specie, rerum alibi gestarum notitiam, prisca

boreales, ab hospitibus et aduenis quibuscunque, anxie quaerere soliti. §. III.

Eandem Islandi, a suis peregrinantibus, in patriam reducibus, summo studio postularunt. §. IV.

Peregrinationes, scientiae et sapientiae adminicula olim Islandis creditae. §. V.

Hinc eadem *Stulti*, quae domi semper haerentis, eadem contra *Peregrini*, quae honores promouentis appellatio. §. VI.

Idem probatur, ex vsu peregrinationum, in dictorum factorumque moderamine et conuersatione ciuili. §. VII.

In integritate morum et Prudentia Politica. §. VIII.

In fortitudinis laude, honoribus, et celebritate nominis acquirenda. §. IX.

CAP. II. *De peregrinationibus mercaturae causa susceptis.*

Earum vsus, in Prudentia Oeconomica, tam ex aliorum exemplis, quam obseruationibus meteorologicis haurienda. §. X.

In Iurisprudentiae studio. §. XI.

In linguarum exoticarum cognitione. §. XII.

In moribus gentium cognoscendis, vnde mercatura, tam ob periculorum assuefactionem, quam experientiam, aulicae vitae initamentum olim habita. §. XIII.

Idem probatur ex mercatorum multitudine. §. XIV.

Ex mercantium conditione et statu, qui olim viri erant, clarissimis natalibus orti. §. XV.

Denique ex locis, in quibus mercaturam maxime exercuere nostri, quae vel mercatorum, ex maxima Europae parte, confluxu celebria, vel longissime dissita. §. XVI.

CAP. III. *De peregrinationibus, ob satelliria Principum capessenda susceptis, et cognatis Peregrinationum speciebus.*

Aulicae vitae, in morum vrbantate, in iurisprudentiae qua publicae, qua privatae studio, in Republica denique administranda, vtilitas, ex Regum, morum elegantiae studiosorum exemplis, satellitum ipsorum officiis, et coniuncta, si secus fecissent, ignominia probatur. §. XVII.

Eiusdem vsus in exercitiis corporis addiscendis, ex aemulo virorum promtissimorum commercio, et quotidiana ludicrorum, in aula, certaminum exercitatione, asseritur. §. XVIII.

De militari, in hoc vitae genere, peritia, testantur antiquorum satellitum officia et mores, qui, vel Principis sui nullitiam fe-

que-

quebantur, vel Regio iussu expeditiones susceperunt, vel regiis auxiliis piraticam exercuere, vel denique, piratica strenue functi, in aulam recipi petiere. §. XIX.

Rei militaris, apud nostrates studium, ex militia eorum Constantinopolitana, vltius probatur. §. XX.

Aulica vita honoribus, et diuitiis, per stipendia, et donaria Regia, quae singularis fortuna comitari olim credita, augendis, apta. §. XXI.

Historiarum notitiam, satellitibus Islandis in specie, quorum multi Poëtae i. e. historiognostae Regii

fuernnt, officii ratio inposuit. §. XXII.

Peregrinationum longinquarum, in his Constantinopolitanarum vsus. §. XXIII.

Peregrinationum sacrarum siue Romanarum. §. XXIV.

Veterum Islandorum haud pauci, studiorum gratia peregre profecti, qui vel ipsi historias conscribere, vel ad eas symbolum contulere. §. XXV.

Conclusio Dissertationis, in qua antiqua peregrinationum laus, et utilitas, Islandis eo magis tribuitur, cum plerique peregrinantes, patriam tandem repeterent, sedemque ibi ponerent. §. XXVI.

§. I.



uae tam gentem Islandicam, quam antiquos in ea historiae borealis scriptores, non inulsos adeo et barbaros fuisse, ac exterorum nonnulli, nec periti satis nec aequi rerum nostrarum arbitri, censuere, monstrent, argumenta, tam multa sunt, totque celebrium auctorum scriptis illustrata, vt singulorum,

vel leuem inire numerum, angustos Disquisitionis huiusce limites, immane quantum! excedat: Hinc tantum, quid ad honorem gentis nostrae hac in parte vindicandum faciat, quam prouida maiorum cura iuuentuti olim imposuit, peregrinandi necessitas, paucis aperiam: Ex obliquo saltem, ac ne vix quidem, *Bartholinus* et *Torfaeus*, in adstruenda Historicorum borealium auctoritate, diligentissimi alias et accuratissimi, hoc tatigere argumentum; plene hactenus, quod equidem miror, tractauit nemo; Eius enim limites, si, quo par est, proferantur, totusque eius ambitus attentis figillatim subiiciatur oculis, confestim, spero, apparebit, maius multo huic argumento robur, ampliorem inesse probandi vim, quam reliquis, quae ab antiquis lapidum sepulchralium et Clypeorum Inscriptionibus, ab aulaeorum texturis, ab aedium denique sculpturis et picturis historicis, memoriarum rite conseruataram peti adminicula vulgo solent. Quas nobis vetustas reliquit, Cipporum antiquorum Inscriptiones, si pauculas tantum excipias, ipso fatente Bartholino ^{a)}, ob obscuritatem suam et breuitatem, vix iuvare Historicum possunt: Clypeorum, inscriptionibus historicis insignium, vsum,

et

^{a)} Antiqu. Dan. Lib. I. c. 9. p. 145.

et nonnulla auitae fortitudinis specimina, eorum ope, ab interitu vindicata, priscis omnino denegare borealibus; equidem haud puto integrum; certum tamen est, talium clypeorum exempla, specialia nimis esse, eosque extra vsum vulgarem positos, et singularibus personis fuisse proprios; imo eorum plerosque, non tam literatis narrationibus, quam caelatis sculptisue rerum gestarum iconibus, pereunte, quod primam iconographiae occasionem dedit, facti memoria, facile obliuioni tradendis, fuisse notatos, ipsa, quae eorum mentionem iniiciunt, antiquorum testimonia, post Bartholinum *b)* a Torfaeo *c)* collecta, suadent: Horum igitur Inscriptiones, ad insignia vel emblemata militaria, melius referendae, maiorum vero factis ad posteros transmittendis, quamuis in speciali forte casu aptae, haud tamen sufficientes satis, magnis illis historiarum borealium fundamentis, non accensendae, atque eatenus B. Grammio *d)* non immerito suspectae sunt. Idem de veterum aulaeis, picturis, et sculpturis historicis dicendum. Quod autem hic a peregrinationibus argumentum desumimus, vniuersale

A 4

est,

b) Ibid. pag. 148. 149. 150.

c) Ser. Reg. Dan. Lib. I. c. 6. pag. 51.

d) in Notis ad Meursii Lib. I. ed. Ital. pag. 30.

est, et ob exemplorum multitudinem, latissime omnino patens, consona omnium antiqui aevi historicorum nititur fide: Auger argumenti huius usum ipsa eius natura et indoles, quae, ut communi toti populo Islandico viuendi generi, maximam lucem, vim maximam debet, ita mores gentis atque instituta, et prudentiae in ea civilis formam, haud parum illustrat: Si enim, qui iuuentutem Islandicam ad peregre eundum inuitauere, fines; si, quos, a reducibus, cognatio et patria, iure quodam suo postulauit, profectus, examine-
mus, liquido patebit, veteres Islandos barbarum et agreste viuendi genus minime esse secutos; verum multo magis populum fuisse, qua illorum temporum simplicitas ferebat, satis politum, *artium et exercitiorum corporis, rei militaris, ut scientiarum* in genere, ita in specie *Historiarum, Prudentiae Politicae et Oeconomicae, urbanitatis* denique et *morum elegantiae*, studiosissimum. Hinc igitur vindicari fortitudo veterum Islandorum bellica potest, et scriptores varii, antiqui iuxta ac recentiores refutari, qui gentem Islandicam ut genus hominum trepidum, debile, et rei militari omnino ineptum traduxere: Hinc manifeste consequitur, Islandos, a reliquo licet orbe longius paulo remotos, haud
con-

contemnendam nihilominus, rerum in exteris gestarum habere potuisse, et reuera habuisse notitiam, eique in suos usus convertendae haud impares esse censendos, atque adeo scripta eorum historica, quasi a rudibus et imperitis confecta, nec fabularum instar habenda, nec alto adeo, ac a viris caetera magnis, factum videmus, contemnenda supercilio. Ad quae si eos, in Regnorum peregrinorum historia interdum errasse, obicias; non historiae conscribendae ineptos, sed homines, sed a communi hallucinandi forte (quam nec iis denegauerim) non exemptos, probas: Sic enim in ipsius Islandiae historia interdum errarunt: Sic, in suae patriae historia, integerrimi quilibet, doctissimi atque exactissimi, politissimarum gentium historici, interdum errant: Sic errant et hodie, dum de rebus Dano - Noruegicis scribunt, vel ipsi, in exterorum Academiae, Celeberrimi, et omnigenae eruditionis laude superbientes, Historiarum Professores, cum tamen meliora, ex scriptis Danorum Historicis, in suas linguas translatis discere queant: Sic denique omnis errat homo, non stupiditatis solo, non barbariei, sed memoriae et scientiae finitae vitio. Plura non addam. Prius autem, quam ipsum rei caput ad-

grediar, Lectorem Beneuolum obnixe rogo atque obsecro, vt argumenti, aliis hactenus intacti nouitas, seria bene de patriis rebus merendi voluntas, et quam Specimina Academica imponunt, annua scribendi necessitas, modicam, qua disquisitio haec elaborata est, doctrinam excuset.





CAPVT I.

DE

PEREGRINATIONIBVS IN GE-
NERE VETERVM DE EIS
PLACITA REGENSENS.

§. II.

Vt itaque, quae §. I. promisi, quo maxime decet, ordine exsequar, quas antiquitas potissimum respexit, peregrinationes, ipsis, qua fieri potest, veterum auctorum verbis strictim adumbrabo: Harum primariae, et ab omni retro antiquitate maxime principales fuere: vt iuvenes, ingenuis orti natalibus, accuratiorem, rerum extra patriam gestarum, cognitionem acquirerent; vt, si quid, siue petulantiae, siue rusticitatis, vel indulgentia parentum, vel domesticae vitae licentia, moribus induxerat, peregrini contubernii urbanitate emolliti, deponerent; vt maiori rerum, quas terrae, si famam exceperis, antea ignotae, obtulere, vsu, experientiam, exterorum autem commercio, prudentiam, et conuersandi artificia, addiscerent; vt denique, positis, apud externos, qua fortitudinis, qua honorum rudimentis, nominis celebritatem, maiorem in patria auctoritatem, maiorem populorum suorum exstimationem sibi conciliarent,

atque

atque adeo faciliorem sibi, ad Reipublicae administrationem, aperirent aditum.

§. III.

Quin historica in specie cognitio, peregrinantes olim quam maxime tenuerit sollicitos, dubitare nos non permittit, priscorum borealium consuetudo, qui ab hospitibus et aduenis quibuscunque, rerum gestarum notitiam, studiose semper quaerebant. Seruat moris huius antiquissimi vestigia, Eddae Saemundi Oda Vafthruthnismál, ubi Vafthrudinus, postquam hospitem, coram se stantem, variis de Philosophia et Theologia veteri quaestionibus exercuerat, ita tandem locutus introducitur:

„Frothr ertu nu gestr,
 „Far thu á beck Jötuns,
 „Oc melome í sessi saman;
 „Haufdi vedia
 „Vith scolom haullo í
 „Gestr um gedspeki.

i. e.

*Iam amplam satis, hospes, scientiam habes;
 Hinc in scamno gigantis recumbe,
 Ut sedentes colloqui queamus;
 Capite contendamus*

In aula

Hospes! vter nostrum plus profundae scientiae possideat.

quae,

quae, quominus Logogryphis Physico-Theologicis, quibus se inimicem Diuos et gigantes vetustos excipere solitos, eadem Edda saepius tradit, Mythologice consuetudo adumbrari credatur, nil obstat. Nec minus Reges, Principes, et alii olim magni nominis viri, quos peregrinantes forte offendere, de rebus, apud externos, gestis, studiose percontari soliti sunt, talemque notitiam maximis in deliciis habuere: Ex multis, Olauum Trigguinum, Noruegiae Regem, et Knutum Lauardum. Slesuicensium Ducem, producam testes; quorum prior, ut ipse peregrinando erat assuetus, Thorvalldum Kodrani filium et Stefnerum Islandos, longinquis itineribus claros, vix salutauerat prius, quam regionum, quas adierant; statum, et populorum, inter quos versati fuerant, Principumque exterorum mores, quasque ipsi res gesserant, qua potuit diligentia, sciscitaretur e); posterior vero, Vidgotum ad se profugum, ad familiare colloquium crebro admisit, eiusque sermones magni faciebat, ob raram, qua pollebat experientiam rerumque usum, nec non plurimarum regionum, quas perlustrauerat, notitiam; imprimis autem, de rebus, quas in Oriente viderat, operose quaesitum, summa cum delectatione audiebat f). Similem plurima alia antiquitatum testimonia ministrant, aliorum Regum

e) Olafs Saga, Ed. Isl. Lib. II. pag. 46 et 62.

f) Knytlínga Saga cap. 87. ed. Hafn. pag. 179.

Regum et Principum consuetudinem, qui, ubi quis, ad aulam, peregrinans, hospitium, satellitumue petiturus, accessit, quae aliis in locis audiisset et vidisset, exponendi, ut et propriae vitae narrandae mandatum saepius dederunt; non tam temporis fallendi causa, quam, ut hocce virium animi tentamine explorarent, an capaci secretiorum consiliorum, dignaque interiori familiaritate, prudentia valerent et experientia, atque adeo, quo honoris genere excipiendi, quo habendi essent loco: Hanc, quod se, longo itinere maceratum; scrupulosis nimis quaestionibus fatigaret, in Haquino Noruegiae Comite, curiositatem, reprehendit Thorleifus Islandus, Comitum Poëta postea dictus g):

„That er oc talat, at seigt er svaungum
 „at fkruma; man ek ok ecki at ythur fkruma,
 „ma, Herra! nema ther látit gefa mer mat
 „at eta - er flíkt næsta úhöfðinglegt, at
 „spyrea úkunna menn í hvern heim, enn
 „huxa æi hvat mönnum hentar, i. e. *Vetustum etiam prouerbium est, difficilem ieiuno loquelam esse; hinc Te, Domine! meis haud prius delectatione perfundam narrationibus, quam cibaria mihi iubeas apponi - Non enim Principe dignum, spinosis, de qualibet orbis parte, ignotos quaestionibus torquere, nec tamen quid eorum necessitas postulet, curare.*

Quanto igitur Regum Principumque gratia et bona

g) Olafs Saga, ed. cit. Lib. I. pag. 205.

bona opinio, peregrinantibus erat emolumento, tanto eos accuratiorem, terrarum, in quibus versabantur, cognitionem, ornaumento sibi duxisse, quis dubitet?

§. IV.

Eadem plane ratione conterraneos suos, in patriam reduces, Islandi ipsi exceperē, quippe quibus, utpote historiarum studio (quod, si alia deessent argumenta, tot historicorum antiquorum, quae omnium hodie manibus teruntur, volumina euincunt) semper addictissimis, nil prius, nil fuit antiquius, quam rerum in exteris gestarum notitiam, omni expiscari cura. De seculis, Islandiae Occupationi propioribus, testis est hac in re Historiae Noruegicae Prologus, cuius haec sunt verba: „A hans dögum bygg-
„diz Island, ok var thá mikil ferd af No-
„regi til Islandz, spurduz thá á hverjo
„sumri tíðindi landa ímillum, ok var that
„fíðan í minnum haft, oc eptir til frásag-
„nar „ i. e. *Islandia Haraldí. Pulchricomí*
tempore, maxime occupabatur, crebraeque eo
ex Noruegia (et ex Islandia vicissim in Norue-
giam) instituebantur nauigationes, quo factum
est, ut si quid noui accidit, quauis aestate Is-
landi rescisterent, quod ab illo tempore, memo-
ria hominum seruatum, traditionibus et relatio-
nibus historicis, materiam postea praebeuit.
Quae introductam religionem Christianam pro-
xime

xime sequebantur secula, eo plures harum rerum tulisse studiosos, certum est, cum omnia Islandorum monumenta, tum primum literis mandata esse, tam ex Aronis Multifcii, primi apud nos historici, aetate *h*), quam ex luculentissimo Sturlungorum historiae testimonio, a nobis alibi *i*) laudato, satis pateat. Quo autem maiorem dictis fidem faciam, quae notiora sunt, exemplis, a tergo relictis, binos tantum nomeno, Hrolsum nempe Skalmarnesensem *historicum pariter ac Poëtam*, („hann var Sag-
 „namadr, oc' orti fkipulega,„) et Ingemundum sacerdotem, Einari filium, de quo ita Sturlungorum Historia *k*); „Ingimundr prestr
 „Einarsfon var fræðimadr mikill, ok fór
 „vel med Sögur, hann fkemti vel, ok orti
 „gód quædi, er hann thá fyrir laun utan-
 „landz“ i. e. *Ingemundus sacerdos magna pollebat eruditione, historias prudenter tractavit, easque cum insigni audientium plausu narravit, nec egregia minus carmina composuit, pro quibus ab exteris praemia reportavit. Cum autem tales, non peregrinae solum, sed patriae quoque historiae darent operam, moris erat, ut reduces ab exteris homines, in conviviis et conuentibus solennibus, praeter gentium peregrinarum mores et gesta, suarum etiam pere-*
 gri-

h) Torf. Ser. Reg. Dan. Lib. I. cap. 5. pag. 38.

i) Notis ad Gunnlaugi Orms-tungae vitam cap. I.

k) Lib. I. cap. 6.

grinationum ordinem, sua in exteris fata, honores, pericula narrando, auditores delectarent; quae causa est, quod Kiartani, talia narrare recusantis seueritas, Patri admodum displiceret 1): „Kiartan sagdi ecki grand frá ferdom sínom, at thesso thotti Olafi fedur „hans mikit mein. i. e. *Id imprimis Olaum Kiartani patrem male habuit, quod ne minimum quidem de peregrinatione sua narraret.*

§. V.

Accedit, quod ex communi veterum sententia, sapientiae laudem mereri, nomenque tueri vix posset ille, cuius scientia angustis paucarum rerum continebatur limitibus: Hinc, quemadmodum, iustam satis imperitiae notam, aegre se effugere posse sperabant, multumque sibi ab ea timebant, qui, licet exquisita satis, eorum, quae patriam spectabant instructi cognitione, intra patriae tamen terminos, penatesque paternos semper haerentes, transmarina scrutari loca insuper habuerunt; testantibus Bollii Bollii filii, ad Snorrium, peregrinationem dissuadere volentem, verbis m): „Thyckir mer madr vit „that fávis verda, ef hann kannar ecki vídara enn her Island, i. e. *vix se, mea sententia, ab imperitiae liberabit culpa, qui nullas,*

1) Laxdæla Saga.

m) Laxdæla Saga.

las, praeter Islandiam hancce nostram, perlustrat terras: Ita multo certior, haud facile amouendae aut delendae stoliditatis eum reprehensio mansit, qui, rerum in exteris gestarum notitia vacuus, patriam repeteret: Nec aliud morales veterum sententiae n) innuunt, hanc stupidi notam velut characteristicam, his verbis proponentes:

„Fimbul-fambi hæitir
 „Sá er fátt kann segia,
 „That er ósnótr Adall.

i. e.

*Admodum haesitans (stupidus) vocatur
 Qui pauca narrare nouit;
 Haec inficeti indoles est.*

§. VI.

Quantum caetera prudenti peregrinandi consilio, in sapientiae et prudentiae studio veteres tribuerint, inde maxime patet, quod illius, qui intra parietes paternos semper delitescit domi, appellatio, communi omnibus seculis loquendi usu, in *Stulti* notionem abierit, eademque voce *inficetum*, qua *peregrinandi expertem*, nostrae linguae homines appellent: Placet hac de re Paulum Vidalinum o) audire, cuius, si Latine reddantur, huc fere redeunt verba: Heimskr

i. e.

n) Hávamal siue Ethica Odini.

o) in Glossar. Iurid. MSto, Islandice scripto, voce *Heimskr*.

i. e. *stultus*, nomen est adiectiuum, a voce heima, i. e. *domi*, formatum, ut Grískr, Ebreskr, Aegyptískr, et similia, adeoque primo significatu talem denotat, qui domi educatus, et in paterno limine semper haerens, nullos in dictis factisque bonos mores didicit, nisi quos domi vidit et audiit, iuxta prouerbum: „heimskt „er heimalit barn“ i. e. *Stulti sunt qui domi educantur liberi*; item „thu hefir thá „fidu er thu lærdir heima, ok er heimskr „heimöldum líkr“ i. e. *tu, quos domi hausisti, moribus uteris, in hoc enim stultus domi educatum refert*. Cum autem tales domi nutriti, siue *hiemföduinge*, utpote peregrini cultus expertes, petulantes sint, dicaces, inconti, audaculi, imo saepe temerarii, idque in incognitos licere putent, quod sibi in parentes vel familiares domi sumfere licentiae, inde vox *heimskr* in eam transit notationem, ut hominem significaret *stultum*, et, in legibus nostris antiquis haud raro, maleuolum, qui plus sibi, quam fas et iura sinunt, tribuit: Testes horum produco, Magnatis Noruegici Erlingi Skialgí filii, ad Asbiornum, verba: Örordr mantu heima frændi i. e. *quin domi, cognate, petulans sis, non dubito*: hisce Asbiorni dicteriiis opposita: mihi relatum est, matrem meam ingenuis esse natalibus ortam, et Erlingum de Sola cognatorum eius esse nobilissimum; iam vero te ipsum discentem audio, tibi, prae fer-

vorum regionum timore, de frumento tuo disponere laud integrum esse: quae utique non dixisset, si politis insignium virorum moribus fuisset imbutus; haecce enim verba, conceptis inter Olaum Sanctum Noruegiae Regem, et Erlingum, fomitem addidere dissidiis, quae Erlingo mortis, Regi autem exilii tandem fuere causa. Alterum testimonium Gudmundi ad Einarum fratrem, quam illi, ut se consilio iuaret, dederat tunicam, reddere volentem verba *p)* praebent „Haf thu nu allt saman, skickiuna „oc andvyrdit, oc get ek at fva búir thú „nú, at ther verdi at bædi heimska oc „klækiskapr „ i. e. *Iam utrumque, et tunicam, et pretium, per me, retineas, licet; utereor enim, si reddideris, ne haec tibi res, et stultitiae cedat et nequitiae; Stultitiae quidem, quod Einarus, prudentiae suae, quod raro alias solebat, non habita ratione, tunicam a fratre accepit, fidemque ei prius iuravit, quam, quo eius molimina tenderent, explorauerat; nequitiae vero, si fidem et promissum datum, non servaret: Haecenus Vidalinus. Similem peregrinationum commendationem suggerit, ipsa peregrini, in lingua nostra appellatio, framandi, quae Suecis framandi, Anglo-Sax. fremd, Alem. Fremder, Danis fremmed, Belgis Vremd effertur; hanc Stiernhielmus *q)*, Kiliano auctore,*

p) Reikdalensium historia cap. 24.

q) in Glossario ad Ulphilam, voce framathjana.

ctore, ducit a *Ver-heynd*, quasi sit, cui domus et patria peregre est; nec dissentit Fr. Innicius r), sed tantum addit, *Verr* procul, et *heynd* domum significare, adeo ut *Vremd* proprie sic dicatur *qui suos lares et patriam sedem longissime distitam habet*; notione ipsa, a veritate non aliena, vocibus tamen primitiuis, si quid video, minus recte constitutis. Propius forte a vero absuit Gudmundus Andreae s), vocem *framandi*, quae peregrinum significat, particulae *Fram* derinatis apponens, licet id, postulante literarum ordine, an consilio, factum sit, vix constet. Rem autem ipsam acu tetigit Wachterus t), his verbis: *FRAM* significat absentiam a loco; inde Anglo-Saxonibus *FRAMSTANDAN*, abstinere; ab hoc significato deriuatur *FREMD* alienus, a solo natali longe absens: et infra u) plenius: olim contraxi ex duabus vocibus, *FRAM END*, a finibus terrae; sed nunc malo formare immediate a *FRAM*, ab, ex, de, ut peregrinus sit, qui e longinquo est etc. Quam viri summi sententiam, meam facere non dubito, specialem tantum, et, quod iam agitur, instituto propiorem rationem, ex lingua Islandica daturus; in qua particula *fram*, quae Danico *frem* fere aequipollet, et in com-

B 3

positis

r) in Glossario ad Ulphil. edit. Dordr. p. 163.

s) Lexic. Island. pag. 77.

t) Glossar. German. pag. 471.

u) Ibid. in voce *fremd*, pag. 481.

positis *Pro* Latinorum refert, proprie significat prorsum antrorsum, quod spectat formula, *at ganga fram*, procedere, pedem promouere: In genere sumitur de quolibet progressu, siue motu fiat, siue minus; siue retrogrado, ab vltimis, siue directo; a primis, ordine; atque hinc, de fluxu temporis, tam praeteriti, vt: *at muna langt fram*, longa rerum praeteritarum memoria pollere, quam futuri, vt: *that kemr fram*, eueniet. Dicitur et de rebus quae antea non visae prodeunt, atque adeo de eis, qui propriis sedibus relictis, ignoto diu vagati tramite, aliis tandem in locis, conspectui hominum se sistunt, vt: *ham kom fram á Skotlandi, í Danmaurk* etc. in quibus et similibus loquendi formulis a Latinorum *ultra* vel *trans*, non omnino discedit. Vt autem omnis generis progressum significat, ita ad perfectionum augmenta, et praerogatiuam quandam denotandam saepissime transfertur; sic *at fara fram*, procedere, cum Dativio impersonaliter positum; *mer fer fram*, est proficio, vt contra: *mer fer aptr*, deficio: Quo etiam sensu, ad res gerendas traducitur, vt in loquendi formula: *That gengr fram, verdr framgengt*, negotium procedit, vnde *framgenginn*, qui pericula exantlauit, vel cū rerum quoduis, inprimis si honorem augeat, accidit: huc spectat verbum, eg *frem*, *framdi*, at *fremia*, patro, in effectum produco, efficio vt res succedat,
Danis

Danis *at fremme*, Wachtero *x*), *fremmen*, unde frequentatiuum *eg frama*, celebrem reddo, et, sensu reciproco, *at frama sig*, ad honores, inprimis apud exteros, eniti, cuius particip. praesens, *framandi*, honores promouens, ad peregrinos significandos est translatum, quasi, quos a suis sedibus, ad gentes ignotas, clari nominis studium traheret, quique eandem, apud se, aliis suppeditarent gloriae occasionem, quae ideo *frami*, quod gloriam peregre cundo acquisitam notat, antiquis vocabatur.

§. VII.

Vt autem ad ipsam rem regrediar; nimiam, in specie, sui ostentationem, quippe quae experientiae iuxta et prudentiae defectum prodit, viro cordato indignam veteres indicavere *y*): „that „er mannligt, at dramba litit yfir ser, enn „gera mikit afdrif, ef madr kemr í nockra „raun „ i. e. *parum se efferre, ast, ubi pericula forte subeunda, rem strenue gerere viros decet*: Ad hanc autem prudentiae partem, quam peregrinationes imponebant, inter multos, antea ignotos, versandi necessitatem, vel plurimum conferre, merito docet Voisungorum historiae Auctor *z*): „hver sa er med mörgom „kemr, má that sinna eitthvert sinn, at engi

B 4

„er

x) Loc. cit. pag. 482.

y) Hrolfs Saga Kraka cap. 18.

z) cap. 27.

„er einna hvatastr., i. e. *qui in multitudine versatur, multosque adit, aliquando experitur necesse est, neminem omnium esse promptissimum*: Qui contra domesticum tantum sectabantur vitae genus, rerum, quæ momentum traherent infueti, alienae autem virtutis, et quas profitebantur, artium et exercitiorum ignari, iustamque adeo sui et aliorum rationem habere nescii, dum tenui suarum virium et experientiae modulo alios metiebantur, nimium sibi tribuere, nil supra vires putare, stultisque se moliminibus (*veteres at atla ser dul, dixere*), aliis saepiuscule propinare deridendos solebant. Dicendi intemperantiam, et quæ eam poenitentia sequatur, ita auctor vetustus a) adumbrat: „ver megom thefs' opt ydraszt, at ver „erom of málgir, oc fialldnar mundom „ver thefs ydraszt, thó ver mælltom færri „enn fleyra „, i. e. *Sæpius nos, nimiae loquatitatis ducimur poenitudine, rariusque nos pauciora, quam plura dixisse, male haberet*: Hanc vero ab iis facile euitatum iri spes erat, quos varia peregrinae consuetudinis tentamina, ne iudicium praeceps agerent, sed re adhuc in biuio posita, suspenderent, cautiores reddiderant, cum, ex aduerso, talium inexperti, turpiter se sæpius darent, et omni data occasione, quali Olai Trigguini Noruegiae Regis Satellites, secum, ut imprudenter, ita successu parum

a) Hrafnkels Saga Freys-Goda.

rum felici contententes, Nornageflus perfrinxit *b*); locum facerent reprehensioni: „vedit „eigi optar vid úkunna menn, thviat eigi „vitit ther, hvern ther hittit thann fyrir, „at bædi hafi fleyra heyrt oc set, enn ther, „i. e. *Vobis, ne cum ignotis amplius pignore contendatis, auctor sum, in talem enim forte imprudentes incidetis, qui plura vobis et vidit et audiit.* Quae cum ita sint, quod haecenus tetigi, dictorum factorumque moderamini, peregrinantes olim, eo diligentiorē navasse operam certum est, cum, potissimum quippe prudentiae negotium suo continens ambitu, non maximae, solum necessitatis, sed et laudis esset, neglectum contra, peritorum ludibriis et contemptui occasionem daret, et vera denique esset, quae ab insulso, et domestica stoliditate infatuato, cordatiores discerneret nota: quo respectu praeclare Ethicae Odini auctor, in hunc sensum scribit:

„Vitz er thaurf,
 „Theim er víða ratar,
 „Dólt er heima hvat;
 „At augabragdi verdr
 „Sá er ekki kann,
 „Oc meth snotrom fitr.,,

i. e.

*Prudenti rationis usu opus est
 Ei qui passim vagatur.*

B. 5

Domi

b) Norna gests Saga cap. 2.

Domini contra quidlibet impune licet.

Aspernabili aliorum obtutui (oculorum iactui) subiicitur.

Qui imperitus est,

Vbi urbanis affidet.

§. VIII.

Quo autem horum verborum sensus evidentius pateat, sciendum, haud ultimam, quae nostrates, ad peregre proficiscendum, olim invitaret, causam fuisse, ut, si quid agrestis, duri, inhumani, rudiusculi, mentem obsedit, mitiori, magis tractabili, imo elegantiori ingenio permutarent: quo Gunnlaugi ad Illugum patrem verba spectant *c*): „Gunnlaugr quedz „vilia utan fara, ok síá oc nema fido an- „nara manna „ i. e. *Gunnlaugus se, ut exterorum mores videret disceretque, peregrinationem parauisse respondit.* Idem et Thorkilli in Glumum, ab exteris reducem, dicteria innuunt *d*): „thefs áttu von, at menn muno „that eigi sitia ther, ef thu meidir fe manna, „thótt thu thickiz ha fa framat thik utan- „lendis, - stórliga lætr thu nú Glumr, ok „líkr glópalldi thickir ofs thu nu, sem thá „er thu forst utan „ i. e. *Id tibi sperandum est, alios non toleraturos, si pecoribus eorum vim inferas, quamvis peregrinando inclaruisse, tibi*

c) Gunnlaugs Saga Orms-tungo cap. 4.

d) Viga-glums Saga cap. 7.

tibi videaris - utut enim iam Glume superbias, nobis tamen adhuc, qualem ante discessum cognouimus, fatuus videris: Illi scilicet exprobrat, quod inconditos domesticae consuetudinis mores, et iuuenilem imprudentiam, exterorum commercii ope, nondum satis exuisset, adeoque praecipua, quam praeflare peregrinatio debuisset, utilitate frustratus, domum rediisset: Hinc et Thorsteinus Egilli filius ita Illugo loquens inducitur e): „Gunnlaugr skal „fara utan, oc femia sik eptir fid annara „manna - enn mer, vyrdizt ecki skaplyndi „hans „ i. e. Gunnlaugus peregre proficiscatur, et ad exterorum mores se componat - nam quo iam utitur mihi haud probatur ingenium. Quod enim peregrinos politioribus et humanioribus moribus uti, nostri crediderint, Illugi Fulci, ingenium durum atque obstinatum, exterorum conuictui et societati ineptum iudicantis, verba docent f): „Illugi-qvad hann eigi „mundo godr thyckia í öðrom löndom, er „hann thottizt traudt mega sæma víd hann „heima thar sem hann villdi „ i. e. Illugus haud exteris probatum iri coniiciebat, qui paternam in domo, aegre se, ad arbitrium parentis, contineri patiebatur; quibus, similis, cur fratrem Egillum, itineris ad externos socium admittere recusaret, ratio a Thorolfo Scallagrími

e) Gunnlaugs Saga Orms-tungo cap. 5.

f) Ibid. cap. 4.

grimi filio adducta g), suffragatur; et, quae plurima adferri testimonia possent, unde pateat, maiores nostros, peregrinationes, ut viuam, qua priuatae, qua publicae, siue politicae, prudentiae scholam spectauisse, non externae tantum elegantiae artificem et magistrum, sed interiorum quoque animi recessum, et ingeniorum cognoscendorum, quam in politicis notitiam primas tenere nemo ignorat, administram; saepius laudata Odini Ethica, his verbis, testante:

„Sá einn veit,
 „Er vítha ratar,
 „Oc hefir fiölld um farit,
 „Huerjo gēthi stýrir
 „Gumna hver,
 „Sá er vitandi er vitz.

i. e.

*Solus cognoscit,
 Qui late proficiscitur,
 Multaque peragrauit loca,
 Quale ingenium foueat
 Virorum unusquisque,
 Quem rationis cura tenet.*

§. IX.

Praeter haecenus allata, veteres, fortitudinis laudem, dignitatis et honorum incrementa, nominis denique celebritatem, peregrinando quae-

siuiss,

g) Egils Saga Skallagrims Sonar.

fuiffe, indicant, quae Biorno, peregre ituro, Scula Thorsteni reposuit *k*): „Scula sagdi sem „fatt var, at their menn fengi margir fram- „kvæmd, er miklo fidur varo á lig kom- „nir enn hann „ i. e. Scula, ut res erat, dixit, multos, in exteris, re bene gesta. ad honores prouehi, illi, qua animi corporisque dotes, multo inferiores: nec non Laxdalen- sium historia, quae Bollium, magnum peregrinatione sua honorem consecutum tradit, et Thorkillum Eiulfi filium peregrinandi proposi- tum in Thorleiko his verbis laudantem indu- cit: „thikir mer hin mesta varkun, tho thik „fyfi at kanna fido annara manna, thvi „ek vænti, at thu thyckir vafkr madr „hvar sem thu kemr „ i. e. Id maxime tibi condonandum, quod exterorum mores, notio- res tibi reddere cupias: spero enim te; quo ve- neris cunque, strenui viri laudem reportaturum. Consentit, quod Ottaro Hallfredus dedit, con- silium *i*): „thu frændi skalt fara utan, oc „leita ther meiri sæmda „ i. e. tu, cognate, peregre proficiscere, et maiorem honorem quaere: huc et Glumi, ad matrem, verba ten- dunt *k*): „Glumr segir modur sinni, at hann „vill utan rádazt; se ek at throski minn „vill engi verda, enn that má verda, at „ek

b) Biarnar Saga Hítðzla-Kappa.

i) Hallfredar Saga cap. 3.

k) Víga-Glúms Saga cap. 5.

„ek hlióti giæfo af göfgom frændom mí-
 „nom,, i. e. *Glunus, se iter ad exteros medi-*
tari, matri dixit; vides enim, inquit, nullum
alias rerum mearum, nullum existimationis in-
crementum futurum, fieri autem potest, ut a no-
bilibus meis cognatis, aliquid in me redundet
fortunae. Confirmat hoc ipsum Snorro Stur-
 læus 1), Biarnium Heriulfi filium Islandum,
 postquam a teneris vsque peregrinando operam
 dederat, diuitiis et dignitate auctum rediisse tra-
 dens. Denique dubium non est, quin nomi-
 nis celebritatem, peregrinando spectauerit is,
 qui paternos penates hac de causa reliquit, quod
 exiguam nimis posteritati, virtutis suae cele-
 brandae occasionem esse putaret, si sui fama,
 latius, quam hactenus factum erat, non exten-
 deretur: „leitz hanom eigi gott til frá sögo,
 „at eckert skyldi spyriazt til hans lengra
 „enn that sem lidit var,, m): Nec diuersa
 omnino Svipdago et fratri mens, suas hoc modo
 rationes subducentibus n): „dauflið er æfi vor,
 „at vera her uppi í fiöllum, í afdöllum oc
 „úbyggdom, ok koma alldrig til annara
 „manna, ne adrir til vor,, i. e. *Nei taedio*
nostra carebit vita, si in remotis montium val-
liumque anfractibus, et solitudine hacce semper
haerentes, ad alios homines nunquam acceda-
mus, neque alii ad nos veniant.

CA.

1) Ed. Suec. Tom. I. pag. 326.

m) Hervarar-Saga cap. 9.

n) Hrolfs Saga Kraka cap. 18.



CAPVT II.

D E

PEREGRINATIONIBVS MERCATVRAE CAUSA SVSCEPTIS.

§. X.

Inter reliquas peregrinandi rationes, primo se mercatura offert, quae etiamsi, utpote lucri faciendi, reique familiaris augendae gratia, inprimis instituta, nostrum haud spectare institutum primo intuitu videatur; attamen, si illius naturam attentius paulo considerauerimus, in re, quam suscepimus demonstranda, haud exiguum trahere momentum, ex templo videbimus. Non iam id mihi sumam negotii, ut monstrem, veterum Islandorum mercatram, non tam fordidae auaritiae opibusque corradendis, quam splendori rei familiaris, maximique pretii cimeliis, quae nitido et magnifico viuendi generi inferuissent, conquirendis fuisse accommodatam, quippe quod, licet haud incultum omnino populi viuendi modum, quodammodo indicet, plenior tamen, quam instituti huius ratio patitur, Oeconomiae et mercaturae veteris supponit notitiam. Hinc satis habeo monuisse, si quid aliud, mercaturam certe, *prudenter* maiorum nostrorum *Oeconomiae*, haud temere reiiciendum praebere argumentum:

mentum : Etenim quo maiori mercaturam successu exercerent, necessarium illis erat, sedulo perquirere, et qua fieri potuit, cura, discere, quatenam in illis, quae frequentauere locis, mercaturae ratio, qui status esset, tempusque mercandi, quas regiones istae merces producerent, quas non, atque adeo quatenam ibi maximo quaestu vendi possent et coëmi : Maximo ad hanc scientiam adiumento esse, insignium mercatorum exempla, antiquitas credidit ; vnde regulis, nauiganti vel mercanti vtilibus, haec olim annumerata o) : „Enn ef ther ero úkunn
 „kaup i bænom, thá skygn thú vandliga
 „um that, hverfo their fara med sínom
 „kaupom, er mestir kaupmenn oc bestir
 „ero kalladir,, i. e. *Si autem tibi, quae in emporio quopiam viget, mercandi ratio, haud sit perspecta, maxima cura attendas oportet, quo suam pacto mercaturam illi instituant, qui optimi, et maximi nominis institores audiunt.* Verum nec gentium tantum, ad quas commeabant, Oeconomia, prudentiores, virorumque, mercandi gloria in exteris celebrium exempla, maiori rerum usu imbutos, patriae, mercatores nostros reddidere, sed et ipsa artis veterum nauigandi, ad rationes Geometricas, rigoremque mathematicum nondum reuocatae, nec acus magneticae beneficio suffultae, imperfectio, nouam illis obseruationum meteorologicarum, praec-

o) Speculum Regale.

praecipui quippe, tunc temporis, scientiae nauticae fundamenti, imposuit necessitatem; vnde non mirum, illas, ab eodem Speculi Regalis auctore, nauigantibus ita commendari: „Nem
 „thu vandliga byrting löpts, oc gáng hi-
 „mintúngla, dægra far oc ætta fkipan,
 „ok kunn vel at marka, hverfo thverr oc
 „vex ókyrleikr fiovar, thviat that er fród-
 „leikr, ok naudsynlegt at kunna, theim
 „er farmenn vilia vera,, i. e. *Accurate discite hemisphaerii illuminationem, corporumque coelestium motum, diei noctisque vicissitudines, atque plagarum mundi ordinem; simili et ratione noscas rite observare, qui minuatur vel augeatur maris inquietudo, ea enim scientia est navigaturis maxime necessaria. Vt haec rite intelligantur, sciendum est: 1. Nexum illum, quem cum mensuris lunae mutationibus, fluxus et refluxus, adeoque aestus maris habet, veteribus iam fuisse observatum, quae ratio est, cur ad aestus maris incrementa et decrements cognoscenda, coelestium motuum cognitionem, auctor requirat. 2. Hemisphaerii illuminationem, diei noctisque vicissitudines, plagarum denique mundi, atque certorum adeo ventorum, ad se inuicem relationem, nautis ideo diligenter suadet observanda, quod veteres observauerint, varia luminis solaris, prout ad verticem nostrum vel accedit, vel ab eodem recedit, incrementa et decrements, multum conferre ad*

ventos, tam certis anni temporibus, quo æquinoctia et solstitia pertinent, quam certis diei partibus, mane, meridie, vesperi et noctu, spirantes, diuersamque illorum, vt successiōnem, ita in mari concitando vires, et prognostica, quasque plures, Speculo Regali mire consentaneas, ventorum, ad annum solis motum relationes, egregiis Verulamius *p*) demonstrat obseruationibus. Quousque autem Islandi tales obseruationes, vel ex domestica experientia, vel longo nauigandi vsu haustas excoluerint, ad praesens haud pertinet institutum disquirere; hinc sufficit si monstraui, mercatores Islandos nec talium incuriosos fuisse nec ignaros: Vt breuitati studeam, e multis vnum producam Oddum Ofeigi filium, mercatorum sui seculi felicissimum, qui cum aliis vna mercatoribus in sinu Thorgeirsfjordenfi detentus, coeli ratione statuque diligentius pensitato, tantam aëris tranquillitatem, circumiectionum montium occurfu gigni est suspicatus; hinc proximis ascendit montes, eoque certior factus, vehementi satis Oceanum agitari vento, nauim suam, non sine multis caeterorum nauclerorum ludibriis, extra sinus montiumque fauces, scapharum ope, deductam, dum illi adhuc, eodem in portu, commodum sibi ventum opperirentur, mercibus opimis onustam ex Orcadibus reduxit *q*).
Taliū

p) in historia naturali de Ventis.

q) Bandamanna-Saga.

Talium etiam observationum, qua scilicet Prudentiae Oeconomicae praecepta iuxta ac principia continent, in vita communi vsum, prudentiorem quemlibet Islandorum, haud insuper habuisse, suo exemplo docet, vir suo seculo cordatissimus, Einarus Thveraënsis, sedulus harum scrutator 7): „Einar var árvakr oc „ósvefnugr, geck hann ut opt um nætur, „oc fá himintungl oc hugdi at vandliga, „oc kunni thá allz god skyn,, i. e. *Einarus alacer erat, nec multum somno indulgens, saepius noctu egrediebatur, corporaque coelestia intuitus, diligenter observavit, quo egregiam sibi omnium, quae rusticae vitae rationes requirebant, comparavit notitiam.*

§. XI.

De Prudentia Oeconomica haecenus diximus: Verum adhaec mercatores nostros, praeter aliquam Geographiae veteris cognitionem, exterorum quoque ingenium, mores, instituta, leges, linguam denique et historiam, inprimis sui temporis, facile discere potuisse, et, qua singula haecce, vel sibi, vel quod sequebantur, vitae generi, proficua iudicarunt, reuera didicisse, multa euincunt. In specie, haud perfunctoriam iuris cognitionem, ob lites, de vario rerum iure, variisque contractibus extituras, mercantibus vilem, imo necessariam, antiquitas censuit; nec id immerito, cum nulli, tunc

C 2

tem-

7) Liósvetninga Saga cap. 14.

temporis, in Septentrione, quibus causae committerentur, in usu procuratores essent; digna sunt hac de re, quae hic legantur Speculi Regalis verba: „Enn that scalltu vift hugleida, „at á hverri stundo, er thu mátt ther til „tæma, oc minnaz á nám thitt, allra mest „á lögscrár, thviat that er raunar, at allra „er annara minna vit, enn theirra, er af „bókom taka mannvit, thviat their hafa „flest vitni til síns frodleiks, er best ero „lærdir: gerdu ther allar lögscrár kunnar, „enn medan thu villt kaupmadr vera, „i. e. *Id autem certo consideres, ut omni, quod reliqua tibi vacuum negotia relinquunt, tempore, doctrinam tuam, imprimis vero Legum Codices in memoriam reuoces: Re enim accuratius perpensa, omnium aliorum minor est scientia, quam eorum, qui e libris scientiam hauriunt; nam quo quis doctior, eo plures cognitionis suae in promptu habet testes, plura argumenta: Omnes igitur tibi legum codices, iam, dum mercaturae operam dare cupis, familiares redde. Nec obstat, quod ab his, quippe post introductionem demum Christianam religionem, librorumque usum, scriptis, ad tempora antiquiora, librorum iuridicorum usus expertia, nulla fieri conclusio debere videatur; ex iis enim, quae de veterum Islandorum iurisperitia, alibi s) collegi, veterum testimoniis, abunde patet, Islandos,*
Chri-

s) in Notis ad Gunnlaugi Orms-tungae vitam cap. 4.

Christianis nondum imbutos sacris, iurisprudentiae inprimis fuisse studiosos, atque adeo Speculi Regalis auctorem, non tam nova sui seculi mercatoribus, dedisse consilia, quam antiquorum mercatorum consuetudinem, et praecepta, seculi, quo vixit, institutis aptata, denno inculcasse. Nec mercatoribus nostris vel occasionem, vel voluntatem ius exterorum percipiendi defuisse obiicias; quippe quos, tam legum vetustissimarum breuitas, diuturnaue interdum in exteris hospitia, quam ipsa earum necessitas, namque ex iis lites in exteris obortae, decidendae erant, ad iurisprudentiae peregrinae cognitionem inuitauerunt: Credi scilicet non potest, eos iuris exterorum, quo inter eos degentes indigebant, fuisse incuriosos, quibus iurisprudentia domi semper curae cordique fuerat. Nec multis in re explorata, consequentiis opus; Leges enim Islandorum vetustissimas qui considerauerit, vel primo intuitu, multa, exterorum institutis accommodata, multa ex legibus peregrinis hausta, deprehendet; ad quae quin et suam mercantes symbolam contulerint, quid obstat, non video; inprimis cum ex infra (§. 15) dicendis appareat, mercatorum Islandicorum bene multos, viros fuisse nobilissimos, qui postquam a mercando destitire, vel magistratui in patria gerendo admovebantur, vel priuatam egere vitam, consilio tamen spectabiles et auctoritate.

§. XII.

Quam mercatoribus Islandicis (§. II.) tribui, linguarum cognitionem, si illos tantum, qui inter populos, alio idiomate vtentes, moras iusto longiores neceſſebant, exceperis, vltius haud puto extendendam, quam illorum mercaturae, in regionibus, Balthico et Germanico mari circumiectis maxima ex parte factae, ratio poſtulat, talem ſcilicet, quae commerciiſ eis in locis ſuffecit peragendis: Illam autem linguarum notitiam, arctis admodum circumſcribi neceſſe eſt limitibus: Nam etiamſi Ruſſos, Curlandos, Liſlandos, Vandalos, Saxones et Hibernos, Danica veteri, quae Islandis familiaris, lingua, quo Islandorum mercatura maxime floruit, tempore, haud credam uſos; harum tamen regionum emporia celebriora, vt et loca alia mari proxima, ob frequentiore, qua mercatorum, qua piratarum Dano-Noruegico-Suecicorum conſuetudinem, tantum Danici ſermonis hauſiſſe, et propriae dialecto admixuiſſe, probabile efficiunt, quae horum, cum Septentrionalibus, populorum commercia deſcribunt, veterum auctorum loca, vt lingua Danica loquentes, et eos facile intelligere, et ab iis viſſim abſque multo labore intelligi poſſent: Hinc quod de linguarum notitia Speculi Regalis auctor, conſilium propinat, literarum ſtudioſis aptius quam mercatoribus ſeptentrionalibus videtur. Verba autem haec ſunt: „Ef thu villt
„vera

„vera fullkominn i fróðleik, thá nem thual-
 „lar mályfskur, enn allra helst Latino oc
 „Völfko, thviat thær tungor ganga ví-
 „dazt „ i. e. *Si scientia excellere cupias, omnes
 linguas disce, Latinam inprimis et Vallandica-*
cam, (Italicam) hae enim latissime florent. Il-
 lud igitur tantum addam, linguas, horum po-
 pulorum plurimis familiares, ad Danicam olim
 propius multo, quam nunc, accessisse, atque
 adeo mercatores nostros, si quos forte harum
 regionum incolas Danice haud intelligentes of-
 fendere, eorum dialectum facile discere potuisse.
 Quas caetera mercatores vetusti callere teneban-
 tur artes, iam nec disquiram, nec Arithmetices
 studium, quo illud carere vitae genus non po-
 tuit, Speculo licet Regali valde commendatum:
 („ger thic oc taulvísann vel, that thurfa
 „kaupmenn miök,“) multum extollam, cum
 id Oeconomicis aptius quam mathematicis cal-
 culis fuisse, sit exploratum.

§. XIII.

Propius institutum nostrum, mores et insti-
 tuta exterorum, siue qua varios populorum ri-
 tus et consuetudines, siue qua vrbinitatem et
 morum elegantiam, spectant, quibus accuratius
 cognoscendis, eo maiori mercatores nostros
 studio incubuisse certum est, quo insigniorem,
 vt omnis, ita peregrinatoriae inprimis pruden-
 tiaem partem, illorum cognitioni deberi antiqui-

tas iudicauit t): „Enn thó at ek ræda nu flest
 „um lögmál, thá verdr engi madr alvitr,
 „nema hann kunni godann scilning háttu
 „á öllum fidum, thar sem madr verdr
 „staddr „ i. e. *Caeterum, etiamsi de legibus
 iam plurima dixerim, nemo tamen in totum sa-
 piens euadit, nisi institutorum morumque omni-
 um, quibus immoratur, regionibus familia-
 rium, naturam et conditionem probe habeat per-
 spectam*: A quibus nec diuersa veteres Islandos
 et fecisse et sensisse, praeter alios multos, Thid-
 randus Geiteri, et Kiartanus Olai, mercaturae
 gratia initio peregre profecti, suis docent exem-
 plis; quorum prior, *ut exterorum mores sibi
 perspectos redderet*, peregre eundi veniam
 a Hroaro Tungenfium Curione petiit u); Po-
 sterior autem peregrinandi consilium Thor-
 steino Egilli filio aperiens, hocce tulisse respon-
 sum fertur x): „Er that vorkun frændi, at
 „ther se forvitni á, at kanna sido utlend-
 „fkra manna „ i. e. *Nec tibi cognate vitio
 vertam, quod te, nouitatis amor, ad extero-
 rum mores cognoscendos inuitet*. Etenim mer-
 catura olim spectabatur, tanquam genus viuendi,
 in quo, vel ad insigne honorum fastigium ali-
 quando adspiratura, vel aulae nomen datura in-
 ventus, prima humanitatis et experientiae pone-
 ret

z) Speculum Regale.

u) Droplaugar Sona Saga.

x) Laxdæla Saga.

ret rudimenta ; quae ratio est , cur Speculum Regale , iuuenem ita loquentem faciat : „ med „ thvi ek em nu á lettazta alldri , thá gyr- „ nunft ek fara landa í milli , thviatek trey- „ ftunz eigi til hirdar at leita , fyrr enn ek „ hefir fet annara manna fido ádr „ i. e. *Quoniam mihi iam maxime vegeta est aetas , mercaturae gratia exteros innifere gestio , nec enim me in aulam prius conferre audeo , quam aliorum mores antea mihi sunt perspecti .* Neque id immerito : Nam mercatores , quae mercaturae natura requirebat , pericula impigre subeuntés , fortitudinis , rerum autem vfu , crebraque conuerfandi affuefactione , prudentiae dediffe Specimina , atque ipsae adeo aulae magis maturi , et actionibus suis , ad varia aulicorum ingenia rite componendis , aptiores facti esse , videri poterant . Pericula , vt iter facientibus in genere , ita mercatoribus exantlanda , Fridthiofus Noruegus , cum impetuoso iactaretur mari , in haec erumpens , adumbrat y) : „ Sá „ verdr at mæta misjöfno fem vída fer „ i. e. *in multa peragranti loca , duriora interdum occurrant necesse est* : Experientiam vero peregrinando hauriendam , sequentia Eddae Saemundi verba repraesentant :

„ Fiöll ek fór ,
 „ Fiöll ek freyftadak
 „ Fiöll ek reynda Regin. „

C 5

i. e.

y) Fridthiöfs Saga frækna cap. 6.

i. e.

*Multa itinera confeci,**Multa expertus sum,**Multum diuinarum virtutum tentau;*

Vtrumque, posterius tamen oblique, Speculum Regale, his verbis, delineat: „Sá madr er „kaupmadr fkal vera, thá verdr hann at „leggja fik í margann lífs háfka, stundom „í hafi, enn stundom í heidnum laundom, „enn jafnan med ókunnum thiódum, oc „tharf jafnan that at hugfa, at hann se „thar vel staddr sem hann er; „i. e. *Qui mercaturae operam dare cupit, multa subeat necesse est vitae pericula, iam in Oceano, iam in regionibus Christianorum sacrorum expertibus, semper autem apud gentes incognitas, idque semper cogitare opus habet, quod sibi, in quo est cunque, bene sit loco.*

§. XIV.

Denique, vt eo iam redeam, mercatores Islandicos in exteris degentes, quae ibi notatu dignissima accidere, studiose inaudiuisse, patet, tam ex eo, quod talium rerum notitia magnae in Islandia duceretur laudi, ibique non modo auide exciperetur 2), sed et a reducibus postularetur (§. 4), quam quod exteri, in conuiuiis, conuentibus solennibus, et alia quauis occasione

2) Probaui id in notis ad vitam Gunnlaugi Orms-tungae cap. 2.

caſione data, talia libentiſſime narrarent. Aſt ne quis forte putet, quam mercantibus haec-
nus aſſerui, peregrini cultus notitiam, paucis
tantum Islandorum contigiffe, atque adeo,
quanti leuiter intuentibus videri poſſet, in amo-
venda a maioribus noſtris barbarici ſuſpicionem,
non eſſe ponderis; ſciendum eſt, hancce mer-
caturae vtilitatem, duplici potiſſimum ex ra-
tione ſpectatam, latiffime omnino patere: Ha-
rum priorem ipſa negotiatorum praebet multi-
tudo: Nam vt maxima Noruegicæ iuuentutis
pars, piratica, ita plurima Islandorum pubes,
quoad caelibem degere vitam libuit, commer-
ciis olim exercebatur. Id, vt innumera alio-
rum exempla praeſens omittam, de Hraſno
Aunundi filio, Gunnlaugi Ormſtungae vita a);
de Thorhallo, Thorlaci Sancti, Skalholtten-
ſium poſtea Epifcopi Patre, Thorlaks Saga
Helga b); de Thorkillo Eyulfi filio Laxdalen-
ſium Hiſtoria; de Oddo Ofeigi Bandamanna
Saga, teſtatur: „Er hann nú í caupferð, oc
„geriz ſtóraudigr madr ok ágiætr, ok er
„hann optaſt með tignum mönnum, ok vel
„vyrðtr utanlandz - hann var ok farfælli
„enn adrir menn, i. e. Interea mercaturae
operam nauans, indeque diuitiis et ſplendore
auctus, honoratis inſignium in exteris virorum,
ſaeppiſſime uſus eſt hoſpitiis - caetera nauigandi
feli-

a) cap. 5.

b) cap. 1.

felicitate aliis longe superior; de Aulvero Floamanna Saga c): „Aulver redz í kaupferdir „thegar á unga alldri, ok var áburdarmadr „mikill, sídan redz hann í hernad, ok var „hinn mesti víkingr, i. e. Aulverus, a prima inde iuventute mercando dedit operam, et splendidum viuendi genus sequebatur, post praedonum partes sectatus, maximi nominis pirata factus est; de Asmundo, Gretteri patre, Grettis Saga d): „Asmundr for thá utan, oc „græddiz hanom snært fe, oc sigldi til yms- „ra landa, ok gerdiz hinn besti kaupmadr, „oc vel áudigr, i. e. Asmundus, acceptis a patre mercibus, peregre est profectus, breuque opibus auctus, varias inuifit terras, maximusque ac ditissimus mercator factus est: Hiuc non ad certa tantum loca, sed in omnes patriae partes, peregrini cultus notitiam, longe lateque per hos propagatam esse et diuulgatam, in aprico est.

§. XV.

Altera, quae rerum extra patriam gestarum notitiam haud contemnendam, mercatores Islandicos secum reduxisse, monstrét, ratio, ex personarum, quae commercia exercuere, conditione desumitur: Etenim non tam plebeium quemlibet, quam viros generis claritate et prudentia spectabiles, mercatura olim tenuit occupatos; in cuius rei testimonium, adducere hoc loco

c) cap. 8.

d) cap. 15.

loco sufficiat Kiartanum, regio stemmate ortum, et Thorkillum Eyulfi filium, quem Laxdalen-
 fium Historia, *virum strenuum, et nobilissimis*
prognatum natalibus vocat; paucisque interie-
 ctis sequentia Snorrii Curionis ad eum verba
 producit: væri that mitt rád, at thú letir
 „af ferdom, ok gerdiz höfðingi, sem thú
 „átt kyn ferdi til, i. e. *Meum esset consilium,*
ut mercatura relicta, conuenientem generis cla-
ritati principatum, in patria obtineres: quod
 et Thorkillum fecisse, quae sequuntur eiusdem
 auctoris verba docent: „Thorkell Eyulfsfon
 „gerdiz brátt höfðingi mikill, ok hellt
 „ler opt til virðingar, var hann he-
 „radríkr, ok málamadr mikill, thott herfe
 „eigi getit um thinga deildir hans, i. e.
Thorkillus Eyulfi breui in virum principem eua-
sit, negotiorum, quae dignitatem eius auge-
rent, studiosissimum, is Toparchae munere il-
lustris, quod incoluit territorium in suo conti-
nuit obsequio, causisque dicendis plurimum im-
pendit curae, licet controuersiae eius forenses
hic non retenseantur. Quin et post religionem
 Christianam receptam, ipsos Clericos merca-
 turae operam locasse suam, indicio est Inge-
 mundus Sacerdos, ob variam eruditionem ce-
 leberimus, qui ipse in Anglia et Noruegia com-
 mercia exercuit e). Ad quae et similia, quibus
 cumulandis supersedeo, aliorum exempla, tan-
 tum

e) Sturlunga Saga Lib. III. cap. 6.

tum obseruo, multos horum mercatorum, maximos postea patriae Proceres factos; eo magis exterorum moribus ad suos traducendis consuluisset, quo plus eis in alios imperii fuit et auctoritatis. Nec antiquo mercaturae honori obstat, quod Haraldi Pulchricomi Noruegiae Regis filios, Biornum fratrem, quod commercia exerceret, per contentum *Institorem* vel *nautam* vocasse Sturlaeus *f)* referat; quippe quod ita non est accipiendum, ac si mercatura ingenuis esset indigna, sed, quod infra, Regium esset fastigium, cui rei militaris et piraticae cura magis olim conuenire videbatur: Hinc Fridthiofus piraticam *Principum mores* vocat *g)*: „Eigi man ek her vera í Noregi, vil ek „kanna herramanna fid, oc fara í hernad,, i. e. *Haud hic in Noruegia manebo, verum potius virorum principum mores secutus piraticae dabo operam*: Hinc maioris iuterduum factos, qui piraticae, quam qui paci studuere Reges, Hroarii et Helgii Daniae Regum elogia declarant *h)*: „Hroarr var madr kyrr oc hæg- „látr, enn Helgi var hermadr mikill, ok „thotti allt meira til hans koma,, i. e. *Erat Hroarus vir quietus et mansuetus, Helgius vero militari gloria insignis, unde maioris omnino commatis esse videbatur*: non quod pacis

f) ed. Suec. Tom. I. pag. 115.

g) conf. Fridthiofs Saga frækna.

h) Hrolfs Saga Kraka cap. 4.

cis studium et mansuetudo virtutes essent Principe indignae, sed quod artis militaris studia illorum seculorum ingeniis magis ad palatum essent, quae fortitudine nitebatur, gloriae inprimis studiosis : confirmat assertionem nostram rei militaris cum mercatura comparatio a Thorsteinio instituta *i*) : thikia mer kaupferdir vera „manni meir til prídi ok agiætis, enn til „hreyfti „ i. e. *Mihi mercatura, ad ornatum magis et pompam, quam fortitudinem comparata videtur.* Nec magis nobis officiant Olai Tryggvini, Kiartano mercaturam dissuadentis verba *k*) : „ofs vurdizt ther se betr hendt „at thíóna tignum mönnom, enn geraz „her at kaupmanni, quippe quae tantum innuunt, Regem satellitio et ministeriis aulicis, quam mercaturae, eum iudicasse aptiorem. Verum multo magis prolixae mercatoribus antiquis cedit commendationi, quod ipsi Regum satellites, ex quibus Hálfredum Islandum Olai Tryggvini satellitem et Poëtam, maximis ab eo honoribus auctum, hac vice adducam, alternis vicibus mercaturam aulamque saepius sequi solerent *l*); Praeterea ipsi mercatores, iam satellitiis Regiis postmodum adscribebantur, iam Regum Principumque hospitiiis et familiaritate saepius utebantur, iam ipsos denique Reges, vel

in

i) Svarfdæla Saga cap. 3.

k) Laxdæla Saga.

l) Olafi Saga Tryggvasonar ed. Isl. Lib. II. p. 126.

in commercii societatem adduxere, vel vicariam eis operam, in rebus magni pretii coëmendis praestitere: Testis Gudleicus Gardenfis, quem communibus sui et Olai Sancti, Norvegiae Regis sumtibus mercaturam exercuisse Sturlaeus *m)* tradit: „segir Kongr hanom, at „hann vill gera felag vid hann, ok bad „hann kaupá fer dyrgripi, thá er torgiæ- „tir ero thar í landi „, i. e. *Rex, ut communionē bonorum facta, res pretiosas, in illa regione (Noruegia) rariores coëmeret, ab eo petiit*: Testis Suenonis Estrithii Daniae Regis fattellitum vnus, qui mercaturam Regiis sumtibus exerceus, nauim mercibus onustam ex Anglia reduxerat (*n*): Testis Thorsteinus Bæarmagn, qui iam maximae plenas aleae legationes obiisse, iam mercaturam, Olai Triggvini, Norvegiae Regis nomine, cimelia conquisturus, exercuisse narratur *o*): Testis denique luculentissimus, Hallus Thorarini filius de Haukadal Islandus, cui bonam historicae, qua postea inclauit, scientiae partem, Aro Multifcius, primus Islandorum historicus debuit *p*): „Hallr „fór imilli landa, oc hafdi felag vid Olaf „Konong hinn Helga, oc fecc af thvi up- „præist, var hanom ok kunnigt um Ko- „nong-

m) edit. Succ. Tom. I. pag. 449.

n) Håkonar Norræna Saga.

o) Thorsteins Saga Bæarmagns cap. 1.

p) Prologus Histor. Noruegicæ.

„nongfins rikdom,, i. e. *Hallus dum mercando operam dedit, bonorum communione, cum Sancto Olao Rege facta, viam sibi ad honores aperuit, et accuratam regiminis eius notitiam sibi acquisiuit.*

§. XVI.

Haftenus, de personis, negociando olim deditis dictum: At et ipsa, quae mercatores olim lubentissime adire solebant, loca, quod persequor argumento, haud spernendum, me iudice robur addunt: Hoc quo appareat evidentius, sciendum, veteres non magnae tantum laudi duxisse, sed ut rem mercatoribus, nominis celebritatem consecuturis, haud mediocriter necessariam spectauisse, si ea inprimis loca adirent, quae negotiatorum numero et confluxu snere celebratissima; quo sane sensu mercatum Dublinensem, ut suo seculo maxime inclytum Noruegus quidam, Haraldo Pulchricomo fere coaenus laudat q): „far thu vestr til Dyflin-
„nar, su er nu ferd frægst,, : quippe quo, inuitante mercium Hibernicarum praestantia et copia, ex regionibus vndiquaque circumiectis, ingens mercatorum confluebat multitudo: Nec dissimilis omnino ratio, Kiartanum, Olao Triggvino familiarem, ad mercaturam Anglicam ita commendandam indixit r): „that hef-
„da

q) Egils Saga Skallagrims Sonar cap. 32.

r) Laxdæla Saga.

„da ek ætlat helldz, at vid helldom scipi
 „ockar til Englandz, thvi thángat ero
 „kaupferdir godar Kristnom mönnom,, i. e.
Ego potissimum auctor essem, ut nauim nostram
in Angliam dirigeremus, eo enim Christianis
conuenire proficuum; Scilicet facile concipi
potest, ea plurimos mercatores emporia fre-
quentasse, quæ mercibus optimis coënuendis
erant aptissima, atque adeo, a inercium pretio
et affluentia, ad mercantium concursum et fre-
quentiam valide satis concludi. Verum ne sic
quidem contentam veterum curiositatem, terra-
rum vel longissime diffitarum perhustrationem,
insigni negotiantibus honori reputasse, inuò ne-
cessariam inclytis mercatoribus duxisse, Olai
Sancti, Thorarino Nesfulsi Islando, iter Gron-
landicum suaseri, fidem faciunt verba s): „far-
 „madr flíkr sem thu ert, thá er ther nu
 „mál at fara til Grönlandz, ef thu hefir
 „eigi fyrr komit,, i. e. *Cum tanta naviga-*
tionum laude clareas, tempus iam esset, ut
Gronlandiam, si eam prius non vidisti, adires:
 Nam quentadmodum loca, insulorum fre-
 quentia celebria, diuersos multarum gentium
 mores velut in compendio videndi, variasque
 conuersandi artes, quotidiano exercitio et vsu
 penitus discendi, commodam obtulere occa-
 sionem, ita regionum remotarum, caeterisque
 incognitarum notitia, largam gratæ nouitati
 suppe-

s) Sturl. chron. Norv. ed. Succ. Tom. I. pag. 498.

suppeditare materiam censebatur; quam quanti olim mercatores fecerint, quod talibus antiquitas statuere solebat, argumento esse pretium potest, fabuloso Vingthori et Nani colloquio, ab Eddae Saemundi auctore t), ita adumbratum :

Vingthorr qvad
 „Ineyiar áftom
 „Muna ther verda
 „Vifi geftr of varit,
 „Ef thu or heimi kant
 „Huerjom at segia,
 „Allt that ec vil vita.
 Aulvis qvad
 „Freysta máttu Vingthorr,
 „At thu frekr ert,
 „Dvergs at reyna dug;
 „Heima alla nío
 „Hefik of farit,
 „Ok vitat vætna hvat.

i. e.

Vingthorus cecinit :
A virginis amoribus
Nequaquam,
Sapiens hospes ! dimouebere,
Si ex mundo potes
Quolibet narrare
Omnia quae scire gestio.

D 2

Aul.

2) Oda Aulvismál.

Aulvis cecinit :

Tentare tibi licet , Vingthore !

Quoniam impense vrger ,

Nani virtutem experiri ,

Omnes nouem mundos

Ego peragraui

Et singula perscrutatus sum.

Quae licet artes magicas et Mythologiam proximè respiciant, monstrant tamen simul, rerum, quae remotiores orbis partes spectabant, notitiam, haud vltimas sibi sapientiae veterum partes vindicasse.



CAPVT III.

DE

PEREGRINATIONIBVS OB SATELLITIA PRINCIPVM CAPESSENDA SVSCEPTIS, ET COGNATIS PEREGRINATIONVM SPECIEBVS.

§. XVII.

Quo iam ampliorem peregrinationes praestarent vsum, non eiusdem speciei, sed, vt diuersum cuius ingenium fuit, diuersa quoque peregrinantes adhibuere media: Plurimi tamen Regum et Principum in exteris celebrium satellitia, aptissimam iuxta ac instructissimam, omnium, quas peregrinans vnquam sperare,

sperare, ne dicam assequi potuit, virtutum esse officinam, olim censuere: Quo enim quisque peregrinantium nostratum, vel generis claritate, vel rei familiaris splendore, vel corporis denique animique dotibus plus valuit, eo et maiori animorum contentione, ardentiorique emulatione, ad Regnorum proximorum, Angliae, puta, Daniae, Russiae, Sueciae, et inprimis Noruegiae, aulas et satellitia, tam fortitudinis documenta edituri, quam omnigenae virtutis et honestatis fundamenta iacturi, certatim confluebant; neque id immerito, ibi namque ut vberissima discendi, ita in usus vitae conuertendi, quotidiana sese sponte obtulit occasio. Nos id per singula cundo monstrabimus. Morum elegantiam et ciuitatem, si cui, iis certe, quibus aulam sequi animus erat, maxime necessariam olim esse habitam, extra omne dubium ponunt Thoreri Thegni, fratrem, ob morum austeritatem aulae omnino ineptum iudicantis verba u): „hvat mantu kunna skicka ther á kongsgardi, thar menn geta eigi sæmz vid thik „her heima,, i. e. *Qui te in aula decenter gerere posse speres, cum domesticis uti nequeas*: Idque eo magis, cum antiquorum Regum plurimi, morum elegantiam cum rei militaris gloria coniungere, maximae sibi laudi ducerent, egregio aulicis eiusdem studii non exemplo modo, sed et incitamento: Sic Olaum Triggvi-

D 3

num

u) Ans Saga Bogfveigis cap. 4.

num Noruegiae Regem, ob mores elegantissimos, vita eius commendat x); Sic compositos optimosque Olai Sancti mores Historici laudant; Sic denique Haraldus Pulchricomus, omnium, quos vetustas tulit, Regum, elegantiae morum et urbanitatis aulicae ad rigorem usque observantissimus fuisse fertur y): „Harraldr hinn Hárfagri var vandastr at hird-
 „sidom allra fyrrnefndra Konga,,: quippe hac potissimum ratione, viros quoscumque maxime spectabiles, ad sua facillime invitatos satellitia, splendorem aulae et robur addituros, suae vero magnificentiae famam aucturos sperabant. Quo vero apertius asserti nostri veritas pateat, en! praecipua satellitum antiquorum officia, Speculi Regalis penicillo, ita delineata: „Hirdmadr thydizt svo sem hirdzlu-
 „madr edr gæzlumadr Konongs siálfs oc
 „allz kongdoms, oc sculo their menn er
 „thetta nafn vilia audlæzt, vera retter hird-
 „zlumenn eda gæzlumenn; their sculo
 „gæta jamgirndra endimarká millum
 „manna í ríkinu, thar sem their verða
 „nærstaddir málom manna; their sculo
 „oc gæta hæversco oc godrar atferdar, oc
 „allra nytra fíða, thviat their ero jafnan
 „nærstír konongi um alla luti; their gæ-
 „ta lífs konongs oc líkams um nætur oc
 „um

x) Lib. II. cap. 74. éd. Isl. pag. 255.

y) Norna gefts Saga cap. 3.

„um daga; their ero jafnan með konongi
 „at áti oc at dryckio, á málstefnom oc öl-
 „lom godom sam vístom, fva sem nábor-
 „nir frændur; - their ero sem landstíornar-
 „menn, ef their hallda theim sídom er
 „theirra nafni byrjar; - Eigo theirat verda
 „allgeörver at fer at öllum lutom; - their
 „eigo at gæta allzkyns rádvendni um fram-
 „adra menn, fva at their kunni á thví go-
 „dan scilning, hverir lutir elfkandi ero
 „fyrir sæmdar faker, eda hverir lutir haf-
 „nandi ero, fyrir úsæmdar faker; - fyrir
 „thví at hvar sem their koma, thá líta
 „allra manna augo til theirra Sido oc med-
 „ferdar, ok allir hnégja sín Eyro til theirra
 „orda, oc vænta thess allir sem vera ætti,
 „at their muni fva miklo framar vera enn
 „adrir menn um Sido sína, sem their ver-
 „da meir návístar menn konongs, at thió-
 „nosto edr yfirlæti enn adrir menn: „i. e.
Hirdmadr (satelles) *ipfius Regis et omnis*
Regiae maiestatis custodem significat at-
que observatorem, unde qui hoc assequi
dignitatis fastigium volunt, veri sunt custodes
et observatores oportet; hi, ubi controversis
forensibus interesse forte contigerit, ne quis in-
colarum Regni, plus sibi quam par est, tribuen-
do, iusti limites excedat; hi, cum in conspectu
Regis semper versentur, urbanitatem, rerum
gerendarum prudentiam, et omnes bonos mo-

res, observare tenentur; hi vitam et corpus Regis interdum nocturne custodiunt; hi epulis mensaeque Regiae, quosque is, litium componendarum causa, conventus forenses, deliberandi autem, et edictorum promulgandorum gratia, comitia indicit, aliasque congregationes solennes obit, proximorum instar cognatorum, intersunt; hi, si convenientes dignitati suae mores sectentur, quasi administratores Regni sunt; unde omnibus, quae ingenuos ornant, instructos esse oportet; hi omnigenam morum integritatem, prae aliis sectari debent, ut probe noscant discernere, quatenus honoris gratia facienda, quae ignominiae et dedecoris causa vitanda sint: Etenim quocumque venerint, omnium oculi ad eorum mores et facta convertuntur, omnesque ad eorum sermones aures arrigunt, quod esse deberet, sperantes, eorum mores tanto alios magis antecellere, quanto, qua ministeria, qua honores, ad Regem propius aliis accedunt. Hic igitur praeter morum elegantiam, legum et institutorum cognitio, vitae privatae prudentia, rei publicae administrandae scientia, vel mediocriter curioso, non occasionis tantum opportunitate, se obtulit, sed officii quoque ratione imponebatur. Ast ne quis hic, dignas satellitibus virtutes commendari tantum, non autem, quibus reuera operam dedere, recenseri, atque adeo haec, quantacumque sunt, de iure magis quam de facto intelli-

telligenda putet; sequentia, quaeso, perpendat: Haec si insuper habuissent satellites, tam, qui a Rege identidem admitti solebant, aliorum Principum legatis, quam, quos ad consultationes et colloquia, communis salutis causa, cum Rege instituenda, vicini Principes adduxere, satellitibus et eminentioris dignitatis viris, non se tantum ipsos propiuare deridendos potuere, sed et Principi suo maximae ignominiae et vituperii esse causa; atque hinc, quemadmodum, non morum minus elegantia, quam fidelitas et promptitudo bellica, gratiae regiae obtinendae, insignia olim esse adminicula videbantur, ita eos satellites, qui bonos mores neglexere, Principis sui gratia excidere, eius in se iram concitare, seque ipsos in vitae et fortunarum discrimen adducere, periculum erat. Praeterea, si quis, a virorum magnorum contubernio, imo ipsis Regum exemplis, rudis atque insulsus in patriam rediisset; maiorem, quam si paternum limen nunquam reliquisset, conterraneis suis cauillandi praebuisset materiam, eoque amplius popularium suorum ludibriis patefecisset spectaculum, quo ab eo maiora sperari merito potuere; quantae imprudentiae, dicam an stoliditatis, nobiles cordatosque viros, reos se agi fuisse passos, eo minus est credibile, cum notissimum sit, maximam olim veteres primatus aemulationem tenuisse, nec aliud maiori olim reputatum fuisse laudi, quam

si quis ab exteris reuersus, Principum, quibus obnoxius fuerat, elegantiam et prudentiam, propriis moribus referret. Denique homines aliquo, quod nemo vnquam cordatus Islandis denegauit, ingenio praeditos, diuturna sapientiorum familiaritate uti posse, quin simul inde doctiores melioresque euadant, naturae humanae repugnat, et, ut loqui Philosophi amant, Physice est impossibile.

§. XVIII.

Exercitia corporis artesque militares, quas magno olim in pretio habitas fuisse nemo ignorat, ad mores, quibus nostrates, in exteris, operam dare debuerunt, innumera auctorum veterum loca referunt: Ast tam exercitiorum corporis promptitudo, quam rei militaris scientia, peregrinando commodissime comparari credebatur: Prius Sigurdi Hierosolymipetae Noruegiae Regis, quibus filium Magnum, cum Haraldo Gillio, his de rebus imprudentius contendentem, reprehendit, innuunt verba 2): „Ecki Kantu Sido manna utanlandz; vif- „fir thu that ecki fyrr, at utanlandz menn „temia sik vid adrar íthróttir enn at gera „sik örann oc uförann?“, i. e. *Nae tu exteriorum mores ignoras; an scilicet hastenus nescis, aliis externos occupari exercitiis, quam potuisse ingurgitando, usque dum nec mens nec corpus*

2) Chron. Norueg. ed. Succ. Tom. II. pag. 272.

pus officium faciat? Posterius, qua Sverrius Betulopodas, ne se factionis Duce[m] constituerent, abstergere voluit, excusatio, probat a): „Em ek sæddr í eino utskeri færri ödrom „mönnom, set ok litt annara manna Sido, „fyr enn nu ek kom í thesli lönd, enn „miklo sídr kann ek thó med herscap at „fara „ i. e. *Ego in insula, ab hominum commercii remota, natus, aliorum mores parum vidi, antequam has in terras venirem, multo tamen minus militiae moderandae aptus sum.* Aulica autem inprimis vita, tam exercitiis corporis, quam militari experientiae aptissima videri merito debuit: Antiqui enim Reges, fortissimos quoslibet et promptissimos, ad satellitia obeunda, non tantum ipsi delegerunt, sed et maximi viri suapte consilio, ad eos confluere, suaeque offerre ministeria sponte solebant: In exemplum eat Hrolfus Krakius Daniae Rex, de quo ita Suipus iudicat b): „hann kalladi that „mestan soma, at vera med Hrolfi Kongi „í Danmörk oc köppum hans, - thvi ek „hefi that sann spurt, at thángat seo kom- „nir allir hinir mesto menn ok kappar af „nordr löndom „ i. e. *Maximum putavit honorem, cum Hrolfo Daniae Rege, eiusque Athletis, versari; nam pro certo, inquit, accepi, maximos quoslibet viros et Athletas Regnorum*

a) Sverris Saga.

b) Hrolfs Saga Kraka cap. 22.

gnorum borealium eo confluisse; quibus plane consentanea Elgfronii ad Biornum verba etiam prostant c): Alterum exemplum Olaus Triggvinus praebet, cuius cohortem praetoriam his verbis vita eius laudat d): „varo fyrst tilvall-
 „dir hirdmenn Olafs Konongs thviat hir-
 „dinn var valinn af innlendum og utlend
 „skom, allir their er sterkastir varo ok
 „træknaftir „ i. e. *Inprimis praetoria Olai Re-
 gis cohors naui imponebatur, utpote ex indige-
 narum iuxta ac exterorum promptissimis et for-
 tissimis delecta*; qualium societatem et contu-
 bernium ad exercitia corporis eo plus contu-
 lisse certum est, cum mos olim aulicis fuerit,
 omnigena exercitiorum specimina, ludorum-
 que spectacula, non in conspectu tantum Re-
 gum, sed ipsis etiam mandantibus saepissime
 celebrare; Sic Adilsum Sueciae Regem, in pa-
 latii area ludorum celebritatem spectantem, Svip-
 dagus, aulae nomen daturus, deprehendit e):
 Sic Hrolfus Daniae Rex, ludorum spectaculis,
 et agilitatis speciminibus aulicos exercuit f):
 „let konongr thessa sína menn fremia allz-
 „kyns leika oc listir, med allra handa gam-
 „ni ok skemtan „: Haud fecus ac Baranges
 et Normanni, Constantinopoli stipendia facien-
 tes,

c) Hrolfs Saga Kraka cap. 31.

d) ed. Isl. Lib. II. pag. 251.

e) Hrolfs Saga Kraka cap. 18.

f) ibid. cap. 37.

tes, quotidianis ludorum exercitationibus, rei se militari aptiores reddere soliti traduntur *g*): „that er Sidr Væringia oc Nordmanna, at „vera at leikom um daga, ok gangazt at „fángbrögdom „ i. e. *Barangum et Nor-*
mannorum mos est, luctis et exercitiis ludicris
indies exerceri: In specie, cum viri magni nominis, exercitiorum corporis gloria clari, in aulam forte venirent, et regio hospitio, per breuius quoddam temporis spatium vterentur, haud insolitum vetustis regibus, aulicos cum iis, vt agilitatis periculum facerent, committere; quomodo Gunnerum de Hlidarenda, hospitio a se exceptum, cum aulicis suis commisit Rex Daniae *h*): „Konongr hafdi that til gamans at hann let Gunnar reyna imfar „ithrottir vid menn sína „ i. e. *ea Regi ob-*
lectatio, vt Gunnerus, cum aulicis, variis corporis exercitiis contenderet: Quid quod ipsos interdum Reges, aulicorum promittudinem colludendo experiri solitos, indicio sit Olaus Triggvinus Noruegiae Rex, cum suis ipse, in fluuio Nid natandi peritiae experimenta capiens *i*). Caeterum quin et Islandi, qui in exteriorum Principum aulis frequentes versabantur, corporis hisce et ludorum exercitiis magnam impenderint curam, nullum est dubium, par-

tim

g) Fragmentum Víga Styr's Sögo.

h) Niðls Saga.

i) Olafs Saga ed. Isl. Lib. II. pag. 91.

tim cum certa haec, ad Principum, his deditorum, gratiam et fauorem obtinendum esset via, tanto eis facilior, quo magis, a teneris vsque, exercitiis corporis, et publicis ludorum spectaculis in patria assuescieri solebant, partim cum haud pauca eorum prostant exempla, qui insignes in exteris exercitiis fecerant progressus, ex quibus solum hac vice Eyvindum nomino, qui ab exteris redux, egregia exercitiorum corporis incrementa fuisse traditur *k*): „Eyvindr hafdi mikit víðgengiz í mentan,„

§. XIX.

Fortitudinis exercendae cupiditatem, et rei militaris studium, Islandos, vt peregrinas terras adirent, inuitasse, eo minus videri mirum debet, cum, communi veterum sententia, pericula militaria, dignitatum et immortalis nominis audis, aptissima essent fortunae experimenta, Hrolfi Krakii Vita *l*) testante: „hætta „vèdr á nockut ef menn sculo fá frama, „oc má that eigi vita fyrr enn reynt er, „hver gipta vill til fnuazt „ i. e. *quem laudis et honorum amor tenet, pericula subeat, oportet, nam, quae coeptis adspiratura sit fortuna, re adhuc intentata incertum.* Vt autem fortitudinis exercendae non vna dabatur occasio, ita diuersa hac in re consilia nostrates secutos de-

k) Hrafnkels Saga Freys Goda.

l) cap. 18.

deprehendimus. Alii enim, hoc fine, Regum Principumque satellitiis adscribebantur; quorum officii ratio postulavit, ut, si terra dimicandum erat, Regi proximi in acie starent, si vero mari, navim praetoriam, qua Rex ipse vehebatur, defenderent, et omnium caetera, quas, dum aulam sequebantur, Reges susceperent, expeditionum socii essent et comites, quomodo Halldorus, Snorrii Curionis filius, Islandus, omnibus Haraldi Imperiosi expeditionibus interfuerat *m*). Alii vero, ut piraticam exercerent, Regum vel Principum virorum auxilia tantum petiere et consilia; vel ideo primum Regum satellitia et castra sequebantur, ut artibus militaribus initiati, piraticam successu eo maiori exercerent, sibi que ad principalem inter piratas dignitatem viam sternerent: Vtrisque autem id in mandatis saepius datum, ut inimicos Regum vel occiderent, vel ad Reges adducerent, vel alio quocunque modo iniurias Regibus illatas vlciscerentur: Hallfredum Islandum, Poëtam suum, et satellitem, ad Thorleifum sapientem vel occidendum, vel oculis priuandum misit Olaus Triggvinus *n*): Sigmundum Bresteri Faeroënsi, Haquinus Noruegiae Comes navibus instruxit, et postquam re strenue gesta, de fortitudine viri certior factus erat, satellitem suum fecit, addito mandato, ut iniurias

m) Olafs Saga ed. Isl. Lib. II. pag. 315.

n) ibid. pag. 113.

rias sibi a Suecis illatas vlcisceretur et Haraldum Jarnhlaus a se proscriptum interficeret o): Rutus Islandus Haraldi Grafeldii satelles, eius et Gunnhildae Noruegiae Reginae auxiliis auctus, Atlum piratam, Arnuidi Vestro-Gothiae Comitis filium, a Daniae, Noruegiae et Sueciae Regibus proscriptum, occidit, et postea piraticam in mari Balthico exercuit p): Thrainus Islandus, Comitis Haquini iussu, Kolum piratam et exulem, nauali praelio superatum, interfecit q): Biornus Hitdalensium Athleta nostras, postquam Erico Noruegiae Comiti cordatos mores, Wladimiro autem Russiae, et Canuto Magno Daniae Regibus fortitudinem probauerat suam, naui longa donatus, magna cum nominis celebritate piraticam exercuit, tandemque ab Olao Sancto Noruegiae Rege, prolixo honore est exceptus r): Alii denique vel proprio Marte, piratarum magni nominis signa sequebantur, vel illis, qui eos ex Islandia vexerant, aut aliis quibuslibet, qui iam tum Regibus familiares fuere, sociati, et ab eis auxiliis suffulti, piraticam primum exercuere, postea autem, vel his commendatoribus, vel ob propriam nominis celebritatem, vel ob oblata sponte et praestita Regibus auxilia, iam satellitiam dignitatem,

o) Olafs Saga Lib. I. cap. 110. 111. 112.

p) Nials Saga.

q) loc. cit.

r) Biarnar Saga Hítðzla Kappa.

tatem, iam maximam sibi Regum gratiam conciliarunt: Gunnerus de Hlidarenda Islandus, tam ab Hallvardo Albo Vikensi, qui eum ex Islandia vexerat, quam huic cognato Aulvero, copiis et nauibus auctus, piratarum princeps breui factus est, tantaque nominis sui celebritate, terras Balthico mari circumiectas implevit, vt missis ultro, qui eum adducerent, Daniae Rex, maximo eum honore Regiisque ornaret donariis, Noruegiae autem Comes Haquinus, in Noruegiam reuersum, non modo laetus exciperet, sed et aegre a se diuelli pateretur *s*): Helgius et Grimos Niali filii a Kario Solmundi filio Islando, quod in impari contra piratas pugna, fortes viros probauerat, in societatem adsumti, eodemque commendante Sigurdi Orcadensium Comitis satellitio postmodum adscripti, sub eo magna cum fortitudinis laude stipendia meruere *t*): Thorolfus Scallagrími filius, solus primum, iuuantibus quos in Noruegia habuit amicis, piraticam exercuit *u*), cui postea sociatus Egillus frater, principatum breui obtinuit, et non Curlandiam tantum *x*), sed et vrbes Freto Oresundico viciniöres depopulatus *y*),
cum

s) Níals Saga cap. 25-27.

t) l. cit. cap. 82 seqq.

u) Egils Saga Skallagríms Sonar cap. 36. 37.

x) loc. cit. cap. 46.

y) l. cit. cap. 47.

cum Arinbiorno in Saxoniam et Frisiam movit z), tandemque Adielstanum Angliae Regem, quem Magnates Regni bello adorti fuerant, sua sponte adiutum profectus, ingenti hostes clade profligavit: Haud secus ac Ingemundus Vatnsdalensis, ab expeditione piratica redux, Haraldø Pulchricono in praelio Hafursfiordenfi suppetias tulit a): Plures utique, si institutum ferret, similia in exteris studia secuti nostrates, numerari possent, ut Thorleikus Hosculldi, qui *piraticae interfuerat, et repertus fuerat vir fortis* b); et Biornus Breidvicensium Athleta, de quo ita Eyrbyggja Saga: „Biörn var ábur-
 „darmadr mikill er hann kom út, ok heilt
 „sik vel, thviat hann hafði samit sik eptir
 „síð utlendskra manna, - var hann miklo
 „frídari enn Arinbiörn, enn í engo var
 „hann úgilldari madr, enn reyndr miök
 „í framgöngo, er hann hafði framit sik
 „utan landz „ i. e. *Biornus in patriam ab
 exteris redux, splendide se gerebat, lautoque
 utebatur viuendi genere, se enim ad mores ex-
 terorum formauerat; Multum ille Arinbiorno
 forma praestabat, nec aliis in rebus fuit infe-
 rior, cum se in exteris periculis assuescisset.*
 Vnde manifeste consequitur, tam nostrates, in
 exteris degentes, rei militaris et fortitudinis
 laudi,

z) Egils Saga Skallagríms Sonar cap. 70.

a) Vatnsdæla Saga.

b) Laxdæla Saga.

laudi, strenuam nauasse operam, quam et haec ipsa fortitudinis exercitia, vetustis peregrinandi rationibus merito accenseri, et ad mores exterrorum; quos patria profecti discere nostri debuerunt, referri: quo et sensu Sigurdus Syr Noruegiae Regulus, Olaum Sanctum allocutus rei militaris studium cum moribus peregrinis coniungit c): „Ertu ok reyndr í Orrostom, „ok hefir samit thik eptir Sidvenio útlend- „fkra höfðingia „ Tu praeterea bellis expertus te ad peregrinorum Principum mores composuisti: quibus consona Biorni Hítaldensium Athletae nostratis, ad wladimiri Russiae Regis satellites, singulare pro Regni salute certamen detrectantes circumferuntur verba d): „thví fór ek af míno landi, at ek villdi „leita mer frægdar,, i. e. *Ideo meam ego patriam reliqui, ut rei militaris gloriam quaerere-*

§. XX.

Quantum Islandos olim rei militaris tenuerit studium, inde etiam potest intelligi, quod quae boreas obtulit, haud contenti fortitudinis et prudentiae militaris exercitiis, Byzantium usque inclarescendi auidi traherentur: *Gestum Thorhalli filium*, et, ut hunc e medio tolleret *Thorsteinum Styri filium*, Fragmentum historiae

E 2

Sty-

c) Chron. Norv. ed. Suec. Tom. I. pag. 408.

d) Biarnar Saga Hítðala Kappa.

Styrianae, aliud autem apud Bartholinum, in MSCtis, historiae cuiusdam Islandicae fragmentum, *Thormodum*, nostrates, militiam Constantinopolitanam secutos producunt; Grifum Saemingi filium, haud sine insigni fortitudinis honore Constantinopoli stipendia meruisse; Olafs Saga e), et Hallfredi Periculosi Poëtae vita f), perhibent; De Kolfskeggo, Gunneri a Hlidarenda, fratre, ita Niali Historia: „Si-
 „dan fór hann ut í Miklagard, oc geck
 „thar á mála, oc spurdizt that sídazt til
 „hans, at hann qvangadizt thar, oc var
 „höfðingi yfir Væringia lidi „ i. e. *Postea Constantinopolin usque profectus, stipendia fecit, ubi matrimonio contracto, Barangum Ducem factum ultimo audiuius*: Bollium Bollii filium, Imperatoris Constantinopolitani castra secutum memorat Laxdalsensium Historiae auctor,
 „adiecto de suo: „höfom ver eigi heyrð frá-
 „sagnir af, at nockr Islendfkr madr hafi
 „fyrr gengit á mala med Garda Konongi
 „enn Bolli Bollason „ i. e. *Nec relatum audiuius, ullum Islandorum, Bollii Bollii filio priorem sub Imperatore Constantinopolitano stipendia meruisse*; quod in Bollii laudes plus aequo pronior, oscitantius scripsit; nam Kolfskeggus, ante annum Christi millesimum Islandiam reliquerat, nec longas in Septentrione
 postea

e) ed. Isl. Lib. II. pag. 83.

f) cap. 3.

postea neſtebat moras; Griſus autem Conſtantinopoli iam redux, cum Hallfredo Periculoſo Poëta, anno Chriſti milleſimo, quo Chriſtiana ſacra publico Islandorum conſenſu recepta ſunt, in foro generali, ſingulari certamine contendere decreuerat; Bollius vero nonnullis poſt introductam Chriſtianam Religionem annis in lucem demum editus, prius quam patria profeſtus eſt, matrimonium iam contraxerat, vnde viginti ad minimum annis, Griſo et Kolſkeggo poſterior, Conſtantinopolin venit. Quae cum ita ſint, non video quo iure recentiorum Scriptorum nonnulli, abiectos et imbelles animos genti Islandicae tantopere obiiſciant; Multis equidem fateor, exterorum, ſeculis proxime elapſis, ſuccubere iniuriis, multis parum inſultibus reſtitere; Verum id, non indolis vitio, ſed uſus, ſed exercitii, ſed diſciplinæ militaris defectu factum. Diſperſis ſedibus habitant, vnde facile colligi nequeunt; a Regionibus, quae bellorum eſſe Theatra ſolent, longe remoti ſunt, hinc non admodum neceſſarius, atque exiguus adeo, apud eos, rei militaris, exiguus armorum, exteris hodie familiarium, uſus. Igitur a multis paucos, a bene armatis, inermes, facile opprimi et fugari neceſſe eſt; Nec hic certior alia, quam quae in pedibus, ſalus; ſtultus enim, non fortis eſt, qui nudum, inimicorum armis obiiſcit corpus; ſtultus, qui periculum, cui ſe amouendo imparem videt,

sponte subit; Denique ordinata militia, atque idoneo Duce carent. Nihilo tamen minus, adversus Germanos, Anglos, aliamque praedonum colluviem strenue se interdum defendisse, Annales, hic non exscribendi, loquuntur.

§. XXI.

Quae plura, virtutis Islandorum bellicae adferri testimonia possent, in Disquisitione *de genio Islandorum* collegi, hic non repetenda; ad satellites igitur et milites hosce regios redeo, quos ob probatam sibi fortitudinem morumque integritatem, non eximiis tantum honoribus mactauere, sed magnificis quoque Reges et Principes ditauere donariis: In specie satellitibus stipendia, festi Iolensis inprimis tempore, quotannis persoluebantur g): „leid sva fram til „jola, ok hinn átta dag jóla, gaf Eirekr „Jarl mála mönnum sinom; sem sidr er „höfðingia í öðrom löndom, hann gaf „Byrni Gullhring thann er stóð hálfu „mörk, ok naut hann at því vaskleika „fins; Thordi gaf hann Sverd, godann „grip at qvædis launom,, i. e. Sic ad festum Iolense transacta hyems; Octavo autem festi die Ericus Comes; ad exterorum Principum consuetudinem, suis stipendia persoluit, Biorno, tam propriae fortitudinis, quam Sculae cognati causa, quae dimidiam marcam pondere aequaret. armillam auream; Thordo vero, ob car-

men

g) Biarnar Saga Hítðela Kappa.

men sibi dicatum egregium gladium donans: Haecce donaria vestibus, armis, aliisque magni pretii ornamentis, imo et pecuniis constitisse, innuenera monstrant veterum exempla, ex quibus speciminis loco hic adducere sufficiat, Sigurdum Orcadum Comitem Hlodveri filium, qui Thorsteno, Halli a Sida filio, securim auro obductam *h*); Kario Solmundi gladium optimum et hastam auro obductam, Helgio Niali filio, armillam et tunicam, Grimo vero Clypeum et gladium, dedit dono *i*): Haquium Noruegiae Comitem, Gunnero de Hlidarenda *k*); Gunnhildamque Noruegiae Regiam, Ruto, armillam donantem *l*); Athelstanum denique Angliae Regem, qui, Egillo Scallagrimio, praeter ingentem pecuniae vim, pro caeso in praelio fratre perfolutam, carminis sibi dicati praemium duas arinillas, tunicamque maximi pretii *m*), et tandem ob praestita sibi auxilia, navim onustam, cum mercibus una, discedenti dedit *n*): Idem de donariis, quibus Poetas suos vetustorum Regum ornare munificentia solebat, hic non recensendis, ferri iudicium potest. Hae causae sunt, cur tam eos, qui aulam, quam qui piratarum signa secuti fuerant,

E 4

ho-

b) Thàtt Thorsteins Sido Halls Sonar.

i) Njals Saga cap. 79.

k) *ibid.* cap. 27.

l) *ibid.* cap. 6.

m) Egils Saga cap. 55.

n) *ibid.* cap. 63.

honoribus et diuitiis auctos in patriam rediisse frequentes adeo auctores tradant, et in his, de Thorleiko agens, Laxdalenſium historia: „Thorleiki Bolla Syni hafdi gott ordit til fiár „oc vyrdingar, thvi hann hafdi gerzt „handgenginn Olafi Kongi Helga, i. e. *Thorleikus Bolli filius, quippe Olai Sancti Noruegiae Regis ſatelles factus, dignitatem ſibi et opes pari ſucceſſu comparauerat; quibus ſimilia de Bollio Thorleiki fratre, qui ſuam multis Principibus fortitudinem probauerat, refert: „Bolli hafdi mikit fe ut, ok marga „dyrgripi, er höfðingiax hofdo gefit ha- „nom, i. e. *Bollius magnam pecuniae vim, et multa, quae ei Principes dederant, pretioſa reportauit; nec diuerſum nobis Thorolfum ab exteris reducem, Egils Saga o) ſiſlit: „Thorolfr biózt, til Islands at finna fedur ſinn, „hann hafdi thá lengi á brott verit, hann „hafdi thá ok ugrynni fiár, ok marga dyr- „gripi, i. e. *Thorolfus, poſt diuturnam in exteris moram, ut patrem reuiſeret, Islandiam ire parabat, ingenti pecuniae ſumma, multisque cimeliis ditatus: De opibus et honoribus a piratis auctis nullum eſſe poteſt dubium, quibus et fortitudinis exercitia, et pecuniae acquirendae ſtudium, maximo, ad hocce vitae genus, fuere incitamento: Vtriſque autem, in patriam reducibus, inſigni donaria haecce fuere***

orna-

ornamento, non tam interni valoris et pretii
 causa, quam quod certissima et evidentissima
 gratiae Regiae, honorumque iis delatorum
 essent indicia, reique strenue gestae praemia;
 quomodo Thorfinnus nobilis Noruegus, Grette-
 ro Islando, multas magni pretii vestes p),
 tandemque, ob liberatam, latronum caede, do-
 num, qua per totam vitam usus est, machae-
 ram optimam, petenti prius denegatam, de-
 dit q). Accedit quod Regum, qui talia dede-
 re, fortuna, cum iure vna dominii, ad no-
 vum possessorem deuolui, illique perpetuis
 vitae auspiciis adhaerere, olim crederetur; Id
 Haconis Norvegiae Comitissae, quam Thorger-
 dae Hörgabrudae, ardentibus precibus, extor-
 serat, armillam, Sigmundo Bresteri filio; tra-
 dentis verba indicant r): „Ek villda at hun
 „leti lausann Ríng thann, er hun hefr á
 „hendi fer, áttu Sigmundr af theim Ríng
 „heillir at taka; - fær Jarl Sigmundi Rín-
 „ginn, ok mælir sva, at thessom Ríng
 „skylldi Sigmundr eigi lóga, i. e. *Vellem*
nobis, quam brachio gestat, armillam concedere
et, ex hac enim tibi, Sigmunde, fortunae su-
menda sunt auspicia, - Comes Sigmundo ar-
millam tradidit, adiecto; ne eam ad alios trans-
ferri, suaeque excidere possessione pateretur. Ne

E 5

quis

p) Grettis Saga cap. 26.

q) ibid. cap. 68.

r) Olafs Saga ed. Isl. Lib. I. pag. 127.

quis autem haec, vel operationes magicas, vel specialem Numinis tutelam, ardentiori inuocatione impetratam, propius respicere obiiciat; tenendum est: 1. Thorgerdam illam Haconis tutelare numen fuisse, iam fortuna Regia, quam nostri tam frequentes crepant, re vera nihil aliud est; quam quale Romanos suis assignasse Principibus compertum est, particulare numen vel genius, vnde hoc sensu talis numinis vel genii tutelam cum fortuna Principis idem esse apparet. 2. Quae Hacon, fortunam et tutelam numinis sui Sigmundo conciliaturus, solennia adhibuit, maius, si accuratius paulo perpendantur, nostrae sententiae robur addunt, modumque, quo fortuna haecce communicari credita, detegunt: scilicet Håkon, quo fortuna sua simplici alias et nuda verborum formula denunciari solita, Sigmundo magis esset rata, consuetudini, externam precum et adorationis addidit solennitatem; Ast ne huic exemplo diutius inhaeream, en Gæinlii Regis ad Thordum Hraedam, a se discedentem verba s): „her er „eitt Sax er ek vil gefa ther er ek hygg at „gipta man fylgia, thar med skal fylgia „vinátta mín; - thefs bid ek thik, at thu „gefir engom manni edr lógir nema thu „eigir höfud thitt at leyfa,, i. e. *Ecce, quam tibi dabo, machaera, cui fortunam comitem fore auguror, mea autem amicitia sequetur; -*

ne

s) Thordar Saga Hraedo cap. I.

ne igitur ulli dones, aut ex tua elabi possessione permittas, rogo, nisi vita tibi sit redimenda: Imo ne Christiana quidem religione introducta, exstirpatam hancce opinionem, Imperatoris Germanici ad Knutum Lavardum dicta monstrant t): „ther skulut thiggia af „mer klædi, - oc thefs vænti ek, ef ther „eigit klædinn, at thar fylgi hamingia „ydar ok ríkis ydar eptir, „i. e. *Vt vestes a me dono accipias opto, - spero autem si has retineas, fortunam tuam et regiminis tui securam.*

§. XXII.

His ita expositis, quid aulica nostratium vita monumentis eorum historicis, auctoritatis addat, vel me tacente apparet: Vt enim præteream, fieri non posse, quin, qui individui Regum Principumque erant comites, rerum, quas gessere, accuratam satis simul acquirerent cognitionem; nostratibus certe, quo hanc maiori diligentia sectarentur; prægnantem, studiorum, quibus imprimis dediti fuere, imo ipsa officii ratio, imposuit necessitatem: Nam ab habitata inde Islandia, ad seculi XIII. finem, Islandis, non tantum quos adierunt, Principum gesta, carminibus coram recitatis celebrandi, solennis fuit consuetudo, sed et Poëtarum Regionum officio, in aulis borealibus frequentes

t) Knytlinga Saga cap. 90.

quentes adeo fungebantur, vt ab Haraldo Pulchricomo, ad Ericum vsque *Cleri Osozem* dictum, vix vnus Noruegiae Regum detur, quem non vnus pluresue saepius Islandorum, illi coacui aut familiares, vel carmine celebrauerint, vel ei Poëtarum Aulicorum officium praestiterint. Nec Sueciae, Daniae et Angliae Regibus, Comitibusque Orcadensibus, suos ex Islandorum gente encomiastas et Poëtas Aulicos defuisse, Canutidarum, Daniae Regum et Comitum Orcadensium Historiae, Islandorum carminibus maxime superstructae, Gunnlaugus Ormstunga, qui Olaum Skautkonung, Sueciae, et Ethelredum, Egillus Scallagrinnus, qui Ethelstanum, Angliae Reges, Arnorus, Comitum Poëta dictus, qui Orcadensium Comites, carminibus celebrare, et alii plurimi, suis monstrant exemplis: Quales Poëtas, cum principem inter aulicos tenerent locum, secretiorumque consiliorum fierent participes, vt dignitatis incrementa Regum familiaritate acquisuisse, ita accuratissimam rerum ab iis gestarum notitiam habuisse, certum est. Hinc etiam si, qui supersunt historicorum nostratium plurimi, res ante sua tempora gestas literis consignauerint, eis tamen, coeua ipsis factis monumenta secutis, et Poëtarum satellitumque, ipsis olim Regibus familiarium ore loquentibus, cur fidem denegemus, ratio satis valida non suppetit, cum eorum opera historica, qua his nituntur documentis,

fui

fui temporis historiam re ipsa contineant, et ipsis aequalia factis videri queant. Haud difficile mihi foret, per singula eundo monstrare, omnium fere, quæ nostri describere, exterorum Regum ac Principum facta, talibus, quæ ipsas res gestas ætate æquant, niti monumentis, Poëtasque et alios insignis sapientiae, dignitatis, et auctoritatis viros, nominatione recensere, qui singulorum Regum gesta ad Islandos transtulere, nisi multa, quæ Ser. Reg. Dan. Lib. I. et tam in Prolegomenis, quam ipso Historiæ Noruegicæ corpore Torfaeus, in Chronico vero Noruegico Sturlaeus, et alii nostratium alibi, hac de re, annotauerunt, retexere uellem et recoquere; inprimis cum id historiam litterariam antiquam propius spectet, et ob exemplorum multitudinem, singularem postulet, ob ipsius autem argumenti dignitatem mereatur, tractatum. Igitur exemplorum instar nobis hac vice erit cautela, qua Historiæ Noruegicæ partem a se conscriptam, munus auctor nobilis, hunc in modum: „Væit ek at sva man thi-
 „ckia, ef utanlandz kemr thessi frásögn,
 „sem ek hafi miök frásögnina haft af Is-
 „lendzkom mönnum; enn þat ber til thess,
 „at their Islendfskir menn, er thessi tíðindi
 „sáo edr heyrdo, báro hingat til landz frá-
 „sagnirnar „ i. e. *Equidem scio visum iri exte-
 ris, si ad eorum forte aures historia hæcce per-
 veniat, me Islandorum relationes inprimis esse
 secutum,*

*secutum, id autem ea de causa factum est, quod harum rerum notitia, qui eas ipsi videre vel audire, Islandis, in patriam reducibus debeatur. Noruegicarum in specie rerum notitiam, qua veteres Islandi ganisi sunt, haud parum promouit insignis gratia, qua Islandiae Proceres eorumque filios vel cognatos, ad se venientes, Noruegiae Reges, prosequi solebant, ita se facillime Islandos, his auctoribus et consultoribus, ad spontaneam deditionem adducturos sperantes; qualis fauor, nobilium Islandorum bene multos, non ad illorum tantum satellitia certatim inuitauit, sed interioris quoque consilii fecit participes. Ex multis vnum nomino Olauum Sanctum, cuius in Islandos studium his verbis vita eius proponit: „Sidan fóro af Islandi margir me-
 „tordamenn, their sem handgengnir gerduz
 „Olafi Konongi, Thorkell Eyulfsfon, Thor-
 „leikr Bollafon, Thordr Kolbeinsfon, Thordr
 „Barkarfon, Thorgeir Havarfon, Thor-
 „modr Kolbrunar Skálld. Olafir Konongr
 „hafdi sendt vingiafir mörgom höfðingiom
 „til Íslandz, enn their sendo hanom thá luti,
 „er their vænto at hánom mundi hellzt
 „Sending i thickia, enn í thesso vinátto
 „marki er Konongr gerdi til Íslendinga,
 „bioggo enn fleyri lutir undir, sem síðar
 „urdo berir, i. e. *Posthaec multi nobilium ex Islandia profecti, Olai Regis satellitio adscri-
 bebantur, Thorkillus Eyulfi, Thorleikus Bol-
 lii,**

lii, Thordus Kolbeini, Thordus Barki, Thorgerus Havari, Thormodus Kolbrunae Poëta. Rex multis magnatum Islandiae donaria miserat, qui ei vicissim, quae dignissima iudicaturum sperabant, miserunt dona; His autem, quibus Rex Islandos profecutus est, amicitiae indicis, plura, quae dies docuit, suberant.

§. XXIII.

Mercatorum veterum commerciiis, Regumque borealium satellitiis, qua institutum ferebat, leui haëtenus penicillo adumbratis, reliquas peregrinationum antiquarum species coronidis loco subnectam, quas, quo fuere longiores, eo et maiori veteres commendationi duxisse, sequentibus Bollii verbis Laxdalsensium historiae auctor innuere videtur: „that hafda ek í hug „mer, tha er ek for af Islandi utan, at „eigi scylldi til min at spyria í ödro hufi, „i. e. *Cum ex Islandia peregre proficiscerer, ne in proxima domo quaerendus essem, in animo habui.* Ad hanc primo classẽ itinera Constantinopolitana pertinent, non illa quidem, quae stipendiorum faciendorum, et fortitudinis, exercendae gratia inprimis suscepta, supra tetigi, sed quae nouitatis, quae peregrinarum regionum innisendarum causa, quae laudis gloriae, et, quos exterorum Principum commercia, peregrinantibus deferre credita sunt, honorum studio, maxime instituebantur. Talium nobis peregrin-

grinationum, Rognvalldus Orcadensium Comes, memorabile suppeditat exemplum, de quo quae dicenda sunt, quin Islandis et pro re nata tribui queant, non dubito, cum aliunde constet, multos eorum, similibus ductos rationibus, eius generis itinera, partim proprio Marte suscepisse, partim Regibus et Principibus ita profectis, frequentes adfuisse Comites. De Rognvalldi autem itinere praestat ipsum audire Orcadensium historiae auctorem ^{u)}: „that fu-
 „mar kom utan af Miklagardi Indridi Ungi,
 „hann hafdi thar verit lengi á mála; kunni
 „hann theim thadan at segia mörg tíðindi,
 „thotti mönnum skemtan at spyria hann
 „utan or heimi; Eitthvert finn er their
 „Jarl tölodo, tha mælti Indridi; that
 „thikir mer undarlegt, er thu villt eigi
 „fara ut i Jórðalaheim, ok hafa eigi fagnir
 „einar til theirra tíðinda er thadan ero at
 „segia; er flikom mönnum best hent thar
 „saker ydvarra lista, mantu thar best vyrdr
 „er thu kemr med tignom mönnum; ok
 „er Indridi hafdi thetta mællt, flutto that
 „margir adrir med hanom, ok eggiodo at
 „hann skyldi geraz fyrirmadr at ferd thes-
 „fari; - ok er^utheir Jarl ok Indridi redo
 „thetta med ser, thá reduz marger gófiger
 „menn til thessarar ferdar; - var thessi
 „ferd hin, frægasta, ok thokto their meiri
 „háttar

^{u)} cap. 75.

„háttar menn fídan allir enn ádr, er farit
 „höfdo „ i. e. Qua Rögvalldus Bergis com-
 morabatur aestate, Indridius Junior, Con-
 stantinopoli, ubi diu stipendia fecerat, redux,
 multa, quae non minori audientium studio quam
 delectatione quaerebantur, ex terris procul dis-
 sitis noua narrauit. Hic cum Comite aliquando
 collocutus, mirum, inquit, mihi videtur, te in
 terram Sanctam proficisci nolle, sed solis rerum,
 quas inde notatu dignas fama adfert, narra-
 tionibus acquiescere, cum tamen tui similes, ob
 artes, et quae corporis exercitia profiteris, tali-
 bus itineribus sint aptissimi, nec aliter esse queat,
 quin tu, ad eminentis dignitatis viros veniens,
 maximo afficiaris honore; Haec Indridio identi-
 dem suggerenti, multi adfensere, ut huius se
 profectionis Ducem Comes adiungeret, hortati:
 Quibus mutuo Indridii et Comitis consensu ro-
 boratis, multi nobiles viri itineris socios se ad-
 didere, cuius tanta fuit celebritas, ut omnes,
 qui una proficiscebantur, maioris notae viri post-
 ea haberentur. Praeter hos et alii sunt, quibus
 talia se itinera commendarunt, vsus: et in his
 primo, fortitudinis exercitia, reiue militaris
 scientia: Nam licet istiusmodi profectiones, nec
 piraticae exercendae, nec stipendiorum facien-
 dorum, nec peregrinarum denique Regionum
 sub iugum mittendarum causa, proprie suscipe-
 rentur, ipsi tamen peregrinantes, Ethnicos in

itinere obuios, sponte armis laceſſere, tanquam opus Deo gratum, veraeque religionis zelo debitum, ſpectarunt, ſuique adeo officii eſſe duxerunt, quod vel vnica, quam attuli, Rognvalldi proſectio monſtrat, qui nonnulla Ethnicorum caſtella et naues adortus, expugnauit, inque po- teſtatem redactas, diripuit. Secundo: Quam hoc peregrinandi genus obtulit, *regiminis, ſtatusque* exterorum *politici*, vt et *legum* peregrinarii, cognitionem, maiores noſtros, patriae redditos, in ſuum conuertiffe uſum, argumento eſt alter Orcadenſium Comes Hakon, qui ciuibus initio laud multum amatus, ex quo itinere Romano-Hierofolymitano functus, in patriam redierat, mentem mutauit, firmatoque bonis legibus imperio, maximum ſibi ſubditorum amorem conciliauit x): „hann gerdiz thá ſtiórñ „ſamr, ok fridadi vel riki ſitt; ſetti hann „thá i Orkneyom ny lög, thau er bón- „dom, hugnadi betr enn thau er ádr höfdo „verit, tóko við ſlikt at vaxa vinfældir „hans; Kvam ſva, at Orkneyingar ſturi- „dudo ecki annat, enn haſa Hakon at „Höfdingia, oc hans afſprengi, i. e. *Tunc Reipublicae adminiſtrandae curam maiori ardore capeſſens, optatam ditioni ſuae reſtituit pacem, et nouas incolarum ingenio aptiores, Orcadenſibus dedit leges, quo magis magisque amari coeptus,*

x) Orkneya Jarla Saga cap. 39.

coeptus, eo tandem rem perduxit, ut omnia Orcadenſium ſtudia, ad Principatum, Hakoni, eiusque ſoboli aſſerendum, vnice tenderent.

§. XXIV.

Quatenus regionum et populorum longius diſſitorum notiſſimi, et honores, ex exterorum Principum hoſpitiis petendos, ſpectant, non dubito, quin profectionibus Conſtantinopolitanis aequiparem, imò, ob proficiſcentium multitudinem, anteferam *itinerà Romana*, quae poſt introductam religionem Chriſtianam, noſtrates, vel propriis adducti deuotionis ſtimulis, vel votorum gratia perſoluendorum, vel flagitiorum denique expiandorum, et, ob emergentes cum clero lites, abſolutionis a ſede Apoſtolica obtinendae cauſa, frequentes obibant. Horum enim itinerum plurima terra fiebant, atque adeo non Romam tantum, vnamue aut alteram Italiae oram, ſed florentiſſimorum tunc temporis Regnorum plurima, maximamque cultioris Europae partem, curioſis viatorum oculis ſubiecere, Angliam quidem, Orcades, Galliam, Helvetiam, et mari Tyrrheno propiorem Italiae partem, ſi *Occidentali*, Daniam autem, Germaniam, et vicina mari Adriatico Italiae loca, ſi *Orientali* eundem vel redeundum eſſet via. Haec itinerum Romanorum, a Floſio et Kario Solmundi filio ſuſceptorum, rationes euincunt;

quorum prior, Sigurdi Orcadensium, et Gilli Hebudensium Comitis hospitiiis primum exceptus, deinde in Britanniam profectus; tandem peragrata *Occidentali* Europae parte, Romam venit, vnde, post diuturnas multis in urbibus moras, variaque honoris indicia a viris magnis exhibita, quae *Orientem* spectauit, via, per Germaniam et Daniam remeauit; Posterior vero a Normannia iter incipiens, per Gallias Romam tendit, eademque via rediit y). Praetereo alios huius generis peregrinantes, quorum licet laud exiguus sit numerus, omnes tamen Biornus Eimerius nostras, Hierosolymipeta dictus, nominis claritate superat, qui Romam ter iuit, et in terram Sanctam, cum coniuge Olufa, profectus, omnia in suum itinerarium, quod Arngrimi fide z) extare scimus, fideliter referens, nouum vetustae peregrinantium Islandorum diligentiae reliquit documentum. Tot caetera sunt harum peregrinationum exempla, tamque in vulgus nota, vt lectorès historiæ studiosos, crassae insinulare ignorantiae merito viderer, si eis immorarer recensendis; earum frequentiam, praeter ipsum religionis zelum, si quid video, arguit, quod huius generis peregrinantium commodis, publicis donationibus succurrere, regia necessum munificentia duxerit; primum hic in scenam pro-

y) Njals Saga.

z) Specim. Island. Historic, pag. 154.

produco Canutum Magnum Daniae et Angliae Regem, qui in itinere Romano constitutus, Hospitium (*Spitala* antiqui vocant) instituit, quo omnes lingua Danica loquentes, idemque iter suscepturi viatores, noctu exciperentur *a*): cuius exemplum secutus Ericus, Daniae etiam Rex, haud procul Placentia Italiae vrbe, magnam pecuniae vim eo fine erogauit, vt omnes peregrinantes sacri, eo venientes, et Danica lingua loquentes, libero ibi hospitio vinoque fruerentur *b*): Reliqua prudens omitto, tantum submonens, talem peregrinationem auctoribus antiquis, *Ronferd* et *Sudurgaungo*, ipsos autem peregrinantes, *Sudurgaungomenn*, *Pilagrinia* et *Palmara*, i. e. Palmarios, quod palmam praeferre soleant, (vid. Du Fresne Glossarium, voce *Palmarius*) appellari.

§. XXV.

Equidem veteres Isländos, bonarum literarum et scientiarum, nec rudes fuisse nec incuriosos, multis probari posset argumentis, quae quia a proposito longius abeunt, hac vice praetereo, non tantum ad amouendum ab historicis nostris barbariei crimen, sed haud leuem quoque illis auctoritatem vindicandam, sufficere ratus, si monstrauerim, iis ipsis seculis, cum Islandi,

F 3

qua

a) Knytlinga-Saga cap. 17.

b) ibid. cap. 74.

qua memoriis colligendis, qua historiis conscribendis maxime insudarunt, XI puta, XII et XIII, literarum studia in Islandia maxime floruisse: Quod ut probem, ex multis paucula virorum maxime celeberrimorum exempla seligam, qui tunc temporis studiorum gratia ex Islandia profecti, florentissima in exteris bonarum literarum seminaria frequentarunt. Inter hos Isleifum, primum Islandiae Episcopum, anno post Christum 1080 mortuum, Erfordiae Saxonum literis operam nauasse, Append. Libri Origg. Isl. *c*), et Historia Relig. Christ. in Island. introd. *d*) perhibent. Cui proximus Saemundus Sacerdos Polyhistor, anno 1132 mortuus, postquam in variis Germaniae locis scientiis operam dederat, in Gallias, studiorum causa, profectus *e*), in patriam tandem redycebatur per Iohannem Augmundi filium *f*), primum Holensium Antistitem, anno Christi 1121 mortuum, quem et ipsum, ex schola Isleifi dimissum, studiorum causam ad externos migrasse, vita eius tradit. Pari ratione Thorlacus Thorhalli filius, Skalholtensium Praeful, anno 1193 mortuus, Parisienses et Anglicas Musas per sexennium secutus, tantum Pontificiae superstitionis, quam peregre hauserat, in Islandiam in-

vexit,

c) pag. 175.

d) cap. 12. pag. 21.

e) Torf. Ser. Reg. Dan. pag. 40.

f) Aro Polyhistor, Libri de Islandia, ed. Isl. pag. 10.

vexit, vt ab eius tempore, noua plane religioni induceretur facies, nouo exemplo; veteres Islandos, in patriam reduces, exterorum instituta, quauis occasione data propagasse, et ad ea se composuisse, non secus ac Isleifus, de quo supra dixi, fame in Islandia ingrauescente, Saxo-
num, inter quos versatus fuerat, more, vota publice suasit suscipienda. Nec dubito quin huc referam Gizurum Legiferum, Halli filium, Teiti nepotem, Isleifi autem Episcopi abnepotem, cuius Sturlungorum historia g) tale exhibet elogium: „hann var bædi vitr ok mál-
„sniallr, hann var Stallari Sigurdar Konongs
„födur Svërris Konongs, hann var ok
„hinn besti clerkr theirra er her á landi
„hafa verit; opt fór hann af landi brott, ok
„var betr metinn í Romaborg enn nockr
„Islendzkr madr annar, af ment finni ok
„framkvæmd; hanom var víða kunnigr
„um fudrlöndinn, ok thar af gerdi hann bók
„tha er heitir FLOS PEREGRINATIONIS.,
i. e. *Erat et sapiens et disertus, Sigurdi autem Regis Hierosolymipetae, Svërreri Regis Patris, Stallarius, (Mareschallus) et optimus omnium, quos hucusque Islandia tulit, clericus; Peregrinas terras saepius adiit, et maiori quam ullus alius Islandorum, ob rem bene gestam, Romae mactatus est honore; illi terrae au-*

strales passim erant cognitae, unde librum confecit, qui FLOS PEREGRINATIONIS inscribitur. Plura cumulare exempla non opus est; hinc ad ea, quae hactenus attuli, solum obseruo, huic, quod a peregrinationibus literariis ducitur, argumento, in vindicanda historicorum nostratum fide, nouum accedere robur, si consideremus, ipsos hosce doctissimos viros, non historiarum tantum fuisse studiosos, sed et ad eas conscribendas symbolam contulisse: Isleifo, Arius Polyhistor, primus historiae Islandicae scriptor, multa debuit; Ario vicissim alii; nam licet solum eius de Islandia Librum, temporum nobis reliquerit iniuria, plura tamen eum scripsisse eiusdem praefatio docet, et adhuc plurima narrando ad posteros transmisisse, vnde recentiores historici sua irrigauere arua, ipsa Arii auctoritas, a veteribus toties in testimonium vocata, euincit: Idem de Saemundo ferendum est iudicium, cuius scripta, siqua fuere, et narrationes historicas, licet hodie sub eius nomine non extent, proximorum seculorum historicos non ignorasse, sed ad manus habuisse, adductum ab iis non vno loco Saemundi testimonium probat *h*): Gissurum Legiferum nil equidem, quod Islandiae historiam spectet, scripsisse scimus, credibile tamen est, monumentis patriis omnem non denegasse operam, cuius diligentia, quam

hauserat

h) Torf. Ser. Reg. Dan. pag. 41. 42.

hauserat regnorum peregrinorum notitiam scribendo complecti non omisit. Atque haec (liceat Summi Viri i) verba in rem meam vertere) attulisse satis fuit, *ut ostensum darem, quam literariam vocamus doctrinam, postquam diuina eam huc (in Islandiam) intulit Prouidentia, nequitiam in truncos aut candices incidisse: Praetereaue ut pateret, quantum nonnulli ex hodierno philosophantium et Criticorum genere desipiant, ac insignem stultitiam suam prodant, dum inepta ad Philosophiam, nec nisi mediocria ingenia; sub Septentrionali coelo nasci, comminiscuntur.*

§. XXVI.

Cum igitur veteres, tot tantisque ad peregre eundum ducerentur rationibus, mirum non est, eos, peregrinandi studium, ut viris principibus dignum; magni fecisse; vice vero versa, qui id insuper habentes in patrio solo consenuere, effoeminatae desidiaae crimine onerasse; quas veterum sententias respexit, fabulosus alias Samsonis Formosi vitae auctor, ita principem locutum faciens k): „Ek villda ther fengit mer scip ok „menn, ok vil ek fara or landi, ok Kynna
F 5 „mer

i) Ioh. Grammii in Orat. de Origine et Statu rei literariae in Dania et Noruegia, vid. Dänische Bibliothek VII Stück pag. 446.

k) cap. 4.

„mer ukunnigra höfðingia Sido, ok vita ef
 „nockot má til frægdar verda, edr nockrn
 „thannafla fá, at ver mættom ofs viðhallda,
 „ok varn heidr Kynni at bæta, fva ver fi-
 „tiom eigi heima, sem mæ til Kosta,, i. e.
Vellem mihi naues copiasque traderes, constitui
enim peregre proficisci, perspectisque exterorum
Principum moribus, experiri, num quae celebra-
tis vel facultatum obtingat accessio, qua nos su-
stentare, nostrumque augere honorem possenius,
ne virginis instar, procum exspectantis, domi
*semper haereamus: Vt*terius autem illustrat Lax-
 dalensium historia, haec de Thorleiko referens:
 „Thá ræddi Thorleikr við modur sína at
 „hann villdi utan fara, leyðizt mér at sitia
 „heima sem Konom,, i. e. Tum Thorleikus
 matrem allocutus, peregre se profecturum dixit,
 scilicet, inquit, me mulieris instar domi morari
 taedet. Omnium tamen maxime confirmant,
 Sigurdi Hierosolymipetae Noruegiae Regis ad
 Eysteinum fratrem de itinere suo Hierosolymi-
 tano verba 1): „That hefir verit mál manna,
 „at ferd su, er ek fór or landi, væri helldr
 „höfðinglig, enn thu satz heima ámedan
 „sem dóttir föður thins,, i. e. *Hominum ser-*
monibus vulgatum est, quam suscepi peregrina-
tionem viro principe fuisse dignissimam, tu au-
tem interea, ut filia patris tui, domi latuisti.
 Quantum,

1) Chron. Norv. ed. Succ. Tom. II. pag. 257.

Quantum, tam in delectando, quam in eoerore, curis, et anxietate animi, depellendis, peregrinationibus antiquitas tribuerit *m*), iam nec persequar, nec plures peregrinationum usus rationesque hoc loco enumerabo, quam enim haecenus allata, eorum, quae me supra probaturum promisi, non faciunt, quae hac de re dicenda superfluent, haud, credo, extorquebunt fidem; Igitur Coronidis loco moneo, quae illis sperari maxima seculis potuit, peregrinationum utilitatem Islandiae ideo denegari non posse, quod qui nostratum peregre proficiscebantur, perpetuas sibi apud externos raro eligerent sedes, sed posthabitis, quae saepius offerebantur, splendidis satis conditionibus, quod reliquum erat aetatis, patriae tribui satius ducerent, ipsique maxime convenire naturae putarent, ut, quae ortum dederat patria, prudentiae peregrinando comparatae perciperet fructum: Hoc patriae desiderium in sui temporis Islandis notavit seculo Christi X vivens, Haquinus Noruegiae Comes, cuius haec ad Finnbogum circumferuntur verba *n*): „man-
„tu vilia fara til Islandz, fer ydur sva fle-
„stum er ther komit í gylldi vid Höfdin-
„gia edr í Kiærleika thá vilit ther thegar á
„brott,” i. e. *Iam tu forte Islandiam repetere cupis,*

m) Brand Kroffa Thàttr cap. 2. Hrolfs Saga Kraka cap. 15.

n) Saga af Finnboga Rama cap. 18.

cupis, quemadmodum plurimorum vestratium mos est, quos ut Principes Viri honore et amore prosequi incipiunt, statim abitum parant. Haec recentiores quoque, et in his quidam erga Islandos non admodum bene affecti, observantes, occasionem inde calumniandi, gentisque, utpote quae domesticam miseriam lautiori, apud exteros, et feliciori vitae stolide praeferret, traducendae, sumserunt: Caeterum non desunt, quae huic crimini, si non penitus amouendo, saltem mitigando inserviant, praegnautes satis patrii huius desiderii causae, quas, si ex rei veritate, et animi sententia persequi vellem, nec aliis forte Islandorum, nec mihi ipsi gratas, prudens omitto.





DISQVISITIO ALTERA
DE
P H I L I P P I A,
SIVE AMORIS EQVINI, APVD PRISCOS
BOREALES, CAUSIS.

C O N S P E C T V S.

Quae derebus minoris momenti, veteres historici interdum narrant, frustra non esse, sed occasionem et rationes rerum gestarum continere, moresque populi illustrare, probant, quae de equis apud priscos Boreales inagni factis, saepius tradunt, quorum variae adferri possunt causae. §. 1.

SECTIO I. *De amore equorum in genere.*

Immodicum equorum studium, in variis personis et populis, Scythis etiam, observatum. §. 2.

A quibus ad primos Septentrionis incolas videtur propagatum. §. 3.

Idem Danis et Suecis tribuitur. §. 4.

Norvegis autem et Islandis. §. 5.

Tales equi, a laboribus exempti, et sobolis causa, gregatim distincti, per pascua disponebantur. §. 6.

SECTIO II. *Rationes equini amoris physicae.*

Hae vel externae, ut venustas, ex colore, unde nomina saepe equis indita, etiam diiudicandae. §. 7.

Vel

Vel internae, vt viuax sensus et imaginatio, vnde auspicia ab equis ducta. §. 8.

Quae, praeter Germanos, Islandis inprimis, fuere in vsu. §. 9.

SECTIO III. *Rationes equini amoris a religione ethnica ductae.*

Gentium, in equis Soli consecrandis, superstitio ex Eliae Prophetae historia vix est orta. §. 10.

Sed ex veterum, dogmata Sacra et Physica ad sensum communem reducuntur, imaginatione. §. 11.

Equi, a borealibus, Odino non tam adscripti, quod antiquissimum Solis cultum, in se transtulerit. §. 12.

Quam quod rei equestris, a maioribus traditae, esset studiosissimus, et equos, dum vixit, impense amaret, iisque, in exercitiis bestiarum locum esse vellet. §. 13.

Haec ratio, cur equi Diis sint immolati, consecrati, imo pro Diis interdum culti. §. 14.

Carnis equinae, in sacris Borealium epulis, esus. §. 15.

Eius ratio eadem, quae epularum apud gentes sacrificialium, quae non ad imitationem Iudaeorum institutae. §. 16.

Sed, vel ad communicationem cum idolis significandam. §. 17.

Quam Theologia Ethnica Borealium etiam admittit. §. 18.

Vel, ad pacem publicam conseruandam. §. 19.

Vel denique, ad primorum quae cibis constabant sacrificiorum exemplum. §. 20.

SECTIO IV. *Rationes equini amoris Oeconomicae.*

Equina caro, haud vltima olim, apud Ethnicos, inprimis Islandos cibi vulgaris pars; eius esus, Christiana religione adhuc recenti, Islandis permixtus, cordatioribus tamen exotus; qua occasione Olaus Triggvinus Noruegiae Rex contra Reenhielmium defenditur. §. 21.

Equitatio et vectura Islandis inprimis propriae. §. 22.

Quae-

Quaestus ex equis factus. §. 23.

SECTIO V. *Rationes equini amoris ad exercitia corporis et rem militarem spectantes.*

Equorum in militia usus, et strenua sui defensio: Vnde rei equestris peritia exercitiis, forti viro utilibus, olim annumerata. §. 24.

Huc certamina equestria ludicra spectabant, et in his Hippodromia. §. 25.

Hippomachia. §. 26.

Hastiludium. §. 27.

Hinc equi inter donaria, Regio fastigio haud indigna, quondam numerati. §. 28.

§. I.



uemadmodum contra ipsam historicorum antiquorum auctoritatem multa passim vibrantur dubia, ita, qua vsi sunt, scribendi methodus, plurimis dissentientium exceptionibus est obnoxia. Tot, inter caetera obiciunt, quae absque insigni vix perlegi taedio queunt, colloquiis plena sunt veterum historicorum volumina, ut te fabulam vel dialogum, non historiam legere iurares; tot, de rebus, relatu non admodum dignis, narrationes, quae momentum trahunt, factis, admixtae, ut haec persequi, et in succum vertere volentem, futilis illarum retrahat turbetque varietas. Ast haudquaquam desunt, quae instantiis hisce historiarum antiquarum periti reponant; Et quidem hoc primum: Si colloquia

quia ista, vitiorum sunt habenda loco, non id scribentium, sed seculi est vitium, quo, quem foecunda Gallorum Anglorumque ingenia iam pridem introduxere, historiarum, vt vocant ratiocinatarum (*des histoires raisonnées*) vsus, nostro nondum Septentrioni erat cognitus. Secundo: tantum abest, vt, quae colloquiis familiaribus constat, methodus historica, vitio nostris sit vertenda, vt insignis potius sit, qua plurimarum gentium historicos antecellunt, praerogatiua: Est haec methodus, vt maxime *naturalis*, ita scribenti *tutissima*, *minimae offensae*, *minimisque obnoxia periculis*, et denique, quod caput rei est, *maxime adaequata*: Qui omnia, quae historicum occupant, hominum negotia, mutuis commerciis, et commercia vicissim ipsa, sermone, scriptoue peragi nouit, si communem modo non exuat sensum, dubitare nequit, eam naturae maxime conuenire methodum, quae ipsos negotiorum auctores et administratos, proprio ore loquentes introducit. Nec euidentius minus est, hanc, minori offensae, minori periculo obnoxiam, atque hinc teneris hominum ingeniis maxime esse accommodatam; facilius enim eum omnes ferent, facilius a se inuidiae et temeritatis culpam amouebit, nec directe adeo pun-

git,

git, qui, hausta aliorum ex ore, veluti ex obliquo, proponit ratiocinia, quam qui se ipse cenforem obtrudens, tanquam ex tripode sententiam dicit. Nec tutior alia et facilior scribenti methodus est; nam, qui hac utitur, in vnico solum colloquio, eiusque cum proxime antecedentibus nexu, attentionem simul defigere necesse habet suam; qui contra consuetam, quae *ratiocinata* audit, historiae conscribendae normam sequitur, laboriosa abstractarum idearum formatione semper exerceatur, totumque historiae connexae ambitum, vno sibi obtutū repraesentet oportet: Praeterea facilius conferuntur et opponuntur, quae reciproca rationum, ipsi negotiorum naturae aptarum, lance coram ponderantur argumenta, quam quae, velut aliunde, per operosas saepe ambages petuntur. Est denique methodus haecce maxime adaequata, quippe in qua quodlibet fere colloquium, ingenium gentis, de qua est sermo, velut in schemate refert; quem illius effectum, quacumque fere historiarum vetustorum pagina, merito admirandum, nobis ob oculos ponit. Nec eandem colloquiis fingendis, quam rationibus factorum, abstractionis ope, stabiliendis, inesse difficultatem, iure poteris obiciere; Nam primo facilius inueniuntur, quae

iuxta naturae ordinem, materiam colloquio praeberere possunt, proximae rationes, quam remotiores et vniuersales factorum causae: Secundo haud putandum est, historicos ipsos omnia haecce finxisse colloquia, sed tanta veterum in historiis conseruandis fuit cura, vt non facta solum, sed et, quae eo spectabant, verba, memoratu dignissima posteris per manus traderent, cuius rei argumentum, antiquorum Poëtarum carmina, per multorum seculorum decursum, narrando ad posteros transmissa, praebent. Interim non diffiteor, suis hancce methodum vrgeri incommodis, quo nimiam prolixitatem, et inaequalem sibi ipsi, atque lepidum minus stylum refero, quae tamen tanta non sunt, vt insignibus, quibus superbit, commodis, obducere caliginem queant. Quas prisca historici attulisse forsan videbuntur, minutiae, nec omnino frustra sunt positae, sed populorum borealium ingenium, opinionones, mores et viuendi rationem illustrant. Hoc vt probarem, quae talium deprehendere minima potui, ex Antiquitatibus mihi selegi illustranda, ratus, si quid de his, lectu non omnino indignum afferri forsan posset, reliquorum, quae maioris paulo sunt momenti, in Antiquitatibus enodandis usum, eo magis extra
dubium

dubium' poni, quo ampliori discursui eorum praebere natura materiam potest. Hinc qualiscunque haecce Disquisitio nata, quae adductis, quas prisca viuendi ratio subministrat, equini amoris causis, extra dubium ponat, antiquos Septentrionis incolas in genere, et in specie Islandos, maximo semper in pretio equos habuisse, atque eos ideo; vel ipsis haud indigna Regibus donaria aestimasse; Cum autem istiusmodi causae, vel *Physicae* sint, ex ipsa equorum natura; vel *Oeconomicae*, ex eorum in vita communi necessitate et usu desumptae; vel *Militares*, in iuventute, exercitiis corporis assuefacienda occupatae; vel denique *Religiosae*, Theologiam gentilem et idololatriam veterum spectantes, operam frustra prorsus locasse non videbor meam, si quaedam veterum oeconomiam, mores, ingenium et religionem illustratura, hinc inferre valeam et stabilire; prius tamen moneo, si vel tales in Auctoribus vetustis deprehendi minutiae possent, quibus nulla alia tribui utilitas potest, omnes tamen factorum vel occasionem, vel circumstantias continent, atque hinc ad laudem veterum minuendam adhiberi non debent, sed multo magis idoneum satis, exactae eorum in historiis consignandis diligentiae suppeditant argumentum.



SECTIO I.

DE

AMORE EQVORVM IN GENERE.

§. II.

Ad historiam antiquam si recurramus, singulare equorum studium, non plerisque tantum gentibus commune, sed ipsis fere populorum originibus coeuum fuisse, praeter vetustissimos Aegyptios, maximos equorum, Bocharto *a)* et Cypriano *b)* testibus, amatores, exemplo sunt varii magni nominis viri, Graeci iuxta ac Romani, imo ipsi Imperatores, Iulius Caesar, Alexander Magnus, Antonius Vernus, Caligula, Commodus et alii a Frantzio *c)* nominati; inprimis tamen plurimi Orientalis Europae et Asiae populi, quare rei equestris, quae equorum studiosissimi, ex quibus Assyrios et Cappadoces Cyprianus *d)*; Thessalios Plato *e)*; Persas autem Bochartus memorat, quos a rei equestris studio, Cyri tempore introducto, nouum Persarum, quasi

Para-

a) Hierozoic. Lib. II. cap. 9. p. 170.

b) Hist. Animal. Tom. I. p. 630.

c) Hist. Animal. T. I. p. 58.

d) Hist. Anim. T. I. p. 631.

e) In Hippia, ed. Serran. Tom. III. p. 284.

Parasim, vel equites dixeris, nomen obtinuisse putat f): Quin et simile Scythas equorum studium tennerit, dubitare nos non permittit Herodotus g), equos ab iis Marti offerri solitos tradens, cum ea, quae sacri sunt usus, magno caetera in pretio haberi ipsa religionis natura postulet.

§. III.

Ex Scythia equorum amorem, cum incolis ipsis, noster accepisse Septentrio videtur: Nam Gigantibus, quae vetustissimorum Septentrionis incolarum vulgata appellatio est, equinum studium tribuit Edda Saemundi in Thrymsquitha, Lokium in Jotunheimos profectum, Thrymum, Gigantum Regem, equis ornandis intentum deprehendisse tradens:

„Thrymr fat á haugi
 „Thursa drottinn,
 „Greyiom sínom
 „Gullbaund sneri,
 „Oc maurom sínom
 „Maun jafnadi.

i. e.

*Thrymus insidebat tumulo
 Gigantum Dominus*

G 3

Cani-

f) Hierozoic. Lib. II. cap. 6. p. 99.

g) In Melpomenc. ed. Henr. Steph. p. 276.

*Canibus suis
Aurea ligamina necēbat,
Equis autem suis
Iubam circumscindebat.*

Quae licet fabulae quam historiae videri propiora queant, indicio tamen sunt, si quis equorum studium prius etiam Boreae incolis tribueret, consentiente veterum opinione haud destitui.

§. IV.

Certiora sunt, quae de equorum apud reliquas Septentrionis gentes amore testimonia prostant; De Danis, ob praesagia ab equis sumpta, idem tenendum, quod Scythis supra (§. 2) tribui. A Suecis antiquis equos etiam magni olim esse factos, haud, credo, negabit, qui perpenderit, ea, quorum tanta fuit commendatio, ut Regio fastigio non indigna, imo ipsis gratissima Regibus et honoratissima putarentur, subditos inferioris sortis vilipendere vix potuisse. Hinc omnium Suecorum instar nobis erunt Alrecus et Ericus Sueciae Reges, intemperantes adeo equorum, si Sturlaco *h*) fides, amatores, ut mutuas sibi tandem ob equitationis contentionem inferrent manus: „Alrekr ok „Eirekr varo i thróttamenn, that var Sid- „venia theirra, at víða hefta, ok temia „thá bædi við gáng ok við hlaup; Kunno „their that allra manna best; lögdo their á „that

h) Chron. Norv. ed. Suec. T. I. p. 24.

„that mesta kapp, hver betr reyð eda betri
 „hesta átti“ i. e. *Alrecus et Ericus, ut exercitiis corporis excelluerunt, ita moris illis fuit equos domare, eosque gressui (ne succubarent) et cursui assuefacere; eaque omnes alios arte superarunt, maximumque in eo studium posuerunt, uter melius equitaret, vel meliores possideret equos: Praeter hos Adilsum Suecorum Rēgem equis etiam delectatum, idem Auctor i) memoriae prodidit: „Adils Kon-
 „ongr var miðk Kiær at gódhestom, hann
 „átti ena besto hesta í thann tíma, Slangver
 „het hestr hans, enn annar Hrafn“ i. e. *Adilfus Rex equos generosos magno in pretio habuit, optimosque eo tempore equos possidebat, unus equorum eius Slangver, alter Hrafn vocabatur.**

§. V.

Noruegorum erga equos amorem in posteris eorum Islandis, institutorum auctorum imitatoribus et propagatoribus fidissimis, animaduertere licet: Quantus autem in Islandis equorum fuerit amor, quantum studium, innumera utriusque sexus testantur exempla: Sic Groa foemina nobilis equum Innikrakum reliquis possessionibus longe praetulit k): „Groa hafði
 „eigi lengi búit, ádr hon ól thann grip
 „med fe sí no, er henni thotti betri enn

G 4

„önnr

i) l. c. pag. 39.

k) Droplaugar Sona Saga.

„önnr eign sín jafnmikil, that var hestr,
 „er hon Kalladi Innikrák, thviat harin var
 „inni hvern vetr“ i. e. *Groa rem familia-*
rem diu non administrauerat, antequam inter
pecudes ei succresceret, quem aliis, aequalis cae-
tera pretii rebus longe praetulit, equus, quem,
quod qualibet hyeme domi contineretur, Inni-
krákum vocauit. Nec dissimilis Finnbogi in
equos amor 1): „Thorgeir gaf Finnboga
 „frænda sínom Stóðhrofs fim saman, fi-
 „silbleik at lit; that var ord á, at fá væri
 „hestur bestr i Nordlendinga fiórdungi,
 „that er sagt at Finnbogi ætti that fátt i
 „eigo sinni, er hanom thætti meira um
 „verdt enn Stóðhroflinn,, i. e. *Thorgeirus*
Finnbogo cognato gregem equinum quinque ca-
pitum, flauo colore spectabilem, et in his equum,
qui in Quadra boreali generosissimus putabatur,
dederat; quibus equis Finnbogum maius ple-
risque suis possessionibus pretium statuisse fama
est. Viglundum equo suo valde delectatum
inmemorat Viglundar Saga: „Viglundr átti ok
 „gradann hest godann sífilbleykann at lit,
 „allra hesta bestr ok fegrstr, hann hafdi
 „mikil mæti á hestinom“ i. e. *Viglundus*
etiam equum admissarium possidebat, colore ro-
seo, omnium equorum optimum et pulcherri-
muu, quem impense aestimabat: Grínketilli
 vxor

1) Finnboga Saga cap. 23.

vxor torquem pretiosum, et equum Svartfæxa vocatum ^{m)}; Audura equas suas scutulatas; Hordus vero quinque equos, maximo in pretio habuit ⁿ⁾: Quid quod maximae olim dignitatis viri, infra suam sortem esse non putarunt, equos curare, eisque iugas tondere, vti praeter alios, de Biorno Hitdalenfium Athleta et Gullthorero, vtriusque vita narrat.

§. VI.

Attamen aequali omnes promiscue equos affectu veteres esse prosecutos, caue credas: Minoris pretii erant, qui laboribus domesticis quotidie adhibebantur: Maximi contra, equi admissarii *Stóðhestar* dicti, qui per aestatem in pascuis liberi oberrabant, certos in greges, sobolis procreandae gratia, distincti, qualem equorum gregem *StóðRoss* historici communiter vocant. Equi huc maxime generosi seligebantur, quorum progenies ideo magni a veteribus facta, quod fortibus et bonis fortes creari putarent: Quomodo equum Kingalæ, equae praestantissimae genere cretum, Atlium et Asmundum Patrem maximi aestimasse Gretteri vita tradit: Nec exigua etiam formae hic et venustatis ratio. Hos, per hyemem, saepius domi teneri, pabuloque optimo pasci, a laboribus vero, si necessariam, modica ex equitatione,

G 5

ne

^{m)} Hardar ok Holmveria Saga cap. 3.

ⁿ⁾ Ibid. cap. 19.

ne nimia torporem pinguedo induceret, membrorum agitationem exceperis, eximi solitos, innunt Ofeigi ad Gudmundum Mödrouallensem verba o): „Vandhæfi man ther á „vera, at láta geima hesta vora, thviat „their ero allir gradir, ok má engi vid „annann eiga, enn vær erom at theim „vandir miök, thví thetta ero stódheftar „varir tódoaldir“ i. e. *Difficilior fortasse tibi equorum nostrorum custodia videbitur, omnes enim admissarii sunt, neque unus alterum ferre potest, nos autem eorum curae maxime studemus, quippe qui admissarii nostri sunt, foeno optimo saginati: Qui autem ex his proueniebant pullos, quamprimum viribus maturuere, a se inuicem sciunctos, et in nova denuo equitia dispositos esse, ex Biorni Hitdalenfium Athletae vita colligo: „Biörn „sendi eptir StódRossom, er varo hiá Stack- „gardi, - Sá hestr var son Hvítings al- „hvittr at lit enn merarnar allar raudar; „annar son Hvítings var í Thórarinsdal, „ok var fá ok hvitr, enn merarnar svar- „tar.“ i. e. *Biornus equos, ad foenile asseruatos, fecit adduci, - equus erat Hvittingo, (admissario praestantissimo) prognatus, albo colore, equae autem omnes rufae; alter Hvittingo satus in valle Thorarinsdalensi fuit, etiam albus, equae vero nigrae.* Vnde, vnicum*

unicum ad singula equitia equum admitti, et cum concoloribus equabus, discolorem, quo vario magis colore superba equorum species gigneretur, committi solitum discimus.



SECTIO II.

RATIONES EQVINI AMORIS PHYSICAE.

§. VII.

Inter amoris equini rationes, quae ex natura equorum desumuntur agmen ducunt: Hae vel *Internae* sunt, vel *Externae*: Internas voco, quae interiore equorum natura nixae, occultiores eorum dotes propensiones et affectiones respiciunt: Externas contra, quae speciem externam, nostris magis obuiam sensibus spectant; Ad has externus animalis splendor et venustas, ut ex iusta membrorum proportionem, ita ex colore diiudicanda pertinet, quam laud exiguam multis singularis in equos affectus fuisse causam, praeter testimonia supra (§. 5 et 6) allata, evincit Biorni Hitdalsensium Athletae vita, cum equorum, parentis dono acceptorum venustate valde delectatum tradens: „fadir „hans gaf hanom heft er Hvítingr het, „hann var alhvitr at lit, ok með föla tva „hvíta,

„hvita, that voro godir gripir“ i. e. *Pater ei albicantis per totum corpus coloris equum, cui Hvitingo nomen, duosque pullos albos, instar maximi pretii rerum, ab eo reputatos dedit: Nec omnino diuersum suadent, nomina equis a colore indita, qualium exemplum ministrant Thordar Saga Hredo cap. 8; et Vigaglunns Saga cap. 13. Ingulfum, equum sibi charum, quod caput album haberet, Snakoll (i. e. vertice niueum) appellasse referens.*

§. VIII.

Ad interiores equorum dotes referri equidem merito debet, quem ipse Sacer Codex laudat, generosus eorum, et ad tumultus bellicos intrepidus animus, tanquam ratio fati apta, quae huic animali, gentium borealium, rei militaris et fortitudinis laudi, supra omnem modum deditarum, insignem conciliaret fauorem; Verum cum haec ratio, veterum circa equos superstitionibus explicandis minus sit adaequata, alias hic circumspicere oportet. Equum animal esse admodum docile, omnium seculorum experientia, constansque historiae naturalis Scriptorum iamdudum docuit fides; Docilitas naturalem, habitus, actuum vniformium, saepius repetitorum ope acquirendi dispositionem; dispositio vero ista idearum reproducendarum facilitatem, vel, quod idem est, viuacem imaginationem, ipsa denique imaginatio, idearum sensualium viuacitatem supponit; Iam, vt omnium brutorum,

rum, ita equorum, cognitionem, ideis sensu-
alibus maxime contineri, Pneumatologia docet,
vnde equorum docilitas viuacium admodum in
illis sensationum viuacisque imaginationis, ar-
gumentum simul et effectus est. Haecce sen-
sationum et imaginationis viuacitas causa est,
cur equus, cognitam sibi, multis licet diffici-
lem diuerticulis viam, ipso saepe certior equite
sequatur; quod tam verum esse quam quod ve-
rissimum, si quos vnquam, Islandos certe, cre-
bra docuit experientia, qui vel per incognita
vastorum montium iuga, vel dubias paludum
voragines oberrantes, itineris tramitem, equi
arbitrio, tutius haud raro committere queunt,
et reuera committunt, quam suo. Hinc etiam
est, quod certos tantum sessorum nonnulli equi
patiantur, alios omnes excutiant, vt de Alexan-
dri Magni et Iulii Caesaris equis, nullos, ex-
ceptis possessoribus sessorum passis, Ioustonus *p*),
de Hreggvidi autem Russiae Regis, equo Gaungo
Hrolfs Saga tradit, qui se nec manibus com-
prehendi patiebatur, nec vllum in praelium ses-
sorem portare, nisi victorem futurum praefagi-
ret, voluit; Quibus et similibus equorum actio-
nibus, etiam si, qua personata assentatorum de-
linimenta, qua malefaua fabulandi licentia, va-
ria superstitionum glaucomata obduxerit, quin
illae viuaciori paulo sensationi debeantur sanior
ratio dubium relinquit nullum: Si enim sessor
cognitus

p) de Quadruped. pag. 15.

cognitus sit, repetitus saepius, vniiformi methodo, vsus, rationem continet proximam, cur vnum potius alio equus ferat; Si vero incognitus, tum vnius hominis, vel primum visi, quam alterius aspectum, sensibus equi gratiorem esse, genuinas probabilium: regulas non magis superat, quam quotidiana canum, vni magis, quam alteri, sibi ignoto, infestorum exempla, imo obuius apud hominem ipsum, in partium oppositarum, licet omnino incognitarum, vnam, prae altera, fauor et studium. Nec minor in aliis equorum actionibus, sensationum et imaginationis elucescit vinacitas; Ex hac enim facile intelligitur, cur tam omnes in genere equos, ob quotidianam sub dio viuendi consuetudinem, quam vnum magis altero equum, ob propriam cuius individuo organorum constitutionem, vel illae aëris mutationes, quae humanorum sensuum subtilitatem fugiunt, viuide satis afficiant. Cum autem praesens quilibet aëris status, per successiuam mutationum praecedentium seriem determinetur, has percipiens equus, futura tempestatem facile praesentit, eiusque metu permotus, receptaculum quaerit. Haec omnia Veteres, cum quotidie fieri viderent, ast rationem eorum naturalem ignorarent, singulari equos ratione, singulari praesagiendi et diuinandi facultate gaudere, perfunctorie creduli sibi persuaserunt: Hinc foecunda superstitionum mater ignoratio, debitos occultiori causarum Physicarum

rum influxui, qua mirata, qua immediatae conficii Numinis, nescio cuius, actioni, adscribens effectus, non amor soli equorum immoderato, sed religiosae quoque eorum venerationi, in sacris illis et solennibus, quae plurimi orbis populi ab equis duxerunt, auspiciis, imprimis conspicuae, dedit originem.

§. IX.

Equina haecce auspicia et sortilegia, Germanis in genere Tacitus, Rugianis Saxo et Cranzius, apud Keyslerum *q)*, Obotritis vero Dittmarus Merseburgensis, et, qui Tacitum exscripsit Adamus Bremensis, Masio *r)* laudati, adscribunt. Eadem etiam reliquis Septentrionis populis in usu fuisse, praeter communes cum Germanis, imprimis qua mare Balthicum spectant, et vetustis Septentrionalibus mores, suadere videtur immodicus ille equorum in Septentrione nostro amor, qui tanto latiore superstitionibus, circa eos, aperuisse censendus est campum, quo certius est, gentes idolorum cultui deditas, ea imprimis vel Diis consecrasse, vel divinis mactasse honoribus, vel usus denique sacro addidisse, quibus maximum caetera statuere pretium solebant. Quin et, priscos Septentrionales, et in his Noruegos, auspicia ab equis ducta non ignorasse, argumento sunt veteres Islandi, horum posterius, quos singularem equis rationis gradum,

q) Antiquit. Sept. pag. 323. 324.

r) Masii Antiquit. Mekleburg. p. 139. 141.

dum, et diuinandi facultatem adscripsisse, Scriptores antiqui extra dubium ponunt: Exemplum praebet, Hrafnketilli, ob deuotum Freyo animum *Freysgoda* dicti, equus, a Freyi, cui sacer erat, nomine, *Freysfaxi* vocatus, quem, prohibita sub capitis poena equitatione ab opilione vexatum, relictis quae sequi solebat equitiis, effuso domum cursu statim petiisse, et illatam sibi vim hinnitu domino significasse, Hrafnkels Saga tradit: Quae etiam si causis naturalibus melius forte adscriberet, qui laborem veliementiorem et insolitum, furoris quandam speciem equo induxisse coniiceret, praesentem tamen eius rationem Hrafnketillum inde agnouisse, in quae ad equi, ita affecti conspectum erupit, testantur verba: „illa thikir mer, at thu ert „sua tilgerr föstri minn, enn heima haf- „dir thu vit thitt, er thu sagdir mer til, ok „skal thessa hefnt verda, ok far thu til lids „thins, i. e. *Male quidem me habet, te, alumne, dure adeo esse tractatum, tuam autem te, quod me de hac re certiore facere non omisisti, rationem haud destituisse gaudeo, hinc de secutura ultione nil dubitans, gregem tuum repete.* Clarius est Asmundi, de equa Kingala, tempestatum praefaga, testimonium s): „Hvísso á ek „bleykalótta er ek kalla Keingála, hon er „sua vífs at om vedráttu ok vatnagáng, at „that man alldrig brefta, at thá man hrid „eptir

s) Grettis Saga cap. 16.

„eptir koma, ef hun vill eigi á Jörd gán-
 „ga,, i. e. *Equam, ex flauo et fusto mixti co-*
loris possideo,, quam Keingalam appello, haec de
aëris temperie et pluuiis adeo certa est, ut, si
sub dio pasci nolit; tempestas indubio euentu
sit secutura. Denique nescio, an et huc Sel-
 thoreri exemplum traham, qui nullum aliud
 habitaculo in Islandia constituendo eligere lo-
 cum voluit, quam in quo equa eius Skálm, lon-
 gioris itineris et oneris impatiens, requiem quae-
 siuit, docente Libro Origg. Island 1): „Herdys
 „ok thorrir forð om varit or Grímsey; ok
 „vestr yfir heidi til Breiðafjardar; Skálm
 „geck fyrir allt fumarit, ok lagðizt alldrig;
 „annann vetr varo þau á Skálmarnesi í
 „Breiðafirði, enn um fumarit færo þau
 „fúthr, þá geck enn Skálm fyrir, þar til
 „er þau kómu fúthr af heidinni til Bor-
 „garfjardar, þar sem sandmælur tveir rau-
 „dir varo, þá lagðiz Skálm undir klifiom,
 „undir hinom yðra melnom, þar nam
 „thorer land,, i. e. *Vere sequenti Herdise et*
Thorerus, Grímseya relicta, versus Occidentem
progressi, montibus peragratis in sinum Breiða-
fjordensem venerunt; Skálma, tota aestate, iter
facientibus praeeibat, nec tamen unquam cubando
requiem quaesivit. Altera hyeme, Skálmarnæ-
 fæ, in sinu Breiðafjordensi substitere; sequenti

autem

(1) Eib. II. cap. 15. pag. 34.

autem aestate, cursum versus meridiem vertentibus, Skalmia denuo praeibat, usque dum ad australe montis latus, qua suum Borgfiordensem spectat, deuenirent; Erant colliculi duo, arena rubente obducti, sub quorum uno, qui austro propior, cum Skalma sub onere decumberet, Thorerus locum illum habitaculo ponendo elegit: nisi quis haec forte hominis submarini vaticinio, qui singula ita euentura praedixerat, adscribenda putet, cui ego, modo praesagii, equae huic proprii, opinib. penitus non excludatur, non magnopere refragor. Quicquid sit, quae adduxi testimonia, veteres etiam Islandos auspicia, quamuis haud eodem, quo apud externos, solennitatum apparatu ornata, ab equis fuisse probant.

SECTIO III.

RATIONES EQVINI AMORIS A RELIGIONE ETHNICA DVCTAE.

§. X.

Ad usum equorum sacrum ducta ab eis auspicia pertinent, quorum ortum ex viuaci eorum sensatione supra deduxi, quam ideo, tanquam naturalem superstitionum equinarum rationem, hic quoque in subsidium vocare nullus dubito. Accedit varia equorum in

in vita communi utilitas, quam et vicariam superstitionibus hisce stabiliendis operam praestitisse, eo mihi magis persuadeo, quo certius est, Ethnicos, ea inprimis vel sacris usibus adhibuisse, vel diuinis mactasse honoribus, quae vitae humanae proficua cognouerunt et utilia. Plures tamen ad usum equorum in Septentrione facrum concurrisse rationes, est credibile: Has meditati in mentem veniunt Rhodii, Spartani, Massagetae, Aethiopes; Arimnei, Persae (quibus tamen hunc cultum non religiosum, sed civilem tantum fuisse, inagno nisu adstruere conatur Thomas Hyde^{u)}: et Iudaei, quos Soli equos consecrasse, antiquorum Scriptorum testimoniiis probavit Bochartus^{x)}; nec non Indi Occidentales, Soli orituro instructis curribus obuiam ire soliti, quorum omnium exempla declarant, superstitionem hancce in Oriente natam, per subsequentes gentium migrationes longe lateque postea esse propagatam. Chrysostomus apud Cyprianum^{y)}, Eliae, equis igneis in coelum sublatis historiam, Pictoribus et Poëtis primam dedisse occasionem putat, ut Soli vel pingendo, vel describendo currus equosque iungerent, atque hinc gentes harum superstitionum occasionem sumissee; quae origo,

H 2

quamuis

^{u)} in Hist. Relig. veter. Persarum Cap. 4. pag. 120.
122 et alibi.

^{x)} Hierozoic. Lib. II. cap. 10. pag. 176.

^{y)} Hister. Animal. Tom. I. pag. 634.

quāuis ingeniosior quibusdam quam solidior, ideo forte videri posset, quod vix concipi posse putent, qui translati in coelos Eliae notitia, ad tot gentes, longius a se inuicem distitas, nec a se inuicem ortas, sit propagata; qui eundem illa apud singulas produxerit effectum; et qui, denique vna alterius hac in re instituta assumserit; falsi tamen aperte conuinci nequit, quādiu sacrorum Soli equorum, Eliae temporibus antiquius exemplum nullum, nullum testimonium adfertur; Praeterea communem nonnullis harum gentium originem, vix credo historiarum periti negabunt, quāquam intuitu, propagatae huius superstitionis ratio eadem quae generis est; quae vero earum diuersae sunt originis, quin commercia cum reliquis exercuerint, nil credere prohibet; has illarum exemplo superstitionem hancce stabiliuisse; probabile efficit Iudaeorum historia, qui vicinarum gentium idolatriam commercio mediante saepius assumserat. Nec omnino dissentiunt auctores antiqui, quorum nullus superstitionem hanc eiusdem omnibus in populis antiquitatis fuisse unquam asseruit.

§. XI.

Quae etiam si ita sunt, melius tamen, fortasse iunctorum Soli equorum causa, antiquorum, quibus veritates abstrusiores et dogmata religionis, ad res sensui magis obuias, et ex usu quotidiano notiores, reducere solenne fuit, imaginationi ad-

scribitur; Hoc si rem modo concipiamus, rotunditas corporis solaris, in sensus incurrens, rotatæ, et huic associatam currus ideam genuit, motus autem Solis apparens, equorum, instrumenti quippe, quo tales machinae loco moveri solebant, ordinarii, repræsentationem associavit: Unde currus Solis atque equi, non aliter considerandi sunt ac symbola hieroglyphica, quibus suas de Sole opiniones antiqui expresserunt: Nec aliam maiorum nostrorum hac de re fuisse opinionem, declarant, quae Edda, 2) ad nos transiit, equorum Solis nomina, quorum prior *Alsvidr*, sine *omnisapientis* vel *bene moratus*, adstrictum certis legibus, et statis in se temporibus redeuntem Solis cursum, posterior *Arvahr* i. e. *matutinus* vel *alacer*, motum eius concitatum omnisque nescium quietis iunxit: Quamprimum igitur Sol, ob utilitatem et splendorem, quem Vniuerso adfert, diuino coepit honore coli, equos etiam et currus, in solennem sacrorum externorum usum Veteres introducere, vel tanquam symbola Soli designando aptissima, vel ad maiorem ritibus sacris ornatum pompam et apparatus conciliandum, cuius eos studiosissimos fuisse nemo ignorat: iuuat hancce opinionem, ipsa Astrologiae et Astronomiae, apud antiquissimos Chaldaeos, aliosque Orientis populos, historia, et, quae corpora coelestia spectat idololatriæ, ex utraque origo, quam Celeb. Thomae Hyde ver-

H 3

bis,

2) Mytholog. 9.

bis a), ad rem praesentem paulum mutatis, hic subnectere liceat: Cum corpora coelestia etiam nimis diffita essent, et aliquando quoque abessent sub terra, occumbentia et delitescantia, consilium duxerunt, certis his res tribuere, de eorum virtute participes, quae nunquam abessent, sed semper cum eis praesentes, ut eas perpetuo nocte dieque adire possent; cumque illorum temporum Astrologi, quasvis res alicui planetae appropriare solerent, eam imprimis rem elegere, quae tali planetae esset propria et peculiaris. Et distinctius adhuc infra b): Arabibus (quibus Chaldaei et Scythae addi possunt) et aliis pastorem vitam agentibus et in agris degentibus, primum erat inter pecudes et stellas collationem instituere, et inde rei pastoralis accommodata nomina stellis (corporibus coelestibus) imponere, praesertim cum ab eorundem influenza censeretur pendere fertilitatis et foeturae omen; Hanc itaque pecuariam constellationem, et pecudum figuras, sub proprio planeta efficitas, colebant, (quidni eiusdem planetae sacris associabant) quippe quae hominibus essent propiores. Quae omnia, quem supra tetigi, repraesentativum et symbolicum cultum maxime confirmant, cum ipsa idololatriae coelestis origo alia haud facile rudiori antiquitati suggerere ratiocinia posset.

§. XII.

a) Hist. Relig. Persarum Cap. 5. p. 129.

b) loc. cit. p. 131.

§. XII.

Solem priscos Boreales coluisse in confesso est: Eosdem Soli equos tribuisse adducta Eddae auctoritas probat: Vnde si quis Solem sub Odini nomine cultum fuisse cum Keenhielmio c) statuat, rationem, cur Mythographi nostri Odino equos tribuerint, facile reddet. Ast cum reliquos Odini socios, quos tamen nec sub Solis nomine olim cultos fuisse, nec antiquum Solis cultum sibi arrogasse scimus, suis etiam equis conspectuos Ethnica Veterum Theologia producat, vereor ne hancce rationem, opinionibus, quae species plus quam certitudinis habent, oculatiores Critici annumerent, nisi forte iis, non ipsorum, sed Principis eorum Odini intuitu, equos Veteres tribuisse regeras, quod, cum aequè sit probatur difficile, nodum magis secare, quam soluere est existimandum.

§. XIII.

Haec ut euitemus dubia suadet, quae se planior multo equorum, sacris in Septentrione usibus adhibitorum, ratio offert: Insignem equorum apud Tartaros et Scythas antiquos amorem, si quid, certe posterorum exempla indicant, ex quibus Moxios Tartariae populos solenni et constituto quotannis die, equum post aliquot caerimonias corio exuisse, carneque in mensa absumpta, palea impleuisse, et mox erectae arae impositum, ut propitium numen adorasse Ionslo-

H 4

nus

c) Not. in Olafs Sag. cap. 39. pag. 75.

nus *d)* observauit; Tartarorum autem modernorum studium in eo positum Schefferus *e)* notat, ut multos et praestantes habeant equos, quibus ad equitationem et ad victum utantur. Scythas antiquos, equos Marti obtulisse supra (§. 2) probauit: Quae omnia suadent populos hosce, tam ob usum domesticum quam militarem, magno olim equos in pretio habuisse, imo diuini participes fecisse honoris. Iam ut circumiectas Balthico mari Germaniae Prouincias, ita Septentrionem nostrum, ex Tartaria et Scythia, haud minimam incolarum partem accepisse, graues sunt rationes, unde sacri equorum apud Germanos et Boreales usus origo, a Tartarorum et Scytharum moribus, populo sedes mutante propagatis commodissime deducitur. Alios ut taceam, famosus ille Odinus, ex Scythia oriundus, antequam in Septentrionem perueniret, aliquot borealis Germaniae Prouincias, non peragrasset tantum, sed partem quoque eius haud exiguam in suam potestatem redegit traditur; Hunc et socios, vel quod usum equorum sacrum a maioribus acceperint, vel quod rei militari, atque hinc equestri impense essent dediti, maximi equos fecisse, quae de eis supersunt, antiquorum narrationes docent; Vnde cum et socios, qua ingens illud equorum studium et amorem, qua sacrum eorum usum, si non primum

d) de Quadruped. pag. 8.

e) Lapponiae pag. 52.

nium in borealem Germaniam nostrumque Septentrionem inuexisse, certe insigniter auxisse, et ad maiorem superstitionisae venerationis gradum pronexisse, non dubitauerit, qui res ab eis imprimis in Septentrione gestas perpenderit: Etenim primo validissimum equini amoris et cultus argumentum, suis praebuere exemplis, proprios equos impense aestimantes, et quo augustiorem sui remunerationem suarum ideam rudiori populo imprimerent, de eorum origine et virtutibus varia tradentes, quae ridiculis posterorum de eis narrationibus, quas Edda adhuc, symbolicis obductas inuolucris, fernet, huc vero, ne prolixior fiam, non transcribendis, occasionem dedisse videntur. Deinde Odinus ipse, quo vehementius rei militaris et equestris studium Borealibus instillaret, quae ludis equestribus aliisque exercitiis militaribus maxime constaret, beatorum in altera vita felicitatem confluxit, atque hinc, ut arma, ita equos, cum mortuis vna sepeliendos instituit, quibus instructi optatas beatorum sedes expeditiores peterent *f*), et exercitia Valhallae quotidiana, promptiores inagisque conspici obirent *g*). Si iam Odinum, ut magni Septentrionis non Monarcham tantum, sed et Deum consideremus, adaequatam maxime superstitionisae equorum venerationis rationem, eius qua exemplum qua instituta praebent, quorum

H 5

cum

f) Barthol. Antiquit. Lib. II. cap. 8. pag. 409.

g) ibid. cap. 13. pag. 564.

cum Boreales semper essent tenacissimi, gratius Diis, sacrisque adeo apud eos visibus aptius cogitari animal non potuit, quam quod Dii ipsi, inter mortales degentes, tenerrimo affectu amaverant, cui pretium maximum statuerant, et cuius denique nobilissimus olim in eorum post fata contubernio futurus erat usus.

§. XIV.

Hæc rationes, cur ut Prussi, Franci, Alemanni, ita Dani, Noruegi *h)* et Sueci *i)* equos Diis immolarent: Hæc rationes cur equi Diis consecrarentur, et a laboribus exempti, insigni religione servarentur, qualis equi exemplum ministrat Hrafnkels Saga *k)*: „Hrafnkell átti thann „grip í eigo sinni, er hanom thótti betri „enn annar, that var hestr bleikalottr at „lit, er hann Kalladi Freyfaxa, hann gaf „Frey vin sinom thenna hest hálfann; a „thessom hesti hafði hann fva mikla elsko, „at hann strengdi thess heit, at hann skyldi „theim manni at banna verða, er theim hesti „ríði án hans vilja, „i. e. Hrafnkellus in sua possessione, quod reliquis praeferret, animal habuit, equum nempe coloris ex pallido et fusco mixti, quem Freyfaxum vocauerat, et amico sibi Freyjo dimidium dederat; Hunc equum tanto amore prosequabatur, ut se occisurum voueret,

h) Keysleri Antiqu. Sept. pag. 326. 327.

i) ibid. pag. 338.

k) cap. 2.

ſi quis ſe invito illi inequitaret: Suffragatur Olai Tryggvini Noruegiæ Regis vita l), equorum, quos Thrandi Freyo dicauerant, iniiciens mentionem: „thá fáo hans menn Stóðhrofs „nóckur vid veginn, er their fögdo at „Fréyr ætti, i. e. Tum milites Regii iuxta viam equos viderant, quos Freyrum poſſidere, eique dicatos eſſe dixerunt. Hæc denique rationes ſunt, cur ipſi quoque equi diuinis ſint honoribus maclati, adiuncto cultus diuini, aut ſi maioris obiecto ſecundario, quo propius imaginationi ſubſidium fulcrumque adeſſet, in obiecti primarii, vel paulo remotioris, vel ſenſus omnino fugientis locum, hic, vt ſæpius alias, ſubſtituto: Qua in re nota eſt mulieris Noruegiæ ſtultitia, quæ Olai Sancti vita teſtante, membrum genitale equinum, magna religione ſervatum, domeſtici et tutelaris Numinis habuit loco. Nec ignota Faxabrandi in equum ſuum propenſio, de qua ita Vatnsdalenſium hiſtoria: „Brandr átti heſt fauðottann, er kálladr „var Freyſfaxi, hann var virkr at heſtinom, „ok thotti goðr, var hann ok mætr til allz, „bæði vigs oc annars, oc höfdo menn that „fyrir ſatt, at hann hefði átrunat a Faxe, i. e. Brandus jubaæ diſcoloris equum poſſidebat, qui Freyſfaxi vocabatur, hunc, quod tam in certaminibus equeſtribus, quam aliis negotiis, egregium ei præſtaret uſum, ſtudioſe curauit,

l) ed. Isl. Lib. II. cap. 49. pag. 191.

*et impense aestimavit, adeo ut omnes pro vero haberent, eum diuino equum honore colere. Quae si rite attendantur, immodicum equorum apud Septentrionales, adhuc Ethnicos, amorem, ut Religionis ethnicae effectum, apud eosdem vero, Christianis sacris imbutos, ut Ethnici-
smi, et superstitionis auitae reliquias, merito etiam agnoscimus.*

§. XV.

Esus equinae carnis quod aliquam sibi, tam sacrarum quam oeconomicarum amoris equini causarum vindicet partem, medio inter eas loco aptissime ponitur, atque hinc ut sacris subiungi, ita oeconomicarum agmen ducere merito debet. Quinam antiquior sit, sacer an domesticus siue vulgaris equinae carnis esus, nec clare adeo constat, nec nostra multum refert, vulgarem tamen idgo antiquiorem puto, quod omnis fere rerum sacer apud Veteres usus, domesticum supponat. Sed iam ad rem ipsam: Hic primo loco obseruandum, inter aliorum animalium carnes, quae in comestationibus, siue conuiuiis sacris, post peracta sacrificia, ad delnbra idolorum, et in eorum veluti conspectu, ab universo populo celebrari solitis, comedebantur, equinas imprimis priscos Boreales adhibuisse. De Norregis testimonium maxime luculentum praebet, tam epularum apud eos sacrarum descriptio,
post

post Sturlæum *m*), a Keyslero *n*) adornata; quam Thrandorum in Regem Hakonem carne equina, his in conviviis, vesci recusantem, iræ, et ingens denique illa animorum contentio, qua eundem, sub Regni, imo vitæ dispendio, ad esum carnis equinae a subditis coactum, praeter Olai Tryggvini vitam *o*), idem Sturlæus *p*), et ex eo Keyslerus *q*) memoriae prodidere; Vnde praecipuam epularum sacrarum partem equinam carnem constituisse, nec illarum perfecte participem, plenoque sacri conviviae nomine dignum eos censuisse, qui hanc escam abneret, facile videntur. Nec minus in epulis Sueonum sacris, equinae carni constituisse pretium, indicio est Sveno Sueciae Rex, Islandis *Blót-Sveinn* dictus, quem, inactato et ad esum distributo equo, plenam adeo sacrorum gentilium per se restaurandorum fidem Suconibus fecisse, ex Hervarar Saga Keyslerus *r*) annotavit; ut alia haud postularent argumenta.

§. XVI.

Rationes cur oblatores Diis equorum carnem, maiores nostri, post peracta sacrificia, etiam comederint, eadem procul dubio sunt quae

m) in vita Haconis Adalst. cap. 16. ed. Suec. Tom. I. pag. 141.

n) Antiquit. Septentr. et Celtic. pag. 330.

o) Edit. Isl. Lib. I. cap. 22. pag. 21. 22.

p) loc. cit. cap. 18. pag. 145. cap. 19. pag. 146.

q) loc. cit. pag. 335. 336. 337.

r) ibid. pag. 338.

quae epularum sacrarum; quas apud plerosque orbis populos sacrificiorum appendices fuisse notissimum est; de harum autem ratione et origine, haud eadem forte omnium erit sententia. Apud Iudaeos, ex ipsius Dei instituto, certae oblatorum animantium partes, sacerdotum destinatae sustentationi, ab iis in locis sacris, in conspectu, ut ita dicam, Dei comedebantur. *Ad horum exemplum et imitationem, gentiles sacras suas epulas instituisse* Stuckius putat s); quod etsi de Ethnicis, qui, vel commerciorum familiaritate, vel terrarum propinquitate Iudaeis magis coniuncti erant, concedi fortasse posset, attamen ut idem de omnibus reliquis gentibus credamus multa prohibent. Cum enim epulae sacrificales, siue solennis oblatoium Diis animantium esus, res sit, omnium fere antiqui orbis Ethnicorum, ab ultimis retro temporibus recepta consuetudine, haud vero est simile, Iudaicae gentis, caeterarum respectu parvae, et sacrorum in ea institutioium, notitiam, ad remotas adeo orbis partes tam cito esse propagatam, et adhuc absouum magis, Ethnicos, rerum splendore florentissimos, abiectae et contentae Iudaeorum gentis mores, si vel maxime cognovissent, in rebus tanti momenti, quanti sacra fuisse est exploratissimum, in exemplum sibi proponere atque imitari voluisse. Praeterea si ritus hosce, ad antiquos Europae, Asiae atque Africae populos,

s) Antiquit. Conuiv. Lib. I. cap. 32. pag. 190.

populos, terrestri commercio propagari potuisse; pertinaces vrgeant, perpendendum est, non his solum, sed Americae quoque incolis epulas sacrificales in usu fuisse ¹⁾, quos tamen Indaeorum nomen, nedum ritus fando olim audiisse, quae solide probent non video.

§. XVII.

Huic igitur rationi, nimis quippe speciali, aliae magis generales merito videntur substituendae; quo respectu mihi inprimis probantur haecce Athenaci apud eundem Stuckium ²⁾ verba: *Antiqui, cum Deos humana specie atque formâ praeditos esse statuerent, his ea quae in festis sunt accommodarunt*: Erant scilicet veteres Ethnici, ob intellectus humani imbecillitatem, in rerum diuinarum doctrina, ad ideas materiales et anthropomorphismum pronissimi, tales fingentes Deos, qui praeter alias actiones satis ridiculas, imo scelestas plane, crebra, tam se cum iuicem, quam cum hominibus celebrarent conuiuia, qualibus opinionum portentis, an obscura Angelicorum, apud patriarchas priuinaeuos, hospitiorum notitia, posterorum traditione deprauata, faciem etiam praetulerit, iam non disquiram. Nil igitur mirum, Veteres

¹⁾ Anton. de Solis Noua Hisp. occup. Lib. III. cap. 3. Vers. Dan. Tom. I. p. 332. Allgemeine Geschichte, von America I Th. pag. 38 seq. II Th. pag. 49. 50.

²⁾ loc. cit. pag. 198.

convivia sacrificiis attexuisse, et animalium Diis oblatorum, iam sanguinem, iam carnes, in loco sacro comedisse, eo quod, ut de Zabias, apud Spencerum x). Maimonides loquitur, existimarent, cibum hunc esse Daemonum, et quod is, qui eum comedit, hac ratione communicationem aliquam cum Daemonibus acquirat; hoc, praeterea rati, medio amicitiam, fraternitatem et familiaritatem inter ipsos contrahi, quia omnes in una mensa edunt, et uno confectis accumbunt; Sic quippe simillimos se, atque adeo gratissimos Diis cultores futuros putantes, si solerines sacrorum ritus, ipsas Deorum actiones, ipsum, ut ita loqui liceat vitae genus, referrent. Erant itaque (Stuckii de epularum apud Iudaeos sacrarum causis verba y), paulum mutata transcribo). epulae haecce sacrificales ad mutuam Deorum hominumque communionem designandam perquam accommodatae, - nam cum aliquā semper necessitudo sit inter communi mensa utentes, Ethnici, ad Deorum cum populo familiaritatem consuetudinemque arctissimam testificandam, oblata Diis cibaria comederunt, ut ostenderent, se quasi communem cum Diis suis habere mensam, eosque suos convivas perpetuos esse, atque ita familiariter secum habitare; vicissim etiam eos sibi bene velle facere, a quibus adeo amanter ad-

com-

x) De leg. Hebr. ed. Tub. 1732. Tom. I. Lib. II.

Cap. 15. Sect. I. pag. 377.

y) loc. cit. pag. 186.

communem mensam inuitarentur: quae ad sacras Ethnicorum epulas eo certior transfero, cum ipsum gentium Apostolum Paulum, idem *κοινωνικός*, siue *communio*nis vocabulum, de sacris Ethnicorum conuiuiis, quod de sacrae Coenae participibus adhibentem, similes omnino rationes respexisse, fat superque Spencerus 2) probauerit.

§. XVIII.

Idem de priscis Septentrionalibus dicendum: Etenim hi quoque beatam Deorum vitam humano viuendi generi accommodarunt, crebras Deorum epulas somniantes, inter quas famosissimum illud Odini et Diuorum iuxta ac Deorum omnium, apud Aegerum conuiuium, in Oda Eddae Sæmundi Lokasenna descriptum, facile primas tenet. Horum nonnulli (vt de Thoro, Gudbrandi Dalensis Numine familiari Sturlaeus a) memoriae prodidit) quotidiana Deastris suis cibaria apposuerunt; „*fiórar leifar* „*brauds ero hanom færðar hvern dag,* „*oc thar vid Slátr* „ i. e. *Quatuor panis plantentae, cum opsoniis carniū ei quotidie apponuntur*: quae ab iis consumi, iisque pro victu esse credita monstrant, quae sequuntur Olai Regis ad populum verba b): „*Enn nu megít ther* „*fiá,*

2) Dissert. in Act. XV. v. 20, inprimis Cap. 2. Sect. I. Lib. cit. Tom. I. pag. 692.

a) in Vita Olai Sancti ed. Su. c. 118. Tom. I. p. 566.

b) loc. cit. cap. 119. pag. 569.

„fiá, hvat gud ydar mátti, er ther bárut
 „a gull oc Silfr mat oc vístir, oc fáot ther
 „nu, hvérjar vættir thefs haufdo neitt, mys
 „oc ormar ethlar oc pöddor,, i. e. *Nec vos
 amplius latere potest, quam exigua sit idoli il-
 lius vis, cui tantas opes ex auro et argento im-
 pendistis, et dapes apposuistis, nunc enim vide-
 tis quae his monstra sunt pasta, mures nimirum,
 vermes atque lacertae.* Quae cum ita sunt, con-
 viuia apud maiores nostros sacra, communio-
 nis et interioris cum Diis familiaritatis, qua in-
 dicia fuisse qua media quis quaeso dubitet? Hi
 denique talem beatarum post mortem anima-
 rum, qui conuictu Deorum in epulis et conui-
 viis inprimis posito, constaret, credebant fla-
 tum, cuius si typum et schema repraesentati-
 vum, sacras hasce Ethnicorum epulas fuisse di-
 xeris, non dissentio.

§. XIX.

Sunt qui cum his, quae a dogmatibus Reli-
 gionis Ethnicae ducuntur, rationibus, *politicas*
 coniungunt, epulas hasce sacrificales, ideo in-
 stitutas putantes, ut hoc sacri conuietus vinculo,
 tranquillitas publica firmaretur; quo sensu
 Stuckius^{c)}, epulas, quae apud Iudaeos in Ve-
 teri Testamento sacrificiorum fuerunt appen-
 dices, ut ad Dei cum hominibus, ita, ad
*homines inter ipsos communitatem par-
 tim tuendam, partim testificandam, spectasse,*

nec

c) l. c. cap. 3. p. 10. 1

nec aliud sibi voluisse arbitratur, nisi ut *mutua inter ipsos* (homines) *pax, concordia atque amicitia tanto facilius conseruari posset.* Ast et haec cum veterum Borealium institutis amice fatis conspirant, apud quos mutuis alternisque amicos conuiujs excipi, mos erat, taliaque conuiuia, qua societatis, qua amicitiae, vincula putabantur et iudicia, vnde *Vina-bod* i. e. amica conuiuia, communi sermone vocabantur, quibus denique, vel illas societatum et foederum species, quas sanctissime seruandas heroica postulauit religio, *Heitstrengingar* vocatas, inter conuiuandum inire solenne fuit. Ad quae si conuiuia et compotationes dissidijs spargendis, quam concordiae firmandae aptiores fuisse obicias: respondeo: Si de facto quaestio est, multis equidem ebriorum, apud Septentrionales, conuiuarum dicteria, originem dedisse fateor irrimicitijs: Ast contra aequae exploratum, rebus per se maxime innocuis, imo optimis, humanam saepius abuti intemperantiam, quarum tamen verum vsum ideo cessare, nemo sanus dixerit: Quin non dubito affirmare, conuiuia, ex Antiquorum institutis, concordiae firmandae et conseruandae, multo magis fuisse accommodata, quam aliud quodlibet domesticae consuetudinis contubernium; priuatorum enim conuiuiorum sanctitatem munivit pax illa domestica, *Husfridr* antiquis dicta, qua duplum cuiuslibet patrifamilias, domi suae, ius,

duplo maior securitas afferebatur et immunitas *d.*); Vnde qui hanc sine iusta causa turbavit, ipso sese facto pacis publicae fecit exsortem, et communi reliquorum conuiuarum vindictae obnoxium; quae mala perturbatori certo subeunda, pacis seruandae satis sufficientes omnibus merito videri debuerunt causae. Quae solennia fuere conuiuia et sacra, magis adhuc extra omne turbarum et tumultuum periculum posuit pax illa sacra; *Ve* Antiquis dicta, quae omni iniuriae et laesioni capitalem poenam indixit, et coniuncto foedissimae infamiae nomine *Vargr & veom* (quasi inter sacra lupum dixeris) ab omni honestorum societate et commercio, ipso facto, violentem excludebat. Iam notissimum est, priscos Septentrionales honoris, existimationis et bonae famae fuisse studiosissimos, religionis autem amantissimos, contra infamiae et Atheismi crimina, summo odio fuisse persecutos, vnde cordatiorum vllum eo Aultitiae procedere voluisse, ut tanto se dedecori, temere submitteret, praesumi facile non potuit.

§. XX.

Caeterum, etiamsi haecce epularum sacrificium causae, ipsi naturae et gentium institutis haud male conueniant, propiorem tamen ex ipsa

d) Jonsbok Tit. Mannhelgi cap. 19. pag. 94. 95. ed. Hol. 1707.

ipsa sacrificiorum historia, harum peti rationem posse arbitror; sequenti fere modo: Antequam animalium carnes ad victum quotidianum et sacrificia, communis adhibuit assumptaque consuetudo, maximam sacrificiorum partem, herbis, frumento, aliisque terrae fructibus, quae et praecipua tunc temporis cibi vulgaris fuit pars, conslitisse, praeter alia testimonia, et ipsam naturae simplicitatem, seruatae quibusdam Americae incolis panis potuumque oblationes docent ^e); Hinc cum omnium seculorum Ethnici, easdem res, a prima inde sacrificiorum origine, sacrificiis, quas victui quotidiano, materiam praebuisse cognoscerent, auitae consuetudinis imitatio nil suggerere prius facile potuit, quam ut, quae Numini obtulere, comederent, quemadmodum maiores eorum, quae domi quotidie comedere solebant, Numini obtulerant. Postquam vero animalium in sacrificiis usus inualuit, res hic magis est expedita; nam integrum animal vel comburere vel Diis offerre moris tunc non fuit; iam, quod de sacrificio reliquum erat, feris deuorandum palam proiici, religionis vetuit honor; in terra autem defodi, ipsi naturae et vsui rerum repugnauit; vnde nullus his sacrificiorum reliquiis rite vtendi modus superfuit, quam ut eas comederent, idque in loco sacro, cum illae ipsae iam pridem sacro vsui essent destinatae.

I 3

SE-

^e) Allgemeine Geschichte von America Tom. I. pag. 161. 163. 165. 340.

SECTIO IV.

RATIONES EQVINI AMORIS
OECONOMICAE.

§. XXI.

Inter rationes equini amoris Oeconomicas, esus equinae carnis vulgaris vel domesticus haud immerito agmen ducit: Nam inter illas, quibus antiqui Septentrionis incolæ, imprimis Islandi olim sustentabantur, alimentorum species, caro equina, non tantum si quantitatis habeatur ratio, praecipuam sibi vindicavit partem, sed et, si ciborum qualitas spectetur, gratissimis apud eos mensarum deliciis quondam fuit annumerata; vnde necessario consequitur, insigne equis apud eos pretium statui debuisse, quomodo res, quae maximae regionis cuiusvis parti victum praebent, magni semper ab incolis habendas physica postulat necessitas. De hoc autem equinae carnis esu agenti, praeter exempla supra (§. 13) adducta, occurrunt Tartarorum modernorum, ex lacte equino potum, qui valde pinguefacit, parantium, et quorundam Scythiae minoris incolarum, quibus praeter carnem equinam, facti ex lacte equino casei, quotidiani alimenti loco fuerunt, exempla, Gesnero *f*) notata, quibus Ionst-

nus

f) Hist. Animal. Vers. Germ. Foreri p. 137. b.

nus g) Sarmatas iungit et Germanos, apud quos, tempore Pauli Tertii Romanorum Pontificis, esum carnis equinae abrogatum, addit; certo et euidenti argumento carnis equinae esum Scythis antiquis fuisse vsitatum, et eorum posteros Tartaros Scythasque modernos, hunc a maioribus suis, antiquissimis nempe Scythis accepisse, qui et hancce consuetudinem, non in Germaniam tantum introduxerunt, sed ad populos quoque Septentrionales propagarunt, apud quos esum carnis equinae domesticum, vniuersalem quondam factum esse, quae alii iamdudum obseruare, antiquorum auctorum testimonia, hic non repetenda, satis probant: Vnde, post Brynjolfum h), iure miratur Keyslerus i), cur Saxo k) milites, *per summam necessitatis indigentiam equos commanducasse* scribat; nisi forte significare voluerit, nullos, si equos, quibus ad usum belli tum carere non poterant, militares, exceperis, exercitui alendo superfuisse cibos, non vero equinam carnem extra usum mensae olim fuisse. Huncce carnis equinae esum, cum incolis ipsis, ex Noruegia in Islandiam esse translatum, plurima demonstrant omnis aevi exempla veterumque auctorum testimonia,

g) de Quadruped. p. 17. 18.

h) Not. in Saxone pag. 52.

i) Antiquit. Septentr. p. 332.

k) Lib. I. in Haddingo ed. Sorani. pag. 15.

nia, et in his Vigaskuto Saga 1), Thorbergum Myvatnensem oues, boues atque equas, ad festiuitatem Iolensem maectandas, certum in locum agi curasse, vnamque ex his equam, quam furto ablatam fingeat, a vicino ad esum maectatam, aliis ilico persuadere voluisse, tradens: Hinc etiam est, quod Hromundi Claudii filii, equos patri furto ablatos, quod nusquam deprehendi possent, a furibus, ad esum, vt communis populi consuetudo ferebat, maectatos, statim suspicarentur, quod et euentus dedit testatum m): Hromundi hvorfo Stodrofs fim faman, - varo um that margar getur, hvat af Rossunum mundi vordit: Synir Hromundar kvo, dust ætla, at menn mundo etit hafa“ i.e. *Quem Hromundus amiserat, quinque equorum grex, quo delatus esset, varii varie coniciebant; Hromundi autem filii ab hominibus ad esum maectatos esse augurabantur n)*: Hinc Arnorus Kerlingarney, urgente annonae charitate, ne ex Principum sanctione, pauperes et decrepiti, omni auxilio destituti, fame perirent, conuentu indicto, sanciuir, vt ad sustentationem populi equi maectarentur, donec singulis colonis duo tantum superessent o): „Scu, lom ver thar til leggja allann varn kost, „at

1) cap. 18.

m) Olafs Saga ed. Isl. Lib. II. c. 54. p. 203.

n) conf. Lib. Origg. Isl. Lib. II. cap. 33. p. 82.

o) Olafs Saga Lib. II. cap. 64. pag. 234.

„at veita mönnom lífsbiörg, ok drepa
 „til fædzlo varom frændom, fararskióta
 „vara, helldr enn láta thá fara af fullti,
 „sva at engi bondi skal eptir hafa meira
 „enn tvau Rofs, i. e. *Quae nobis sunt, facultatibus, quin egenis alimenta suppetant, haud parcamus, sed ad cognatorum et amicorum sustentationem, ne fame penitus intereant, equos nostros operarios mactemus, donec duo tantum equorum capita cuilibet colono sint reliqua: Neque hic exceptioni locus; hoc in calu necessitatis factum, communem incolarum consuetudinem non probare; cum annonae caritati non simpliciter imputandum sit, quod equos mactare Amorus iuberet, sed partim, quod, servatam hominum vitam commodis oeconomicis praefereendam ratus, tot mactandos praeciperet, ut superstitibus laboribus rusticis haud sufficerent, partim quod ne operarios quidem equos ab hoc praecepto eximeret, quorum esus Antiquis alias non admodum probabatur, quos, quo gratiores palato carnes essent, equis ad esum mactandis, laborum immunitatem praestitisse, et optima pascua saginandis assignasse, de Thorbiörno Crasso loquens Eyrbyggja Saga confirmat: „Thorarinn átti „víghest godann á fialli; Thorbiörn Digri „átti ok Stóðrofs mörg saman, er hann „let standa í fiallhögum, ok valldi hann „rofs um haust til Slátrs, i. e. *Thorarinus**

præstantem equum Hippomachum in montanis habuit; Thorbiornus Crassus numerosum etiam possedit equorum gregem, in pascuis montanis saginari solitum, a laboribus vero omnino liberum, ex quo equos quovis autumno ad esum maciandos delegit. Nec ut nuda tantum consuetudo, equinae carnis esus apud gentiles Islandos subsistit, sed eum, iuris etiam antiqui auctoritate approbatum innuit Aro Polyhistor p), quo quae spectant verba, Olai Tryggvini Vitae Auctori q) notata, a Keyslero autem r) allata, hic non repeto; Quod vero principem apud Islandos alimentorum partem constituerit equina caro, inde patet, quod Ethnicos, interdicto eius esu, alimenta incolis haud suffectura obii-cientes, huiusce consuetudinis, post Christiana sacra recepta, tolerantiam impetrasse memorata Olai Tryggvini Vita s) tradat: „Thviat their „menn, sem mest hafa gengit mot christni „bodino, koma varla Skilningi á, at that „megi samanfara, at fæda upp börn, thau „er alinn ero, sva fátækra sem ríkra, enn „banna at afneyta til mannfædo theim „lutom, sem ádr varo althydunni hinn „mesti styrkr; thvi sculom vær hafa vart „mál

p) Lib. de Islandia cap. 9. ed. Isl. p. 9.

q) Edit. Isl. Lib. II. pag. 244.

r) loc. cit. p. 333.

s) loc. cit. pag. 244.

„mál um that, at hin forno lög skal hafa
 „úm barna utburd ok hrossakiótsát“ i. e.
Quoniam maximi Religionis Christianae hostes
concupere nequeant, quomodo id consistere
queat, ut omnes, qui nascuntur, pauperum
aeque ac diuitum liberi alantur; eorum autem,
quibus incolae antea maxime sustentabantur,
esus interdicator, ut ex nostra sententia, in-
fantum expositio, et equinae carnis esus, lege
antiqua, subsistat oportet. Quae licet recenti
 adhuc Christiana religione, Islandis essent per-
 missa, eorum tamen cordatiores ab esu equi-
 nae carnis iam tum abhorruisse, praeter con-
 stans apud omnes reliquos Historiae Islandicae
 scriptores, de carnis equinae esu post haec
 tempora silentium, monstrat Skarphedini dicte-
 rium t), qui Thorkillo Hakio, quod intestina
 equina, opilione vidente comedisset, atrocissi-
 mi et maxime infamis flagitii instar obiecit;
 haud secus ac deprehendimus, omnes in genere
 Christianos antiquos, equinae carnis esum, pro
 re, sacris et nomine Christiano maxime indi-
 gna, habuisse; Sic enim Otto Germanorum
 Imperator, vallum Danavirke oppugnans, non
 alia re magis Christiana sacra, a baptisatis vio-
 lari, quam si equos comedant, dixisse fertur u):
 „That er mesta christnispell skyrðom
 „mön-

t) Njáls Saga cap. 113.

u) Olafs Saga ed. Isl. Lib. I. cap. 85. p. 87.

„mönnom at eta rofs.„ Sic et Olaus Tryggvinus, quae apud Keyslerum x) legi possunt verbis, in praelio Suoldrensi, equinae carnis esum, per contemptum Suecis exprobravit y): Nec diffitetur Reenhielmus z), equinae carnis esum Suecis tunc temporis fuisse in usu, sed tantum Regem vituperat, et iniuriae Suecis illatae reum agere tentat, quod eis vitio verteret, quae longe post eius tempora in Islandia imo ipsa Noruegia adhuc subsistebant instituta: Ast etiam si, ipsa praecunte Olai Sancti Vita, non eius tantum tempore, sed et post eius mortem, vnum aut alterum, qui equinam carnem comedit, inter Noruegos inuentum esse, et eandem consuetudinem publicis adhuc Islandorum legibus fuisse permissam, concedam, iure tamen Rex eam Suecis obuertit: Nam primo: Aulicis suis Rex hic Suecos opponit, quibus, utpote Regi, rituum Ethnicorum maximo hosti, semper praesentibus, equinae carnis esum ne ipse quidem tribueret Reenhielmus: Secundo: Si qui Noruegorum, eius tempore, equinam carnem comedere, nec id conniunte, nec conscio, nec probante Rege factum, sed clam, sed furtim, sed ita, ut Regi, quam primum de hisce certior fieri potuit, grauissimas darent poenas: Tertio: Quod post eius tempora, nonnulla

x) loc. cit. pag. 334.

y) Olafs Saga ed. Isl. Lib. II. c. 87. ed. Suec. c. 66.

z) Not. in Olafs Sagam pag. 92.

nulla huius consuetudinis apud Noruegos occurrant exempla, non id negligentiae Olai Regis, sed collapsae iterum, Successorum eius, Erixi et Sveini Comitum, indulgentia, Christianae Religionis *a*), tribuendum est atque imputandum. Nec denique Reephielmium iuvat, cui tunc temporis cum Noruegis res erat, Suecorum Regem, Olavum Skotkonnung, Christianis Sacris fuisse initiatum, et inprimis operam dedisse, ut subditos ad fidem Christianam converteret; Nam Sueci, superstitionis auitae tenaces, ita cum eo sunt pacti, ut quae ei optima videbatur, Sueciae provinciam suo iure teneret, ibique Ecclesiam constitueret, reliquis autem subditis liberum Religionis ethnicae exercitium permitteret; vid. Loccen. Hist. Suec. Lib. II. pag. 54. cui simile in Noruegia exemplum cum Olai Tryggvini tempora ignorent, satis causae habuit, cur Suecos, ob hanc superstitionis Ethnicae *κακοζηλίαν*, vituperaret. Quod autem apud Islandos consuetudo haecce nondum esset abrogata, cui nullum tunc temporis in Islandos ius erat, Noruegiae Regi vitio verti non debet, qui amicis quidem consiliis Islandos ad religionem Christianam suscipiendam adducere, verum ne minimum quidem invitis imperare vel extorquere valens, haec apud eos

a) Vide Snorr. Sturl. Chron. Norueg. in Vita Olai Sancti c. 58. ed. Suec. Tom. I, p. 440.

eos perimitti scire nolens cogebatur: Contra Sueci longe post illa tempora; publico ordinum consensu, ut Religionem ethnicam, ita carnis equinae esum probarunt ^{b)}: Igitur quae apud Snecos palam et de iure fiebant, apud suos autem sub capitis poena prohibuerat, iure illis vitio vertit. Sub finem moneo, equinae carnis esum, Olai Sancti Noruegiae Regis suasu ex legibus Islandorum penitus esse sublatum ^{c)}.

§. XXII.

De equorum in alimentis populo praestandis usu haecenus egi: At et reliqua Oeconomiae et vitae apud Islandos domesticae ratio, nova equini amoris argumenta suggerit: Ora tantum Islandiae maritima Oceano patet; navigiorum autem usus ad quasdam tantum eius partes est adstrictus: res vero victui et usibus domesticis inseruituras, ad loca longius disita transuchere saepius est necesse, quae, deficiente navium, quae tantis oneribus ferendis aptae, maiorum copia, cum maritimo aduehi nequeant, terrestri itinere, solo equorum beneficio apportantur. Ad haec omnia alia Islandorum itinera equis fiunt; Islandiam, terram quippe montosam, fluvii pluri-

^{b)} Vide Hervarar Sagam apud Keyslerum loc. cit. p. 338. et Verelii in eam notas p. 55.

^{c)} Snorro Sturlaeus in Vita Olai Sancti edit. Succ. Tom. I. p. 436. 440. 601. Torfaci Histor. Norueg. Tom. III. pag. 63. 122.

rimi diuidunt, quorum nullus, si vnum aut alterum exceperis, ponte iungitur, paucissimi autem nauigia et portitorum vsum admittunt; hos transiturum equitem, equo, saepius vel natanti, salutem committere oportet, qui si officium non faciat, de vita esse periclitandum, deploranda multorum; qui tam sua, quam inepti equi culpa, aquis hisce merfi, misere periere, docent exempla. Vnde non mirum Islandos, animalis huius maxime necessarii, quippe sine quo nec negotia sua peragere, nec commercia cum dissitis exercere; nec conuictus vitae tolerandae suffecturos apportare possent, maximam semper curam tenuisse et amorem. Nec hic consona historicorum antiquorum testimonia desunt: Has enim rationes respexisse traditur Otkillus, duos equos sui inuicem ita amantes, vt vnus altero carere non posset, quod equitando essent aptissimi, valde amans *d*): Has Grimus, Sodulkollam equam ob currendi celeritatem magni faciens *e*): Has Gullthorerus, equum suum studiose curans *f*): Hauknefr hafdi gefit Thori „hest kjnni kióttann, hann var Gautskr „hlaupari, ok var alinn á korni vetr ok Sumar, thessum reid Thorir yfir Thorskafiörd „hvert ed var flod edr fiara, oc var hann „gerfimi

d) Níls Saga cap. 46.

e) Grettis Saga cap. 49.

f) Gullthoris Saga cap. 19.

„gerfimi mikil“ i. e. *Hauknefus* equum, genas varium *Thorero* dederat, erat is cursor Gothicus, quauis autem hyeme et aestate frumento alebatur; hoc *Thorerus* vectus siue affluxus maris siue refluxus esset, sinum *Thorskafiör* densum perineauit, atque eum ideo rei pretiosae habuit loco. Hanc et laudem certa equorum Islandicorum species in hodiernum usque diem seruat, vt eis vectus, si propria eos incuria non turbet, vel profundissimo se flumini securus satis queat comittere, vnde *Vatnahestar*, quasi equos aquaticos dixeris, vocantur, variis signis externis, (et in his certa, quam sub alis, vel in pectore, pili formant, figura, *Vatnašvipr*, i. e. naturae aquis aptae indicio, dicta,) quorum plurima incerta, imo vana plane et falsa sunt, a reliquis equorum speciebus rusticis nostris dignosci soliti.

§. XXIII.

Tanta equorum utilitas in causa fuit, cur quidam olim, multis equis alendis, ob rei familiaris angustiam impares, paucos tantum, sed optimae notae haberent, ex pullis quaestum facientes: Talium exemplum praebet *Thorsteni Stangarhoggii Vita*: „*Their áttó oc Stódrofs fedgar, oc var that theim hellz, til fiár, er their selldo undan hestana, thviat engir brugduz at reid ne hug,*“ i. e. *Thorsteno* (et patri id imprimis fuit lucro, ut equorum, quos possidebant emissariorum pullos vende-

venderent, qui et ad equitationem, et ad pugnas equestres, aptissimi sunt reperti. Qualis igitur utilitas equorum, quaestus ex iis facti, talis et quaestus ipse, amoris equorum et pretii, inprimis apud homines huic deditos, et inde victum quaerentes, censeri debet causa.



SECTIO V.

RATIONES EQVINI AMORIS
AD EXERCITIA CORPORIS ET
REM MILITAREM SPE-
CTANTES.

§. XXIV.

De rationibus equini amoris a militia ductis, dicturo, immensum, quo in rem militarem, maiores nostri ferebantur, studium succurrit; Vnde facile coniici potest, quicquid generosum prae se animum ferret, quicquid militiae esset utile, magni ab iis ideo fieri debuisse. Intrepidum equorum animum, sacra, non vno loco laudat Scriptura, laudant et historici, exemplorum, ubi se equi strenue defenderunt, et ubi praelia, equitatus beneficio, atque hinc equorum auxilio, confecta sunt, feraces. Equitatus in bellis gerendis robur, utilitas et necessitas omnibus nota, me praecone non eget: Equorum autem qui ipsi se strenue defenderunt specimen hoc loco praebat equus Eyd-
K faxi,

faxi, qui antequam occidi posset, septem vna die viros in Noruegia interfecit g); nec non Viglundi equus, Einari et Iokulli, quo cum magis impune occidere possent, quem sequebatur equarum gregem, in deuia agere tentantium, impetui strenue se opponens h): Hreggvidi Russiae Regis equus, qui in praelio triginta viros occidisse fertur i): fabulose quidem; vero tamen manente, quod nemo temere negare ausit, equos, et animalia esse militiae apta, et haud vltimum militiae robur equis contineri. Populo igitur rei militaris studiosissimo, equestrem, quae eius pars, colere necesse fuit, quae ratio est, cur rei equestris peritia, exercitiis corporis et artibus, militari et generoso viro dignis et necessariis, quas ob speranda inde, qua roboris, qua agilitatis augmenta *Ithrottir* Antiqui vocant, olim sit annuerata; teste, quod supra (§. 4) attuli, Alrici et Erici Sueciae Regum exemplo, qui vt reliquarum artium erant peritissimi, ita summo allaborarunt studio, vt equorum, qua *gressui*, qua *cursui* assuescendorum peritia omnes alios antecellerent; nec non Oda antiqua Rigsthula, varia, quibus se *Kundus* et *Konus* iuvenes assuescere, exercituum genera ita recensente:

„Kundr het einn
 „Konr var hinn yngsti
 „Upp

g) Lib. Orig. Isl. Lib. III. cap. 8. pag. 100.

h) Viglundar Saga cap. 9.

i) Gaungo Hrolfs Saga.

„Upp oxu thar
 „Jarli börnir
 „Hesta tömdu
 „Hlifar bendo
 „Skeyti fköfo
 „Skelfdo afka.

i. e.

Kundus vnus vocabatur,

Konus natu minimus erat

Ibi adolecebant

Comite sati,

Equos domarunt,

Loricar et clypeos apte tractarunt

Tela laeuigarunt

Ligna quassarunt i. e. tremula reddidere

vt arcubus parandis essent apta :

quibus calculos addunt, Haraldus Imperiosus Noruegiae Rex, quas viro Principe dignas callebat, artibus, rei equestris peritiam accensens k):

„Fær er ek hvaft á hesti.,

i. e.

Equo incitato vti calleo.

Et tandem prolixa illa exercitationum equestrum, consilia, et adhortationes, iuuentuti, rei militaris studiosae, a Speculi Regalis auctore commendatae. Iam exercitia corporis necessarium viris magnis olim reputabantur ornamentum, vnde facile apparet, equis etiam, quatenus horum media fuere, magnum apud eos statui pretium debuisse.

K 2

§. XXV.

k) Apud Bartholin. Antiqu. Dan. pag. 156.

§. XXV.

Quo autem hanc rei equestris peritiam, facilius iuuentus hauriret, maiores nostri, a Platonis, qui adolescentes non tantum exercitiis corporis imbuendos consulit *l*); sed et ob equestria certamina maximam equorum curam habendam innuit *m*), institutis non diuersi, certamina siue ludos equestres instituere, ex quibus, cum qua lucrum, qua gloria ad victorem redundaret, dedecus contra victum maneret, ipsa vero victoria, propriis equorum, quibus certabatur, dotibus, maxima ex parte deberetur; aequae praegnans, equorum optima notae studiose alendorum et magni faciendorum, quae honoris et existimationis conseruandae, necessitas, manifeste suggeritur. Horum certaminum prima sunt, in quibus equorum cursu contendebatur: Inter alia Circi maximi spectacula, equorum etiam cursu a Romanis certatum scribit Onuphrius Panuinijs *n*): Graecos in *Pythiis*, quadrigis contendisse, auctor est, apud Pfeifferum *o*), Ouidius; post varias horum ludorum mutationes, equorum cursum additum, in Phocicis Pausanias *p*) memoriae prodidit; in *Isthmiis* vero cursu et quadrigis certatum Pfeifferus ipse

l) De legibus Lib. 7. Opp. Tom. II. pag. 804.

m) loc. cit. pag. 834.

n) De Ludis Circens. Lib. I. cap. 9. Thesaur. Graec. Tom. IX. pag. 83.

o) Antiquit. Graec. Lib. Id. pag. 132.

p) apud eundem loc. cit. pag. 134.

ipse monuit *q*): Imo in omnibus apud Graecos antiquos Circensibus ludis, equorum cursus adhibitus, nec ipsi tantum domini, quorum equi celeritate praestiterant *r*), et foeminae Olympionicae, quae equos pernecitate superantes contulerant, coronis et praemiis ornatae *s*), sed et ipsis equorum, qui cursu vicere, agitatoribus, dominorum loco, praemia sunt distributa *t*). Inprimis tamen, quem ad Circi Romani exemplum, Imperatores Graeci exstruxere, Circus Constantinopolitanus, ab equorum cursu *Hippodromi* nomen, vnde nostri *Padreimr* formare, sortitus, hic notari debet, cum Islandici etiam scriptores, eius mentionem iniecerint, et in his, Erici Boni, Daniae Regis, iter Hierosolymitanum describens *Canutidarnm Historia u*):

„That er sagt at Alexis Girkia Konongr
 „baud Eriki Konongi, hvart hann villdi
 „thiggia af hanom halfa lefð gullz, eda leti
 „hann leika fyrir honom leika thann, er
 „Girkir Kalla Padreimsleik, oc Konongr
 „er vanr at láta leika a Padreimi, í theim
 „stad er sva heitir: oc sögdu ailir at eigi
 „Kostadi Konunginn minna leikinn, enn

K 3

„thetta

q) loc. cit. cap. 52. pag. 141.

r) Petri Fabri Agonisticon Lib. I. cap. 26. The-
 saur. Gronouian. Tom. VIII. pag. 1897. 1898.

s) loc. cit. pag. 1899.

t) loc. cit. cap. 3. pag. 1800. 1801. cap. 18. pag.
 1866. 1867.

u) edit. Hafn. cap. 81. pag. 168.

„thetta gull,, i. e. *Fertur Alexis Graecorum Imperator, Erico optionem dedisse, utrum dimidiam auri lastam *) in honorarium, an ludorum equestrium spectacula, Graecis Hippodromia dicta, sibi mallet exhiberi; quae spectacula in Circo, Hippodromo nominato, edere Rex Graecorum, non minoribus impensis consueverat, quam quae summam auri, Erico oblatam, exaequarent: Placet Sturlaeum x) addere, qui, de ludis in gratiam Sigurdi Hierosolymipetae Noruegiae Regis, ab Alexio Graecorum Imperatore celebratis, agens, talem Circi Constantinopolitani ideam exhibet, unde, quis, tam ipsius, quam editorum in eo spectaculorum, Alexio imperante fuerit status, haud obscure dicet concludere, quique, quae, de horum ludorum natura et indole, vastae aliorum descriptiones a Panuinio y) collectae, notatu maxime digna continent, paucis ita complectitur: „Drottning á halfann leikinn, ok keppast í öllum leikum menn theirra, oc segia Gricker, thá er Keyfari vinnr fleyri leika, á Padreimi, enn Drottning, thá man Keyfari vinna figr ef hann fer herferdir. „that*

*) conf. Du Fresne Glossar. voce *Lasta* Tom. IV. p. 60. Henr. Spelmanni Glossar. voce *Last* et *Lest* pag. 351.

x) in Vita Sigurdi Hierosolymipetae cap. 12. ed. Suec. Tom. II. pag. 244. 245.

y) De Ludis Circensibus Lib. I. cap. 27. Thesaur. Graev. Tom. IX. pag. 245 seqq.

„that segia menn, their er verit hafa í Mi-
 „klagardi, at Padreimr se á tha leid giör um
 „eirn völl, sva til at jafna, sem eitt tun,
 „vidt vel ok kringlott, oc gardr umhver-
 „fis med steinveggjom, oc sitia menn thar
 „á, leikrinn er á vellinom, ero thar fki-
 „put margskonar forn tíðindi, Æfir, Vol-
 „sungar oc Giuckungar, steipt áf kopar
 „oc málm med sva miklom hagleik, at
 „that thykir allt kviktvera, oc synist
 „mönnom, sem their komi i leikinn; er
 „leikrinn settr med sva miklom braugdom
 „oc velom, at sva synizt, sem menn víði
 „á lofti: thar er víð hafdr Skotelldr, Or-
 „gan, Symphon oc Psalterium, hörpur oc
 „gigiur oc allskonar streingleikar, i. e.
Dimidia horum ludorum pars ad Reginam spe-
ctat, unde in omni certamine utriusque partis
homines de palma contendunt; tradunt enim
Graeci, Imperatorem, si pluribus in Hippodro-
mo certaminibus victor euadat, quam Impera-
trix, in bello etiam, ab hostibus, victoriam re-
portaturum. Referunt autem, qui Constanti-
nópoli fuerunt, Hippodromum in plano et spa-
tioso campo esse extructum, rotundae intus fi-
gurae, muro vero lapideo undique cinctum, qui
commoda spectantibus sedilia praebeat, dum ludi
in media campi area repraesentantur: Multae
ibi rerum vetustarum in scenam producuntur
fabulae, utpote de Diis, Volsungis atque Giuc-
kungis,

*kúngis, quorum figurae ex aere et orichalco tanto artificio sunt fusae, ut omnia viuos aemulentur, illique ludendo interessē, et in scenam sponte prodire videantur. Tanta denique solertia peraguntur ludi, ut viuorum hominum cateruas, mediis in nubibus equitantes videre se quis putet; adhibentur et ignes missiles, interstrepunt organis, citharis, et Psalterio soni musici varils. modulaminum generibus temperati, unde spectacula haecce mechanicis artibus facta, apparet. Caeterum quamuis tantum spectaculorum apparatus res Islandorum veterum familiaris non ferret; cursu tamen equorum (more an a Graecis accepto, dubium) apud eos etiam certatum esse, documento sunt Aurni et Thoreri exempla 2): „Aurn sat fyrir Thori, ok ve-
 „diadi vid thori, hvers theirra rofs mundi
 „vera fkiótara; - their rido badir, fudur
 „um kiöl, thar til er their kvamo á fkeid
 „that er fidan er kallat Dufunefs fkeid;
 „enn eigi var minni fkiótleiks munr rofsa,
 „enn Thorir kvamámoti Erni a midio fkei-
 „di; Aurn undi fva illa vid felát sitt, at
 „hann villdi eigi lifa, ok for upp undir
 „fiallit, er nu heitir Arnar fell, oc tindi
 „ser thar fiálfr, i. e. Aurnus se Thorero ob-
 „vium fecit, cumque cierrimum possideret equum,
 „pecunia interposita cum eo contendebat, utrius
 „equus cursu praeualeret; quo facto, iuga me-
 „di-*

2) Lib. Orig. Island. pag. 100.

diterranea ambo una perequitarunt, donec in planitiem, postea Dufunefske id dictam, venirent; Differentia autem celeritatis equorum tanta erat, ut Aurno in medio stadii constituto, Thorerus a meta redux occurreret; quam pecuniae iacturam Aurnus adeo aegre tulit, ut ad montem, Arnarfell postea appellatum ascendens, mortem sibi ipse inferret. Quanta cum, certamina haecce, animorum contentione peragerentur, necesse erat, ut horum causa, equi borealibus adamarerentur et omni cura alerentur, quemadmodum Romanos, optimos equos, Ludis Circensibus adhibendos, studiose curasse a), Graecos autem equis agonalibus, tantum honorem habuisse, ut eos coronarum b), imo, trifolympionicos, sepulturae c), participes facerent, antiquitatum Consulti docent.

§. XXVI.

Plus ad rem praesentem facit altera certaminum equestrium species; Islandis usitatissima, *Hesta-thing, Hesta-at, vel Hesta-vig* dicta, ab Arngrimo autem ita adumbrata d): „*ἡππομαχία* appellare visum est ludorum genus, quo nostrates, equos generosissimos ferocissima pugna inter se committebant, unde alii victi, abibant;

K 5

alii

a) Onuphr. Panvin. de Ludis Circens. Lib. I. cap. 13.

Thesauri Graeviani Tom. IX. pag. 128.

b) Petri Fabri Agonisticon Lib. II, cap. 28. Thesaur. Gronov. Tom. VIII. pag. 2059 seq.

c) loc. cit. pag. 2062.

d) Crymog. Lib. I. cap. 6. ed. Hamburg. pag. 56.

alii occisi, non abibant: Instigabantur autem quilibet a suo Domino vel ductore, et agebantur loris vel bacillis, quo acriorem pugnam cierent; nec alia in his ludis virorum opera fuit, id quod tamen summa animi intentione agebant, adeo ut si quis hic dolo aut mala fraude uteretur, aliam extraordinariam iniuriam, saepe ad arma concursum fit, sed id praeter morem et intentionem ludorum; qui quamvis concipere se posse neget, quis hilce equiriorum ludis finis fuerit propositus, nisi forte victoriae praethium, historicos tamen veteres cum cura legenti, dubium esse nequit, eos, qua ad agilitatis et exercitiorum corporis assuetudinem, qua ad populi oblectamentum, esse institutos. Ad hos alii alios solenni formula pronocare solebant, eo plerumque effectu, ut si se prouocatus, vel in campo obuium sistere, recusaret, vel victus abiret, aduersae partis ludibriis et ignominiae exponeretur, unde viris quibuslibet genere pollementibus et auctoritate, ne contemptui sui et estimationis iacturae daretur locus, ut semper, ubi occasio ferebat, talibus certaminibus essent pares, equos generosos hunc in finem habere necesse fuit: idque eo magis, cum Athletae, vi et iniuria pleni, et alii homines maleuoli, equos, his certaminibus exercitatissimos, alere solerent, eo tantum fine, ut bonis viris, a se ad Hippomachiam prouocatis, sed eorum ope superatis, insultarent: hoc Einari et Iokulli Holmketilli filiorum

filiorum fuit studium, talem equum possidentium e): „their brædur áttó. einn hest gráð-
 „ann, brunann at lit, hann var miök ólmr
 „ok illr víðskiptis, hverjom hesti rendi
 „hann sem við hann var att, hann hafði
 „vígtennur sva stórar, at thær varo engom
 „hesti til líka, i. e. *fratres equum emissarium,*
fusci coloris, possidebant, ferum adeo; ut quem-
cunque alium equestri secum pugna comissum
superaret, tantis autem dentibus armatum, ut
nullus alius similes haberet; Vnde, quod hic
 inprimis agitur, equos, ob Hippomachiae ex-
 exercitia, magni olim esse factos, praeter natu-
 ralem necessitatem, multorum veteris aevi Is-
 landorum exempla probant; quorum omnium
 instar sint: Starkadus, equo suo, quod in cer-
 taminiis equestribus strennum probauerat, valde
 delectatus f): Scarphedinus, qui cum equum
 formosissimum, quatuor annos natum, sed hip-
 pomachia nondum expertum, cum quatuor vna
 equabus Hosculdo amico daret dono, Mordus
 inde eius traducendi occasionem sumsit, quasi
 nullius pretii donum dedisset, quo Hosculdum,
 militiae quippe et armis minus assuetum, viri
 nomine indignum, significare voluisset g): Thor-
 leikus Hosculdi, qui hominem circumfora-
 neum, pro equo cum tribus equabus, quod
 equus

e) Viglundar Saga cap. 7.

f) Níals Saga cap. 52.

g) Níals Saga cap. 103.

equus magnus venustus et hippomachia expertus esset, non pecunia tantum sed et habitaculo ditavit ^{h)}: Bollius, cuius equos ita describit Laxdælensium historia: „Bolli átti stodrofs thau „sem best varo kaullut, hestrinn var bædi „mikill ok vænn, oc reyndr at vígi, hann „var hvitr at lit, enn raudr topprinn milli „Eyrna fram, ok eins varo lit aull rossinn,, i. e. *Bollius*, qui *præstantissimus* putabatur, equorum gregem possidebat; erat equus magnus formosus, in certaminibus equestribus exercitatus, colore albus, rufa autem inter aures in fronte propendebat iuba, qualis et singulis equabus erat color. Biarnius denique equum sibi a Glumo datum, hac de causa saginans ⁱ⁾: „Glumr „gaf frænda sinom raudann heft sex vetra „gamlann - fetr Biarni thegar hestinn til „heys - um sumarit eptir var hanom micil „forvitni á at vita hverso hestrinn mundi „bytaz, oc rædir hann nu um, at hann vill „etia vid heft thann er átti Thorkell Gey- „raon,, i. e. *Biarnius*, quem ei cognatus *Glumus* equum, sex annos natum dederat, foeno statim saginare coepit, sequenti autem aestate, qui se in *Hippomachia* equus gereret, scire cupiens, eum cum *Thorkilli Geiri* filii equo se pugna commissurum dixit.

§. XXVII.

^{h)} Laxdæla Saga.

ⁱ⁾ Viga Glums Saga cap. 23.

§. XXVII.

Supereſt tertia ludorum equeſtrium ſpecies, *Certamen haſtarum, haſtiludium, Torneamentum k)*, Islandis *Turnement* vel *Burtreid* dicta; ubi equites, loricis clypeisque, vel utroque, tecti, haſtis autem armati, obuii in campo fiebant, haſtiſque ſe inuicem excipiebant, ſinguli ſingulos de equis deturbaturi. Multa eſt huius certaminis in Vilkinorum et Niſlungorum hiſtoria, aliisque mediæ ævi monumentis mentio; cum autem nullus eius apud Islandos fuerit uſus, prolixiori hęc deſcriptione non opus eſt; proſus vero intactum ideo relinquere nolui, quod nonnulla eius exempla Hiſtoria Daniſca ſubminiſtret.

§. XXVIII.

Tantus igitur cum veteres tenuerit equorum amor, tot et tam grauib. rationibus ſuffultus, mirum non eſt, equos, donaria, viris magnis, imo Regibus digna eſſe habitos. Nouit hoc Eddæ Sæmundi auctor, Bragium Lokio ita locutum inducens l):

„Mar oc mæki

„Gef ek ther míns fiár,

„Ok bæti ther ſva baugi,

„Sídr thu áſom

„Aufund um gialldir,

„Grem thu eigi góð at ther.,

i. e.

k) Du Fresne Gloſſar. in Voce *Torneamentum*.

l) in *Lokaſenna*.

iii. e.

Equum et gladium

Ex meis facultatibus; tibi dabo

Teque ita pecunia deliniam

Ne Diuos hic

Invidia persequaris,

Nec Deorum in te concites iram.

Nec ignorauit fabulosus alias Gautreki Vitae auctor *m*), Gautium Regem, inter alia maximi pretii donaria, equos Hrofsketillo amico dedisse tradens: Probat autem Canutidarum Historia *n*), Falcones et equos, pretiosissimis donariis accensens: Clarissime tamen Einari Thveraensis Verba, quibus, Olao Sancto Noruegiae Regi, Insulam Grimsoam, quam sibi ab Islandis concedendam petierat, omnino quidem denegandam, ast amicitiam et munera, eius fastigio digna, suasit offerenda *o*): „Hitt Kalla „ek vel fallit, at menn fendi Kongi vinn- „giasir, their er that vilia, Hauka edr he- „sta, tiölld edr Segl, edr adra thá luti er „sendilegir ero „ i. e. *Illud autem magis con- venire puto, ut qui volunt, donaria, amicitiae indicia, Regi mittant Falcones vel equos, aulaea vel vela, aliasue res, quae mittantur dignas.* Quamuis autem superstitiosus hicce et inmensus equorum amor, apud Islandos iamdudum ces-
sauerit,

m) cap. 8.

n) cap. 68.

o) Sturl. Chron. Norv. ed. Suec. Tom. I. p. 604.

fauerit, dantur tamen et hodie inter borealis Islandiae, iuprimis Toparchiae Scagafiordensis incolas nonnulli, qui magna equorum armenta alunt et equitando adeo sunt dediti, vt fere in proverbiū abierit: „*nordan rida ippa heft*: Caetera equi Islandici, licet mediocres sunt magnitudinis, eam vel hodie laudem sibi propriam feruant, vt, laborum quippe patientissimi, et diutius, et, quoniam quidam eorum non succussant, commodius Danicis equitem ferant; Hinc, quod mediocrem staturam, fortitudinem, pedumque celeritatem, Ionslono p) annotante, cum Norvegicis, cum Anglicis vero, quorum bonam partem non subeussare Polyd. Virgilius tradit q), mollem gressum habeant communem; omni non caret veri specie, vt maxima eorum pars e Noruegia olim transuehebatur, ita aliquam etiam eorum partem ex Hibernia et Anglia in Islandiam primitus aduectam esse.

p) de Quadruped. p. 21.

q) loc. cit. pag. 9.





L. B.

Quo similis exempli gloria excitentur et alii, egregium, Diligentiae, Legum obseruantiae, Ingenii, atque in scribendo facultatis, hoc specimine, praestantissimus Auctor, nobis dedit documentum; quod, exemplo prorsus nouo, tres, vno tempore, Collegii eiusdem *Medicei*, iudicio Senatus Academici, ex Islandia Lecti, Socii tuentur, patrium decus, tantum abest, non deferens, quin aliis etiam facem extollat et praeferat, Antiquitatum veris amatoribus recte atque ordine commendat

Scribebam Hauniae
X. Kal. Mart. clcldccclv.

I. P. Ancherfen. D.





18

